



11. 2. 337

DISSERTATIO THEOLOGICA
INAUGURALIS,

DE

JUDAEO-CHRISTIANISMO EJUSQUE VI
ET EFFICACITATE QUAM EXSE-
RUIT IN REM CHRISTIANAM,
SEculo PRIMO,



11 2. 332

DISSERTATIO THEOLOGICA
INAUGURALIS,
DE
JUDAEO-CHRISTIANISMO EJUSQUE VI ET
EFFICACITATE, QUAM EXSERUIT IN
REM CHRISTIANAM, SEculo PRIMO,
QUAM,
ANNUENTE SUMMO NUMINE,
EX AUCTORITATE RECTORIS MAGNIFICI
J A N I B A K E,
PHILOSA. THEOL. MAG. LITT. HUM. ET JUR. UTA. DOCT.
LITT. HUM. PROF. GABRI.
NEC NON
AMPLISSIMI SENATUS ACADEMICI CONSENSU
ET
NOBILISSIMAE FACULTATIS THEOLOGICAE DECRETO,
PRO GRADU DOCTORATUS,
SUMMISQUE IN THEOLOGIA
HONORIBUS AC PRIVILEGIIS,
IN ACADEMIA LUGDUNO-BATAVA,
RITE ET LEGITIME CONSEQUENDIS,
PUBLICO AC SOLENNI EXAMINI SUBMITTIT
DAVID VAN HEYST,
AMSTELODAMO-BATAVUS,
V. D. M. in pago Muiderberg.
AD DIEM XXIV. JUNII MDCCCXXVIII. Hora XL
IN AUDITORIO MAJORI.

LUGDUNI BATAVORUM,
APUD VIDUAM D. DU S A A R,
MDCCCXXVIII.

1. 1. 1.

[illegible]

111

P R A E F A T I O.

Tandem mihi contingit, curriculo Academico finem imponere, et hocce edito specimine officium solvere, cujus implendi religionem in me susceperam. Sat multum temporis elapsum est, ex quo argumenti optio apud me constabat; argumenti vero dispositio et elaboratio multam magnamque mihi objecerunt moram. Prope jam accesserat dies, quo munus sacrum a me obeundum esset; hoc cum sentiebam, urgendum fuit opus. Temporis spatio itaque, quod adhuc residuum erat, strenue utendum fuit, neque illud, quod jam elapsum fuerat, compensari potuit, nisi omnibus, quantum in me esset, viribus intendendis. Hoc quaeso teneant lectores acqui rerum iudices, ne iniquius ferant iudicium, si hic vel illic deprehendant non pauca vestigia juvenilis mediocritatis. Argu-
men-

mentum per se gravissimum uberiores requisivisset tractationem, tempori vero parendum fuit. Feci ergo, quod potui; feci quod ferebant humeri. Impense tamen laetabor, si non omnia, quae scripsi, aut saltem digito monstravi, ulteriori inquisitione peritorum et doctiorum sint prorsus indigna. Ultimam manum attuli operi, muneris mei, quod jam obire inceperam, distractus occupationibus. Hoc excusationi locum dabit, siquidem exstent in ultimâ operis parte festinationis quaedam indicia vix evitanda. Nolui tamen diudus procrastinare hujus speciminis edendi tempus, ne, quod non raro factum vidimus, tandem plane seponeretur et oblivioni traderetur. Sit mihi concessum, ante omnia indulgentiam implorare lectorum, judiciumque benignum ab iis petere, quod minime solet denegari ei, qui primâ vice studiorum suorum publice rationem exhibeat.

De argumenti tractandi modo hic nihil monendum habeo, quia hanc rem, introductio ipsa satis superque declarat. Sed hac opportunitate
uti

utl apud me constui, ut gratum meum animum tester omnibus viris clarissimis et doctissimis, quorum institutione mihi frui contigit. Vos igitur omnes viri celeberrimi, quos studiorum moderatores habere licuit, tum in Athenaeo Amsteladamenti tum in alma Musarum sede, quâ Lugduno-Batava superbit; vos omnes compello, multumque vobis me debere publice hic profiteor. Nunquam nomina vestra ex animo meo evanescent, quae summâ veneratione soleo prosequi, cum biennium in memoriam revoco, quod literis humanioribus impendi. Vobis enim debeo, quod non prorsus alienus a sensu veri et pulchri ad disciplinas Theologicas me contulerim. Litterae autem elegantiores indissolubili virculo cum quâvis disciplinâ nectuntur; hisque segnius tractatis, non multi profectus fieri possunt in studiis subsequentibus. Accipite igitur grati animi testificationem, et sic habete; me vestra beneficia tanti existimare, quanti habenda sunt fundamenta, quibus omne aedificium tuto superstrui queat.

Vos

Vos imprimis Theologicæ disciplinae lumina, quorum splendorem in studiorum curriculo nunquam non aspiciebam, hic memorare mihi liceat. Quidquid profectum feci in divinâ nostrâ doctrinâ, vestrae debeo institutioni, viri celeberrimi, Clarisse, Suringar, Van Hengel et Kist! Si quidem non prorsus indignus ero provinciâ, cui sum praepositus, vestrae curae, vestrae institutioni gratiae referendae sunt. Non tantum ex doctrinae vestrae ubertate et copiâ emolumenta varia in me redundarunt, sed etiam tot tantaque vestrae erga me benevolentiae et amicitiae specimina sum experius, ut non nisi quaecvis bona ex iis erga me studiaque mea possim augurari. Nunquam me ingratum aut immemorem beneficiorum reperietis discipulum, nunquam oblivioni tradentur anni, per quos egregiis vestris monitis uti mihi datum fuit. Hoc temporis spatium per omnem vitae cursum a me habebitur laetissimum; neque unquam desinam divinae providentiae laudem celebrare, quâ benigne mihi datum est,
ut

—

ut vestras adirem scholas. Ut diu adhuc vobis
viventibus et incoluminibus, patria nostra, ec-
clesia, academia decore suo eximio gaudeant,
faxit Deus Optimus Maximus!

Tu quoque gratiarum mearum accipe tribu-
tum, Praeceptor clarissime, disciplinae nostrae
antistes nobilissime, quem Promotorem me-
nactum esse impense laetor, summe venerande
Van Voórst. Te enim, patris instar, omnes
Theologicae disciplinae summi, revereri sole-
mus. Te corpore quidem senem, animo vero
et laboris fructu juvenem adeo eundem prorsus
expertus sum, qualem per multos jam annos
plurimi te reperisse sibi gratulantur; quodque
fama antea saepius audiveram, per omne tem-
pus, quo huc in Academia sum versatus, ma-
ximo meo commodo experientia ipsa probatum
vidi. Semper te promptum et paratum inveni,
ut tua consilia utilissima mihi impertires, ne-
que recusasti, quamvis tot tantisque occupatus
laboribus, auxilium tuum et monita mecum com-
municare, hocce in opere scribendo et edendo.

Ho-

Herum beneficiorum, quae tum ex institutione
tua, tum ex privatis colloquiis in me redunda-
runt, nunquam immemor ero, quamdiu vivam.
Pro hisce omnibus accipe animi mei grati sin-
ceram testificationem; perge meo commodo
invigilare, quod nunquam facere desisti. Sic
tibi laeta serenaque senectus, cujus fructus
uberrimi semper discipulorum utilitati inser-
viunt, et adhuc multis ut prosint, divina beni-
gnitas nobis concedat! Vota facere non de-
sino pro salute tua, quibus votis sua adjungunt,
quibus Theologicorum studiorum decor et splen-
dor cordi sunt.

Valete et vos omnes, Amici Integerrimi, quo-
rum dulcissima nomina semper animo meo infixi
haerebunt; quorum fides inculcata, et candida
amicicia studiorum cursum tantè affecerunt sua-
vitate. Accipite triste vale; vivite felices, me-
mores et vivite nostri.

DIS-

DISSERTATIO THEOLOGICA
INAUGURALIS,

D E

JUDAEO-CHRISTIANISMO EJUS-
QUE VI ET EFFICACITATE
QUAM EXSERUIT IN REM
CHRISTIANAM, SEculo
PRIMO.

INTRODUCTIO.

U^t historici muneri satisfiat, nudam rerum enar-
rationem minime sufficere consentiunt omnes.
Causarum effectuumque tractationem et expositio-
nem primum esse et praecipuum, cui operam det
historicus; ut brevius dicamus, historiam tra-
ctandi rationem esse debere *Pragmaticam*, non
est quod demonstramus. Quantos fructus sic
tandem haec disciplina proferat uberrimos, prae-
teritae aevi memoria nostrique experientia luce
clarius docuerunt. Ne quis tamen existimet, nos
celebrando historicorum recentiorum merita, in-

A

vi-

vidiosam sententiam ferre de antiquioribus. Vix pares habuerunt Herculeo adeo labore exantlando, et indefesso studio materiem colligendo, ex quo aedificium ingens strueretur. Minime ingrati animi culpam in nos contrahere velimus, cum veterum assiduitas et luminum magnitudo tam crebro nobis usu venerint. Sed quid historia sine pragmatica tractatione? Quid farrago ex variis factorum traditionibus congesta? Monstrum horrendum, ingens, cui lumen ademtum. Beatam ideo praedicamus recentiore aetate, quando viri prodierunt perspicacissimi et magnâ doctrinae copâ instructi, qui ex rude hac et indigestâ mole unum corpus disposuerint et ex membris disiectis coagmentarint. Omnia jam loco suo reperiuntur, lucidus exstat ordo, et concinne inter se concatenantur omnia; amice conspirant, quae antea inter se pugnare videbantur. Hoc munus, hoc opus est rationis pragmaticae. Quantum usum haec praestet *Historiae Ecclesiasticae*, vix dici potest. Evolvantur scripta, quae debemus doctis acutisque ingeniis, quibus merito *Germania* superbit. Quisque videt nobis ob oculos versari Moshemios, Schröckhios, Semleros, Henkios, Spittleros, Planckios, Neandros, Gieseleros et tot illustria nomina, quae recensere longum est. Horum virorum doctrinae copiae et mentis acuminis debemus, novam et inusitatam lucem facia *Christianorum* societatis doctrinaeque ipsorum esse admotam. Quae antiquiorum collegerat industria et ferrea sedulitas, horum perspicacitas et mentis acumen apte disposuit et concinnavit, ita ut,

ut, quod antea campum aridum aut dumetis ob-
situm exhiberet, jam amoena prata ostendat flo-
ribus distincta et fructuum copiam referta. Hinc
etiam factum est, ut multa imprimis ad rerum
notitiam facientia, quae antea in obscuro latebant
loco, in lucem claram diel protracta sint, et ire-
rata vice, verâ suâ naturâ et indole, exponerentur.
Huc facit quam maxime *liberalis* (ut ajunt) tra-
ctandi ratio, qua nostris diebus Theologiae disci-
plinæ exponi soleant. Contrarium huicce, quam
nocivum fuerit historiae Ecclesiasticae, vix dici po-
test. Quid absurdius, quid historici munere in-
dignius, quam placita suo tempore recepta et san-
cita in antiquiorum *Christianorum* inferre histo-
riam, eamque secundum hanc normam informare
seu potius contorquere? At vero, sic saepius
res acta est: nec sine damno insigni et detrimento
verî studii hoc accidit. Hoc malum tantummodo
evitari potest, inquirendo, sine partium studio,
in universusque rei *Christianae* aetatis indolem et
rationem.

Fieri quidem potest, ut exacto examine minus
laeta et probanda nobis videatur haec vel illa tem-
porum conditio, vel ut plura bona in eâ reperia-
mus, quam quidem vulgo creditur: sed persuasus
haecce, nos ulterius in indagando vero progressos
esse, satis superque compensabit dolorem, quem
sensus injucundus, quod spei nostrae exitus non
responderit, in mente nostrâ excitare solet.

Inter has partes historiae Ecclesiasticae, quae
tum jucunditate, tum utilitatis fructu se commen-
dant, omnino referenda inquisitio variarum muta-

A a tio

tionum, quas doctrinae forma per omne aevum apud Christi acetatores subit. Innumerabiles se manifestas reddidere opiniones et cogitandi rationes, quas aut aetas delevit, aut quae per omnia secula se propagarunt. Sed hae omnes tamen hanc vim habuerunt, ut tandem *Christianarum* disciplina talis sit facta, qualem jam nunc habemus. Crebris dissidiis et nunquam intermisso bello, ingenium humanum agitatum est et excultum; et ex nocte illâ obscurâ horridisque saepius tenebris involutâ, lux serena exorta est novis obducenda nebulis.

Religio Christiana hominibus divinitus data, quod ad materiem suam, semper constans sibi et eadem, varias induit formas, quas humanæ mentis conditio et indoles ei addere solent. Hujus observationis bonitatem jam probarunt prima tempora, quibus suos fautores in hoc terrarum orbe numeraret. Homines, qui ad eam accederent, suas opiniones et suos sentiendi modos habebant. Ex harum naturâ et varietate varias formas doctrinae coelestis contraxit, et omnino divini Numinis vestigia clarissime sese ostenderunt in eo, quod germana disciplinae indoles non perierit tot tantisque obruta additamentis.

Solemus in tractandâ historiâ nostrae religionis attento animo rerum Christianarum initia inter *Judaeos* contemplari. Primum summâ dignamur attentione has primitias rei bene gestae; accurate coetûs *Hierosolymitani* lustramus fata et incrementa; mox vero ejus quasi oblitâ, ad scenam latius extensam nos convertere solemus et Chri-

sti

sti legatos per *Asiam* et *Græciam* et *Italiam* sequimur; novos undique surgere videmus coetus, juvenilis quasi ætatis robore et flore splendentes et plane sumus immemores matris, ex qua omnes originem reperant, donec tandem post magnum intervallum, cum de sectis *Nazaræorum* et *Ebionæorum* agendum sit, repente ad eam redeamus ad exsequias ejus, ut ita dicam, celebrandas, tristisque vale ei dicendum. Verum quidem est, matris hujus gloriam filiarum nomine et celebritate fuisse obscuratam, et alienasse a sese suas filias cum non matris benignæ nomen, sed duræ adeo novercæ tueri inciperet. At vero nonne digna est, ut diutius oculos in eam conjiciamus? Hoc sæpius mecum reputavi, cum fata *Christianorum* primi ævi perlustrarem et visum mihi est, hanc partem historiae, quæ agit de *Christianis* et *Judeis* oriundis eorumque opinionibus, non, quæ par erat, diligentia et ubertate a scriptoribus esse tractatam, neque autem, opus aggredi supervacaneum, qui lucem quandam huic materiae affundere conaretur. Dignum videbatur argumentum, quod seorsim tractaretur.

Nam pretio suo et pondere non caret quaestio, quid *Judæorum*, apud quos Christiana religio primordia sua habuit, opiniones et indoles in doctrinam hanc effecerint? Quatenus hisce opinionibus fuerit imbuta? Num hæc conjunctio, germanæ Christi doctrinae nocuerit, nec ne? Quibusnam tandem causis effectum sit, ut damnum, quod inde oriri possit, averteretur? Hisce quaestionibus sæpius mecum agitat et ponde-

ratis, optimam et, quantum fieri possit, certissimam respondendi viam existimabam, siquidem antiquissima rei Christianae monumenta adhiberem et *Judaeo-Christianorum* historiam perlustrarem.

Opus arduum et vix juvenilibus ferendum humeris. Nullum scriptum legere contigit mihi, quod seorsim hanc partem tractaret; ipsi adeundi erant fontea. At quales? Partim quidem *Novi Testamenti* scripta purissimos afferebant rivulos, sed exiguos et mox exhaustos; partim vero scriptorum *Ecclesiasticorum* monumenta non spernenda quaedam dederunt; sed, ubi margaritae paucae ex immensâ aordium mole expiscandae erant, labore iniquo fracta industria; cum, quid affirmandum, quid negandum esset, vix haberem, Quid mirum adeo collectam materiem, separaram a spuris et incertis, quantum ferebat meae cognitionis mediocritas, haud respondisse expectationi. Sed alea jacta fuit, et strenue et patienter ferendum, quod mutari non poterat.

Disputationem igitur qualemcumque scripturus de *Judaeo-Christianismo*, ejusque vi et efficacitate, quam exeruit in rem Christianam, seculo primo, rem inde ab origina repetendam censeui. Primordia rei Christianae contemplanda erant, ut exinde appareret, *Judaeorum* opiniones in religionem Christianam magnam vim exerere debuisse. Videndum porro, quatenus haec opiniones oppositae fuerint germanae naturae Christi doctrinae, et qualibus quantisque litibus et controversiis ansam dederint. Quenam vero causa mix-

xime *Judæo-Christianismo* exitium attulerit, ita ut tandem ejusmodi cogitandi ratio non amplius vigeret in *Christianorum* societate, denique indagandum esse putavimus, præmissâ historicâ rerum expositione. Terminum hujus disputationis constitulimus finem seculi primi, non quidem hanc ob causam, quod *Judæo-Christianismus* jam tunc prorsus vim suam exserere desierit, sed quod historia *Judæo-Christianismi*, qualis se ostenderit seculo secundo et deinde etiam, si accurate exponeretur, finem, quibus disputatio Academica circumscribi solet, omnino transgressura esset; unde potius hanc inquisitionem, si vitam et otium nobis in posterum concedat Divina Providentia, separatim tractandam nobis sumemus. Ceterum *Judæo-Christianismus* aliam quandam formam deinde induit, cum maximâ suâ vi externâ, per Judæicæ reipublicæ cladem, destitueretur: satis itaque commoda argumenti nostri divisio unicuique apparebit.

Ut clarius appareat nostri argumenti ratio, breviter disputationis cursus hic definiendus videtur.

Capite I. agetur *De origine Judæo-Christianismi ex coetu Hierosolymitano receptendâ*, ubi brevem disquisitionem instituemus de Ecclesiâ *Hierosolymitanâ*, *Judæo-Christianorum* incunabulis.

Capite II. *De Judæo-Christianismo incrementis et lisâ et controversiis agente cum Ethnico-Christianismo*, sive de controversiis *Judæo-Christianorum* inter et ceteros *Christianos*, ad hoc usque tem-

tempus, quo dissidium in conventu *Iherosolymitano* compositum videbatur.

Capite III. *De Judaeco-Christianismo omnes vires suas exerente, a Paulo acerrime impugnato.*

Capite IV. *De Judaeco-Christianismo ab aliâ sede suâ desurbato et lethali affecto vulnere: quo in capite, post recensionem eorum, quae Judaeco-Christianismus in rem Christianam effecerit, causam praecipuam ejus interitûs exponemus; qua factum est, ut lapsu temporis prorsus ex Ecclesiâ evanesceret.*

Quantum fieri potest *historicam* rerum connectionem persequimur, et eventuum narratio normam nobis exhibebit, secundum quam observationes nostras disponamus. Historiae partem sane magni momenti esse, quisque nobiscum dicit: versatur enim in primis temporibus Ecclesiae, quando causae externae, et opiniones extrinsecus allatae maximam vim exercere solent: depingit nobis acerrimam luctam et concertationem puram doctrinam inter et humana additamenta; ex quo autem bello, licet non sine vulneribus omnibus, in universum tamen inconcussa, novisque viribus aucta bona causa triumphans emersit. Gravissimum argumentum, quod exercitatus ingenium uberiusque doctrinam, quam mea diei potest, requireret. Admodum vereor ut operae pretium facturus sim, hoc argumento tractando. Sed dijudicent hoc peritiores, quorum benevolentiam et in judicando lenitatem imploramus quam maxime.

Suf.

Sufficiant haecce. Nolumus illos, qui itineris
socios se nobis adjungere haud recusabunt, diu-
tius in portu detinere. Retinacula jam solvenda,
quae puppim littori alligant: vela expandimus,
ventis spirantibus prospere, votaue facimus ex
limo pectoris sensu, ut fausta sit navigatio utque
sine gravi jacturâ, superatis *Syrribus*; et *Cyaneis*
evitatis, naviculam nostram perducamus in tutam
et securam stationem.

B

C A

CAPUT PRIMUM.

DE ORIGINE JUDÆO-CHRISTIANISMI
EX COEITU HIEROSOLYMITANO RE-
PETENDA.

§. 1. *Intritus.*

Munere suo his in terris perfunctus, *Servator* Optimus ad sedes beatorum recesserat; et opus a se inchoatum discipulis suis absolvendum mandaverat. Semina coelestis doctrinae jam sparsa erant, neque spes deesse fore, ut seges lactissimas, sub Dei auspiciis, ex hoc semente propulset. Huic spei et expectationi imprimis faverat miraculum, die *Pentecostis* in Jesu sectoribus effectum. Jam stil facti sunt memorabili hocce eventu, quam antea fuerant. Divino impulsu excitati in hominum prodeunt frequentiam, novae divinaeque disciplinae laetum proferentes nuncium: indefesso labore muneri sibi imposito invigilant, nec periculorum metu neque adversariorum minis se ab eo avocari patiuntur. At vero quisque affirmabit nobiscum, Jesu *Apostolos* hu-

ma-

manam naturam minime deposuisse; contra ipsos, ut solet, ad clariorem et uberiores scientiam identidem pervenisse, et singulos quidem pro modulo suo et ingenii ratione munus sibi demandatum exsecutos fuisse.

Judaei cum essent, opiniones et mores huius genti proprios ipsi etiam retinebant *Apostoli*. Quid mirum itaque, doctrinam, quam proponebant, *Judaica* quasi colore imbutam et ejusmodi imaginibus expressam fuisse. Etenim ex Dei voluntate ab hocce populo salutaris religio ad ceteras gentes extendi debebat, terraeque *Palaestinensi* hic honor fuit reservatus, ut rei Christianae praeberet incurabula. Si jam cernimus prima *Apostolorum* conamina et facta, nihil aliud videre putamus, quam *Judaeos* quosdam viros, morum corruptioni et religionis avitae depravationi obviam euntes, et provocantes ad consensum eorum, qui inter populares suos veritatis amore excellerent. Nemo his in rebus initia suspicaretur eventus, qui, totius fere humani generis sortem immutaturus et compositurus esset. Dignissima tamen sunt haec rerum primordia, quae lustrentur a nobis, in his enim plurimorum eventuum causam et explicationem invenire possumus, quibus bene definitis, cetera planiora evadent. Ecclesia, quae dicitur *Ierosolymitana*, mater et nutrix reliquarum societatum, deinceps ubique constitutarum, attentionem nostram in se convertit; qualisque fuerit jam primum nobis videndum.

§. 2. De nexu, qui inter primos Christianos
et Judaeos intercedebat.

Male certo ageret, qui *Apostolos* Jesu sibi proponat, quasi coetum religiosum separatim efficientes, et identidem eos, qui fidem haberent ipsorum institutioni, huic coetui adjungentes. Minime a societate *Judaeorum* separati, publico horum cultui, ex *Mosia* legibus instituto, addicti fuerunt (1). Potuerunt bonâ fide observare publicum cultum *Judaicum*, cum ipse *Jesus* se ei addicens festa solemnia celebrare, atque instituta, legum auctoritate sancita, observare consueverat (2). Neque diversitas opinionum circa doctrinas religiosas versantium apud *Judaeos* efficiebat, ut aditus alicui ad sacra publica intercluderetur. *Phariseorum* sectae fautores aeque ac *Sadducei* ad ea admittebantur; imo et *Essenorum* dona in templo *Hierosolymitano* offerebantur (3). Nulla ergo fuit causa, cur *Christi* sectatores hoc jure privarentur, neque exstant documenta, ex quibus appareat, unam *Judaeorum* sectam (ne-

(1) Vidd. loca *Act.* II, 46. III, 1. V, 18. Cf. Gieseler *Lehrbuch der Kirchengeschichte* T. I. p. 70. et Ph. Jac. Hartmann *de rebus gestis Christianorum sub Apostolis* p. 58. Nota 8.

(2) De *Jesu* religioso *Mosaicæ* observatore vid. Hase *Leben, Thaten und Schicksale unsers Herrn P. II.* p. 247—ed. Edit. anni 1866.

(3) Vid. *Josephus Antiquit. Judaicæ*, L. XVIII. c. 2. p. 617 G. Edit. Gess. 1624.

que alii tum habebantur *Christiani*) alteram a sacris publicis arcere voluisse.

Ex rei tamen naturâ necessario sequebatur, ut Jesu discipuli, *fratrum* nomine distincti, arctiori vinculo inter se jungerentur. Discrimen, quod inter ipsos et ceteros *Judeos*, a Christo alienos, intercedebat, ejusmodi erat, ut sponte suâ frequentius quovis in loco ipsis commodo convenirent, et sic fundamentum jacerent sodalitii cujusdam, *ἐκκλησίας* nomine inde a primis temporibus celebrati (4). In sedibus privatis conveniebant, ut communî bono consulerent (5), et actibus religiosiis se traderent (6). Arctiori conjunctioni *Christianorum* inter se imprimis faverat *communio*, quæ dicitur *bonorum* (7); quod institutum in coetu, qualis fuerit *Hierosolymitanus*, ubi multi pauperes ad Christi castra se contulerant, imprimis necessarium erat. Ex hoc instituto prima, ut ita dicam, regiminis forma repetenda est, cujus vestigia in antiquissimo

(4) Jure dicit Planck *Geschichte des Christenthums gedurende het eijfdeek van derzelft eerste ineenring* P. II. p. 30. non aucto consilio peculiari adscribendum fuisse, ut Christi sectatores antiquissimi cœtem separatim concedere.

(5) *Act.* I, 13 seqq.

(6) *Act.* IV, 31. XII, 12. Etiam hic offerri possint loca *Act.* II, 42 et 46: ubi de *ἀδελφῶν* sit sermo, aliquid de epulis communibus (*ἀδελφῶν* dicunt) intelligi debeat. Quod verosimilissimum est. Cf. Kalmonius ad hæc loca et *Interpres* ab eo citati.

(7) *Act.* II, 44, 45. IV, 34 seqq. Cf. Moshamil *Dissertation de vera natura communionis bonorum in Ecclesiâ Hierosolymitana*, ad hist. *Eccles. pers.* Vol. II. p. 1—53.

mo rerum Christianarum monumento occurrunt. Quisque videt, nos innuere institutionem septem *Diaconorum*, quibus demandabatur cura pauperum et stipum erogatio (8). Cum identidem coetus Christianorum regimen dandum esset, nihil facilius magisque rerum conditioni consentaneum erat, quam ut *Synagoga Judaeorum* exemplar illi praeberet (9). Inde mox occurrit mentio *Presbyterorum* (10), quibus non adeo docendi, quam quidem regendi provincia commissa fuit (11). Ne tamen quis rem sic sibi proponat, quasi *Apostoli* imprimis hoc egerint, ut formam conderent societatis *Judaicae* religioni oppositam. Rerum eventibus tandem effectum est, ut *Christi* cultores identidem a reliquis *Judaeis* distinguerentur (12). *Apostoli* autem nullo modo curarunt, ut ritus certos definirent, cultusque externi *firmam*; unde merito concludi potest, optime ipsos cepisse mentem *Christi*, religionem suam vocantis Dei cultum *ἐν πνεύματι καὶ ἀληθείᾳ* (13).

(8) *Act.* IV, 1—6. Cf. *Gieseler* l. c. p. 71. Not. 4.

(9) C. *Vitringa de Synagoga veteri* Lib. III. P. I. c. 1 sqq.

(10) *Act.* XI, 30.

(11) Vid. A. Neander *Allgem. Geschichte der Christl. Religion und Kirche* T. I. p. 285 sqq.

(12) Cf. *Spietler Grundriss der Geschichte der Christl. Kirche* p. 24. Edn. 5.

(13) Cf. *Pluck* l. c. P. II. p. 545—546.

§. 3. *De Christianorum Hierosolymitanorum
numero et indole.*

Ut bene nobis imaginem informemus coetus *Hierosolymitani*, non abs re erit quaedam de numero hominum, quo constabat, in medium afferre. Notitias minime spernendas Lucas (14) nobis suppeditat. Scilicet narrat numerum eorum, qui Christo fidem haberent, die *Pentecostis* ad tria millia hominum accrevisse, donec tandem, non magno interjecto temporis spatio, numerum quinque millium efficeret. Non est, quod de hujus notitiae bonitate dubitemus. Sed bene tenendum, probari non posse, hos omnes sedem suam fixisse *Hierosolymis*. Multi certo fuerunt, qui tempore festi ad urbem venerant, exactâ solemnitate, in patriam redierunt. Porro hos homines nobis proponere non debemus Christi sectatores, quales deinde historia suppeditat, institutione accuratâ eruditos. Hujusmodi institutioni religiosae nec tempus aderat nec spatium. Quis nescit, quam facile vulgi mentes rebus insolitis in admirationem raptae, assensum rei cuiquam praebeant.

Non-

(14) *Act. I, 25. II, 41. IV, 4.* Hoc in loco dicitur multis credidisse, *aut iherosolimis i iherosolimis aut iherosolimis*. Quisque videt nos haec verba sic accipere, ut simul tria millia, de quibus agitur II, 41. intelligantur; non vero ut totus numerus sit octo millium. Est omnino in verbo *iherosolimis* (non vero *in*) quaedam huius interpretationi favens. Si vero aliud voluissent Lucas, quidni vocabulo solito *apostolus* (coll. II, 41. V, 14.) usus fuisset.

Nonne plures eorum, qui primo tempore ad *Christianorum* numerum accederant, eum *Messiam Judaeorum* habentes, fortasse dein, cum suas expectationes successu carere putarent, ad pristinum vitae statum relabi potuerunt? Non satis prudenter ex computatione, quam *Lucas* habet, concluderetur ad numerum *Judaeorum*, qui coetui *Hierosolymitano* addebantur. Haec dicta ne quis sic interpretetur, quasi rei bene gestae pretium imminuere conaremur. Nemo prudens rerum factarum iudex dubitabit de efficacia dictorum *Apostolorum*, res, quas ipsi conspexerant, annunciantium, et miraculis publice patris, divinos se esse legatos, probantium. Ne tamen aliquis eo perveniat, ut fingat sibi successum, qualem nec rei natura nec historia probant.

Quod apud *Apostolos* locum obtinuisse vidimus, scilicet ipsos non nisi identidem ad puriorem et sublimiorem de *Jesu* doctrinam cogitandi modum pervenisse, idem, imo et majori probabilitate obtinuisse apud *Judaeos*, qui eorum opera ad *Christi* partes perducebantur, quis inficias ibit? *Judaei* scilicet manebant, in eo solummodo a popularibus distincti, quod *Jesum Messiam Judaeorum* haberent (15). Quot opiniones huic genti

(15) Hoc enim spectasse *Petri* orationem die *Pentecostae* habetam, ex ejus conclusione apparet „*Cognoscens loquor omnes „ Israelitae Dominum et Christum hunc consuetis „ Deum, hunc scilicet Jesum, quem vos cruci affixistis,*“ *Act.* II, 36. *Jesum Messiam* confitentes in se quidem susceperant officium, mentem immutandi et abstinendi a viciis, cui eman- cipi erant reliqui homines (*Act.* II, 38, 40. III, 19. IV, 18.) nec

genti propriae iis adhaeserint, vix definiri potest, et multae sane erant, quas nondum viderant cum indole religionis Christianae in concordiam redigi non posse. Etenim rei ipsius naturae consentaneum est, non facile homines missas facere opiniones, quibus inde a teneris sunt imbuti. Fuit tamen satis magnum discrimen inter ipsos, qui Jesu doctrinae fidem habebant, ceterosque *Hierosolymae* cives, neque conamina *Apostolorum* ad causam suam promovendam ejusmodi erant, ut diutius Inimicorum animos a metu et ira vacuos esse sternerent. *Judaeorum* principes ad novam doctrinam, quae plebem *Hierosolymitanam* turbaret, attendentes, rerum felici cursui obicem apponere studebant. Et his eorum studiis effectum est, ut magis magisque Christi discipuli a ceteris civibus separarentur.

§. 4. *De primâ vexatione, quam Hierosolymitana Ecclesia subiit,*

Sadducaei inprimis infensissimos novae disciplinae hostes sese ostenderunt (16). Ad hanc sectam summum imperium pertinebat (17). Nec-

nec tamen in eo quid erat, quod ipsos *Christianos* a *Judaeorum* religionis et consorcio publico separaret. De hisce *Judaeo-Christiani* majori etiam jure affirmari potest, quod *Tertullianus* de omnibus dictis *Apost.* c. 42: „Itaque non sine fide, non sine macello, etc.”

(16) *Act.* IV, 1. V. 17.

(17) *Josephus Antiq. Jud.* L. XIII, c. 18. p. 454 A. XVIII, c. 2. p. 617 F. Iis severat *Joannes Hyrcanus* ejus-

C

Christi discipulis concedebatur. Interdum horum numerus in dies augebatur; multi ex ordine sacerdotum assensum suum dederant (21), et vexationes quas furor *Sadduceeorum* excitaverat, nihil effecerunt, nisi quod animos oppressorum novo ardore implerent et societatem arctiori vinculo jungerent et distraherent a ceteris hominibus: nam majore amicitia jungi solent, quos commune malum calamitatis et periculi reddit consortes.

Non diu tamen serena dies illucescit *Hierosolymitano* coetui, graviore mox (22) procellâ omnia miscentur. Stephanus summo studio doctrinam Jesu defendere conatus, gravissimum odium adversariorum incurrit. Plebs etiam tumultuatur. Res ad synedrium refertur. Indignatio judicii occupat locum. Stephanus morte aut cruentâ bonae causae praesidium affert, sibi quoque honorem comparat, primum locum inter martyrum, qui di-

(21) *Act.* VI, 7. Non duo cuncti Wagenaar (*Geschied. der Christ. Kerk in de 1ste Eeuw*, p. 131.) conject, fuisse hos sacerdotes fulas, qui secus *Phariseorum* saeviebant. Ejusmodi homines ad Christi partes accessisse, apparet ex *Act.* XV, 5.

(22) Quo anno mors Stephani obtinuit, ambigitur fuisse viros doctos. Nec scriptoris consilium nec virium mediocritas sinit, nos arbitros interponere libellum, hoc de argumento agitata. Praecipuos hoc de argumento scriptores citatos invenies ap. Kuhnkeilium in *Prolegg. ad Comment. in Acta Apost.* p. 18. Nos autem horum tequi malumus opinionem, qui Stephanum eadem ad annum 37 vel 38 referunt, cum Pilatus procurator a Vitellio *Syriae* praefecto a. C. 36 numero suo motus esset. Eiusdem sententiae est Basnage in *Annali. Pellicani-Ecclesi.* T. I. p. 459.

dicuntur, numerum¹ obtinendi (23). Caede hac tumultuaria perpetrata, *Judaeorum* animi ad nova facinora feruntur, et primâ vice elves suos, qui nullo crimine tenebantur nisi eo, quod *Messiam* vocarent *Nazarenum*, vexare incipiunt. Ut violentiae cedant, *Hierosolymitani* ex urbe migrant et disperguntur per oppida et vicos *Judaeae* et *Samaritiae* (24) *Apostoli* vero in urbe remanent, unde satis probabiliter efficitur, non adeo publico edicto quam turbæ populari hanc vexationem esse adscribendam (25). Fortasse hi viri plurimis fratribus, *ὡς πρὸς τὸ πλεον*, consilium salutare dederunt, ut fugiendo adversariorum impetui cederent, cui resistendo nondum pares essent.

§. 5. *De minoribus coetibus per terram Judaeam et alibi congregatis.*

Hac tugi *Christianorum* ex *Hierosolymis* effectum est, ut per ceteras urbes *Judaeae* terrae novi fautores religionis ipsorum congregarentur. Certo jam antea fuerunt extra *Hierosolimam* degentes, qui Christo sive *Apostolis* fidem dederant. Quis dubitabit, quin in tractu *Gallilaeensi* plures exstiterint, qui nomine *Christianorum* salutari mererentur. Quod ad oppida attinet, quae in vicino metropoleos sita erant, fama eorum, quae *Apostoli* faciebant, ad horum incolas per-

(23) *Act.* VI, 8—13. VII totum.

(24) *Act.* VIII, 1.

(25) Cf. *Planck* l. c. P. II, p. 50.

pervolaverat, et ad eos sanandi gratiâ suos aegrotos detulerant (26). *Apostoli* ipsi, qui fere omnes ex provinciis illis oriundi erant, videntur ante haec tempora, quae nunc describimus, itinera fecisse per omnem *Palaestinam*, ut cognatos suos et familiares reviserent; et hac opportunitate disciplinae suae plures amicos reddidisse. Mentio porro *Christi* sectatorum *Damasci* congregatorum, facta jam statim post vexationem a *Judaëis* excitatam (27), suspicionem merito movet, jam ante hoc tempus ibi famam *Jesu* ejusque religionis quomodocunque pervenisse, mentesque *Judaeorum* quorundam sic affecisse, ut fidem haberent doctrinae recens ortae.

Imprimis tamen exsilio plurium *Hierosolymitanorum* attribuendum est, ut coetus *Christianorum* in aliis urbibus augetur et dignitate et numero. Videamus jam paucis, quomodo hoc se habuerit per illa oppida *Palaestinae*. Operam dederunt novae religionis praecones, ut sectatores alibi compararent in urbibus in litore maris *Mediterranei* sitis. Felici successu usi sunt. Etenim inde a veteri terrâ *Philistaeorum* (28) usque in patriam *Phoenicum* discipuli Christi congregati sunt. *Lydda*, vicus non multum a litore distans, mi-

(26) *Act.* V, 16.

(27) *Act.* IX, 2, 19.

(28) Dicitur enim *Philippus* Disconus (*Act.* VIII, 40) commoratus fuisse *Asot* sive *Asdod*, una e quinque urbibus primaria *Philistaeorum* (1 Sam. VI, 17.) et inde omnes urbes, (maritimas ut videtur), peragrâsse, donec *Caesaream* venires.

miraculo a Petro facto illustratur (29). Amoenus tractus *Saronaeus* coetus *Christianorum* hic illic numerat (30). In frequentia, quam *Joppe*, portu suo celebris, exhibebat, *Christiani* celebrantur (31). *Caesariae* nomen, quod saepius antiqua ferunt monumenta, in annalibus rerum Christianarum Philippi *Diaconi* domicilio et Cornelli *Centurionis* praesidio illustratum videtur.

(29) *Act.* IX, 30 sqq. *Lydda* (Hebr. *Ἰδδα* 1 *Chron.* VIII, 28. *Nahem.* XI, 35.) vicus fuit, sed urbi magnitudine non cedens (vid. Joseph. *Antiq.* L. XX, c. 2, p. 698 D.) non longe a *Joppe* distat (*Act.* IX, 38). Qui plura legere velit, adnot. Relandi *Palaeologus* p. 877 sq. et Bechlene *Heilige Geographie*, T. II, p. 736—743.

(30) Pulse vallem inter *Caesariam* et *Joppam* nomine *Saron* dictam, nemo dubitat; nam et ibi urbs hoc nomine appellata fuerit, non iam. *Annal.* Adhemar. *Bachlense* L. c. p. 776. hoc efficiens ex *Act.* IX, 35. ubi simul cum *Lydda* memoratur. Sed nihil exiit in *Hebraeorum* monumentis, quod urbem innuat. (vid. *Jer.* XXXIII, 9. XXXV, 2. ubi cum *Libnas*, et *Carmele* montibus jungitur). Unde potius sic accipimus, ut intelligatur tractus ille campestris et patens insignis, pagis et vicis pluribus repletus, quorum incolae *Christi* partes aequebantur. Amoenitas hujus regionis notissima est, nec quemquam fugit rosa *Saronitica*, *Cantic.* II, 1.

(31) *Act.* IX, 36 sqq. Urbs *Joppe* (Ἰῶν *Hebr.*) nobilita portus *Palaeostensis* et emporium, ubi omnes naves, ex mari *Mediterraneo* *Juliasam* tendentes, appellere solebant. *Salomonis* tempore hinc vixi jam invertebat (II *Chron.* II, 16.) Medio aevo, littera peregrinantium in sanctam sedem, verum hanc urbem dirigere solebant, et cum iuprimis *Isacariis*. (vid. *Bachlene* L. c. p. 794 sqq.) Hodierum hujus urbis statum satis miserum, desolatam vido apud *Chetenebriant* *Dissertatione*, T. II, p. 115—122. *Edite*, *Bron.* in *zumo*, qui et p. 258 sq. vallis *Saroniticae* descriptionem dedit.

demus (32). Imo in finitimâ *Phoeniciâ* nomen Christi patronos invenit. *Ptolemaïdos* coetus memoratur (33); et in litore *Tyri*, in quo per secula remotiora merces totius fere orbis cogniti exponi solebant, prostratos contemplamur, vota facientes cum Paulo, Christi cultores; et splendorem incomparabilem hujus urbis occidentem et nocti proximum, illustratum adhuc vide-mus luminis clarâ imagine, quam coelestis doctrina humano generi affundit (34).

Non

(32) *Caesares* in litore maris sicæ, bene distinguenda a *Caesarea Philippî* in confinibus *Galilæas* et *Trachonitidis*, ad flumen fluvii *Jordanis*, sic dicta a tetrarchâ Philippo Herodis M. filio (*Matth.* XVI, 13.) *Caesarea*, de qua hic agitur, antea *Stratonis turris* dicta, ab Herode in honorem *Caesaris* Augusti nomen accepit, et magnifice constructa fuit (*Joseph. Antiqq.* L. XV. c. 13. p. 538, 9 et *de Bell. Jud.* L. I. c. 16. p. 746, 7.) Nomen hujus urbis frequenter in *Actis Apost.* occurrit. (*Lezz.* loca apud Schliensnerum in *Lex.* ad *v.*.) Ibi præsedes *Romani* sedem suam fixerunt. Sæptiori tempore *Episcopi* hujus urbis memorantur, quorum in numero *Eusebius* historicus fuit. Cum *Miscrochymiana* Ecclesia *Patriarchatus* honore efficeretur, *Caesarea* una fuit e tribus Ecclesiis *Miscrochymianis*, quas *diocesis Patriarchatus* efficerent. vid. *Bachlene* L. c. p. 794.

(33) *Astor*, XXI, 7. *Ptolemaï* antiquitatis *Ara* (*Jud.* I, 31.) nomen habet ab uno *Ptolemaeorum*, *Aegypti* regum (forte a *Ptolemaeo Lathyro*, qui urbem cepit. *Joseph. Antiqq.* L. XIII. c. 20, 21.) cujus urbis maritima situm descripsum vide apud eundem *de Bell. Jud.* L. II. c. 9. p. 790. Atque sc *Jope* Christianorum peregrinationum frequentia celebris fuit, et eraboo occurrit ejus nomen in historiâ *crucisignatorum*. Vid. *Doct. van Kampen Geschied. der Kruisvindingen*, T. I. p. 279-299. II. p. 418 419. III. p. 38-39, IV. p. 170-175.

(34) *Astor*, XXI, 3-6.

Non sine causâ per urbes maritimas fautores suos quaesiverunt *Apostoli*. In eas solet, negotiandi gratiâ, ab aliis terris magna hominum frequentia confluere. Inveteratae opiniones non adeo locum obtinent in urbibus semper peregrinis repletis, et commercium, quo inter se junguntur omnes, facilem aditum exhibet novae doctrinae ad homines varii ordinis et aetatis (35). Deinde hoc modo opportunitas iis data est, qua et extra *Pa-laestynam* dispergeretur religio Christiana. E *Phoeniciâ* in insulam *Cyprum* commodus fuit tractus, et in eam pervenisse quosdam ex iis, qui *Hierosolymis* expulsi fuerant, Lucas narrat (36). Tanto successu res Christiana usu est, ut *Apostoli* ipsi per novos coetus circumirent, praesentiâ suâ discipulos recens acquisitos confirmantes et docentes (37).

Samaritani etiam a doctrinâ Jesu haud alienos se praestiterunt (38). Nihil erat, quod *Apostolis* eorumque sociis dubium moveret, quo minus
hos

(35) Hujus observationis bonitatem leviter modo perstruximus historia Ecclesiae Christianae probabit. Felici successu praecipue val sunt ejus doctores, in urbibus peregrinorum numero frequentatis et mercaturae celebribus. *Antiochias*, *Alexandrias*, *Ephesi*, *Corinthe*, *Corinthi* nomina citare sufficit. Idem probat saeculi 16 historia. In ejusmodi locis *reformatores* facillime sectatores nati sunt. Hoc nomine celebres factae sunt inter alias *Magdenburga*, *Nirimborga*, *Frankfurtum ad Moenam*, *Emida*, *Antverpia* etc. Cf. celeb. J. Clarissa G. *denkwaard, wie het leven der Apostelen*. p. 235

(36) *Act.* XI, 19.

(37) *Act.* VIII, 14 — 25.

(38) *Act.* VIII, 8 199.

hos homines, religionis formâ cum *Judaëis* junctos, ad doctrinam novam amplectendam invitarent. Odium, quo *Judaëi* in hanc gentem flagrabant, jam evanuerat in animis *Apostolorum*, memorum eorum, quae Magister optimus cum *Samaritanis* egerat (39). Ipse suo exemplo praeiverat, neque aliquid fuit, quo arcerent illos a numero *Christianorum*. Digna est, quae notetur, haec res. Apparet enim ex eo, non adeo pravis popularium opinionibus de summâ aui dignitate inter gentes indulsisse *Apostolos*, et admitteudis *Samaritanis* in numerum Christi sectatorum, via jam quodammodo strata est et aperta, quâ deinde ad Gentes ipsas notitiâ *Euangelii* perveniret. Penuria monumentorum, in qua, quod ad haec tempora, versamur, vetat, quo minus plura de hisce coetibus in *Palæstinâ* dispersis notemus; sed non sine causâ quis diceret, coetum *Hierosolymitanum* matris quasi et dignitatem et auctoritatem apud reliquas ecclesias sustinuisse; has itaque ad ejus exemplar se conformasse. *Apostoli* enim, qui rei ipsius naturâ, principes fuerunt in novo rerum ordine, numero plures aut minores sedem fixerant in urbe *Judaeorum* primariâ; qnam hoc modo in primordiis rerum Christianarum ceterae omnes reverebantur et honore prosequebantur.

§. 6.

(39) *Jean. IV, § 39.*

D

De fortunâ prosperâ et adversâ, qua Palaestinenſes deinde uſi ſunt.

Tanto citius et tutius per *Palaestinam* propagari potuit doctrina Christi, quanto major fuit securitas, qua hoc tempore fruebantur *Christiani* (40). Vexationis furor post Stephani martyrium exortae identidem sedatus est, et mala, quibus omnes *Judaei* mox expositos se conspexerunt, impedimento iis fuerunt, ne progressum *Christianorum* turbarent. Cajus Caligula per totum sui regni tempus, quod quatuor fere annorum fuit (41), infestum animum in *Judaeos* ostendit. Insanus ille homo divinitatem adeo sibi arrogans, magnum terrorem *Judaeis* injecerat mandato suo, quo statuam suam in templo *Hierosolymitano* collocari juberet. Petronio *Syriae* praefecto injungitur ab Imperatore, ut, exercitu collecto, vi armorum efficeret, quod obstinata *Judaeorum* mens prorsus recusabat. In diem ingruente periculo, toti fuerunt *Judaei* in fatigando precibus suis *Romani* animum, ut a cruento suo pro-

(40) Tranquilla haec sors Ecclesiarum *Palaestinarum* laudatur *Actor*, IX, 31.

(41) Regnavit enim ab A. C. 38 ad annum 41 usque, *Reverente* Suetonio in *Calig.* c. 59. „Imperavit triennio ut decem mensibus diebusque octo.“ Interfectus autem est Nono *Calendas Febr.* vid. *id.* c. 58. et cf. *Tillemont Histoire des Empereurs*, T. I. P. I. p. 308.

proposito desisteret. Benevolentia et mansuetudine Petronii bellum, quod jam exardescere coeperat, compressum est; et mox tyranno interfecto, omnis timoris causa feliciter cessit (42). Haec autem tempora tumultu et metu plena, ut saepius factum deinde, profuerunt Christi sectatoribus, qui in tranquillo statu positi rebus suis optime consulere potuerunt.

Per breve temporis spatium novum discrimen *Christianis* imminuit. Agrippa Rex a Caligula creatus (43), *Judaeorum* captans favorem vexare coepit Ecclesiam. Jacobi Zebedeidos fatum cruentum signum quasi dedit novis calamitatibus. Petrus in carcerem conjicitur, sed miro modo servatur, tristibusque suis fratribus redditur. Mox ipse Rex diem obit supremum (44), et sic divina providentia cautum est cultoribus Christi, ne malo imminenti succumberent. Haec vexatio non adeo atrox in omnes fuisse videtur.

(42) Historiam hanc enarravit Josephus *Antiqq.* L. XVIII. c. 11. p. 649 sqq. de *Bello Jud.* L. II. c. 17. p. 790 sqq. Videtur imaginem calamitatum, quibus hoc tempore per Caeli demerum expositi fuerant *Judei*, expressit etiam Philo in *Legat. ad Cajum*. Conferri possunt Stuart *Kometische Geschichte*, T. XV. p. 353—360. Edit. 2.

(43) Brevi post mortem Tiberii, Agrippa a Caligula rex creatus (Joseph. *Antiqq.* L. XVIII. c. 17. p. 637.) mox a Claudio totum regnum paratum accepit, (Ibid. L. XIX. c. 2. p. 673.) Nec ante annum 41 itaque in *Judaeam* venit. Vid. *Claricus Hist. Eccl.* p. 349.

(44) Anno Christi 44. — Historiam narrat Lucas in *Actis* XII, 20—23. Joseph. *Antiqq.* L. XIX. c. 7. Regnavit 7 annos, 4 sub Caligula, 3 sub Claudio.

detur, nec ultra fines *Hierosolymae* se extendisse (45).

Perlustravimus jam praecipua fata, quae coetus *Palaestinensis* obtigerunt; elapsum est spatium duodecim fere annorum inde a tempore, quo Jesus Christus has terras reliquit. Est omnino, quod felicem miremur successum, quo nova usa est disciplina. Jam argumenti et rerum factarum ratio in ampliorem nos vocat scenam. Pervenimus ad illud tempus, quo et inter *Gentes* Jesu religio fautores suos invenit (46). Antequam vero hunc eventum contemplamur, necessarium putamus, ut breviter rationem subducamus omnium ante dictorum. Perspecta enim ac bene exposita conditione primorum *Christianorum* a *Judaeis* oriundorum, facilius et causas explicabimus mox insecutae controversiae cum fratribus suis e gentibus, et pretium melius sentiemus eorum, quae mox locum obtinuerunt, eventuum.

§. 7. *Dicta breviter in summam rediguntur.*

Primum nobis haec observatio, digna cui attendatur, aubit, historiam primae propagationis

Eu-

(45) Efficiunt hoc ex verbis Lucae ipsius, qui *Act.* XII, 1. dicit, Agrippam manus inieciisse, *nascenti tunc tunc* *ἀντὶ τοῦ ἱεροσολέμου*, scilicet *Hierosolymitano*.

(46) Neminem certe offendet, nos Cornelii *Caesariensis* conversionem hic silentio praeterisse, et in Agrippae tempus historiam hoc crypte protraxisse. Malumus enim jungere quae argumenti ratio connectit, quam temporis observantia varia later se miscere.

Euangelii nihil suppeditare, ex quo appareat, *Apostolos* consilio quodam satis definito et accurate proposito fuisse ductos in promovendâ religione Christianâ. Ne tamen quis hoc invidiosius in ipsos dictum habeat. Est omnino consilium sapientissimum et divinâ mente dignissimum, quod sibi proposuit optimus Servator, ut doctrina sua ad omnium hominum notitiam et emolumentum veniret. At vero non adeo hoc elucet ex primâ propagatione, quam historia nobis exhibet.

Nolumus ajendo sive negando dirimere quaestionem, an *Apostoli* statim sublime hoc consilium, quod menti Christi obversatum fuerat, plene intellexerint. Sed sive bene intelligentes prudentius occultârint, donec opportunum affloret tempus, sive identidem ad consilium hocce, toto suo ambitu capiendum, se evexerit animus ipsorum; historia ostendere videtur, rerum adjunctis se accommodasse *Apostolos*, et eventuum cursul commisisse agendi suam rationem. Prudenter et sapienter egisse existimari debent. Fideliter exaequebantur Magistri mandatum, quo jussi sunt, initium propagandae doctrinae ab *Hierosolymis* facere (47): non tamen festinarunt, *Judaeo* populo doctrinae ipsorum obnitere, ut ad Gentium reliquarum notitiam perducerent. Et forte *Apostoli* non nisi, longo elapso temporis spatio, propagandae religioni operam dedissent, si rerum adjunctarum efficacia et pon-

(47) *Luc. XXIV, 47. Cf. de hoc argumento Müntinghe Geschied. der menscheid, T. X. p. 26, 27.*

pondere huc non faissent quasi manu ducti. Primi certe *Christiani* ex *Judaica* stirpe orti, hujusque nationis opinionibus repleti, non li fuerunt, qui facile gentes alias ejusdem juris ac privilegii participes redderent eo sensu, quo satisfaceret indoli et naturae Christi disciplinae. Eventus astis superque docuit.

Deinde vidimus, primum omnium ac praecipuum *Christianorum* coetum *Iherosolymis* congregatum, et, ut ita dicam, conjunctum cum arce et sanctuario populi *Judaici*. Ab una parte ex hoc eventu oriri debebat arctior conjunctio cum veteris religionis patronis, unde opiniones plures, verae Christianae religionis indoli minus consentaneae, in ipsius doctrinae fautores, etiam futuros, migrarunt. Ab altera vero parte quaedam bona ex hisce primis temporibus utilissima ex hac conjunctione orta sunt (48). Nova religio primordio debilis et fluctuans, invenit fulcrum et basin, cui inniti posset. Vexationes *Judaicorum* non effecerunt, ut a suo propugnaculo dejiceretur, et simul hanc vim habuerunt, ne iterum novi *Christiani*, otio corrupti, cum civibus suis plane coalescerent, sed memores essent, se ad altiora vocatos esse. In hac urbe porro sedem fixerant *Apostoli*, a quibus cum omnis bene gestae rei successus penderet, hos necesse fuit primo tempore eodem in-

(48) Optime omnino *Judaicam* gentem inservisse, ut apud illam religio Christiana orum haberet, observavit Herder *Idem*, T. II. p. 303 sq. Edit. 2.

in loco manere. Novae religionis initia cum inter *Judaeos* locum obtinuerint, ab hac gente *Christiani* primi, summum illud studium propagandae et defendendae suae religionis accipere potuerunt. Odium illud vehementissimum, quo *Judaei* erga idololatrias flagrabant, residens in animo *Christianorum* aptos hos reddebat ad bellum sustinendum contra superstitionem varii generis, quae inter nationes obtinebat. Purior illa doctrina, qua gens *Judaica* gaudebat, materiem exhibebat *Christianis* quam ulterius possent elaborare; et omne illud quod propagationi Mosaiscae religionis necessario impedimentum crearet, sublimiori auferebatur indole Christianae doctrinae, quae nullo modo multorum rituum observatione ac praeceptorum, locis temporibusque adstrictorum pondere premebatur, sed liberum exeditumque accessum inter omnes gentes habebat (49).

Denique cum constet, quam carae et acceptae soleant esse opiniones, quibus a teneris imbuti sunt homines, suspicari jam licet, controversiis multis et lucta multiplici opus fuisse, antequam

ex-

(49) Nequa, qui inter *Judaeos* et *Christianos* intercederet, quid emolumenti horum rebus attulerit, acutè exposuit Gibbon *History of the decline and fall of the Roman Empire*, T. II. p. 264 sqq. Edit. Lond. a. 1814, quem virum egregium Theologi quidam et minus intellexerunt et iniquè traxerunt. Pulcre dicitur p. 276. „*Christianity offered itself to the world, armed with the strength of the moral law, and delivered from the weight of its former*.”

ex Christi consilio, gentes aliae participes fient bonorum, quae ipsis destinavisset. Cum tot jam *Judaei*, Christi disciplinae fidem dederant, metuendum fuit, ne primi, qui e Gentibus ad Christi partes se conferrent, a *Judaeis* opprimerentur, et, eum novâ doctrinâ, horum amplecterentur insituta. Vehemens bellum inter ambas partes exarsit, anelpite Marte diu gestum, tandem vero compositum, *Judaeo-Christianis* ruinâ devotis. Ilujus spectaeull contemplatio jam nos ad se vocat. Varii et magni casus mentem nostram suspensam tenebunt. Sed tandem ex hae turbarum voragine germana religio nostra elariori eum luce emersit, et, quidquid fecerint homines, quidquid male seduli afferre conati sint, *Χριστὸν δ' ἑλίκων ἰφερμῶς*.

CAPUT SECUNDUM.

DE JUDÆO-CHRISTIANISMO INCRE-
SCENTE, ET LITES ET CONTRO-
VERSIAS AGENTE CUM ETHNI-
CO-CHRISTIANISMO.

§. 8. *De Judæorum opinionibus circa gentes
versantibus.*

Quemadmodum ille, qui belli cujusdam eventus
et varios casus conscripturus, in utriusque partis
conditionem et vires, quibus præditæ sunt, in-
quirat, nexumque et necessitudinem, qua ante
bellum inter se junctas fuerunt, exponat; sic nos
narrationem exhibituiri pugnae et controversiae in-
ter duas opiniones sibi invicem oppositas, ne-
cesse duximus, causas hujus pugnae in medium
afferre, primamque aperire originem, unde tan-
tae irac animos occupaverint. *Judaica* gens pri-
ma oculos nostros ad se trahit, et operae pre-
tium facere existimamus, si breviter expona-
mus, quales opiniones hi homines foverint de
Gentilibus proprie sic dictis. Hoc descripto, cau-

E

215

sae in promptu erunt, propter quas primi *Christiani*, et *Judaei* orti, tam infesto animo erga ceteras gentes ferebantur.

Divino numine sic constitutum fuit, ut religio, qua gaudebat proles Abrahami, viam stermeret, qua omnes omnino homines tandem ex superstitionis et impietatis vinculis eriperentur, et ad veram germanamque cognitionem et felicitatem perducerentur. Benigno hoc consilio Deus O. M. Israelis prospiciam in peculium sibi adscivit, et bonum hoc apud illos deposuit, formaeque compagine instruxit, ut tempore statuto, relictis involucrorum impedimentis, hoc bono fruerentur omnes reliquae Gentes. Hujus consilii divini mentem satis clare expressit promissio Abrahamo facta. „Fore aliquando, ut ipsius progenies omnibus terrarum gentibus summæ felicitatis praeberet materiam (1).” At vero insecuta fata populi *Israelitici* ejusmodi fuerunt, ut laeta haec spes magis obscuraretur, quam novâ luce affunderetur. Hanc gentem rituum morumque singulari institutione a ceteris hominibus separari curavit Deus. Nemo exterarum gentium bonorum, quibus *Judaei* gaudebant, particeps fieri potuit, nisi ipse *Judaus* plane fieret. Identidem in scriptis vatum futura canentium, laetae expectationis, quam promissio Abrahamo facta ex-

(1) *Genes.* XII, 5. XVIII, 18. XXII, 28. Promissio repetita *Isaïa* XXVI, 4. *Jacobo* XXVIII, 14. — Cf. Planck l. c. P. I. p. 70 sqq. et imprimis Hess vom Reiche Gottes, P. I. p. 116 sqq.

citaverat, quasi lineamenta ulterius produci videmus. Sed qua ratione? Ita, ut populus *Judaicus* omnium gentium caput et princeps (2), felicissimâ sorte beatus, hâc omnibus opportunitatem praeberet, qua religionis Mosâicae, et felicitatis cum ejus observatione conjunctae, fierent participes. Summo flore, ex horum prophetarum descriptione, tum gauderet institutio antiqua rituum, sacrificiis solemnibus eorumque antistitibus insignis (3). Mons sacer *Sioniticus* aeterno gauderet honore, et ad eum ab omni terrarum parte confluerent Gentes, *Jehovam* adoraturi (4). *Judaei*, ut ita dicam, forent dispensatores beneficiorum, quae ipsis commisit Numen suum, poenaeque manerent gentes, quae recusarent agnoscere *Jehovae* populi, quem elegit, dignitatem (5). Tales imagines, nationi privilegia suis superbienti propriae, magnam efficaciam in *Judaeorum* animos non exserere non potuerunt. Culnam itaque mirum accider, si tales opiniones, temporum lapsu productas et exaratas, altis radicibus in *Judaeorum* mente infixas inveniamus, nec facile ex eorum animis evelendas (6).

No-

(2) *Jes.* XIV, 2. LXI, 5—7.

(3) *Jerem.* XXXIII, 18, 20, 21.

(4) *Jes.* II, 2 sqq. *Micha* IV, 1 sqq. *Jes.* LXVI, 19 sqq.

(5) *Zacher.* II, 11. VIII, 21—23. XIV, 16—21. Plura loca et prophetis colligere non vacat; allata enim sufficiunt ad dicta nostra confirmanda. Digressio ceterum est, qui hoc de argumento legatur, *Wessius* l. c. p. 197 sqq.

(6) Quales notiones *Jesu* doctrinae et facta apud homines ejus-

Notissimum illud „adversus omnes alios hostile odium“, qua nota *Judaei* inuri solent (7), nemo invidiosius existimabit, qui hujus populi indolem et historiam cognoscat. Quemadmodum hoc ipsum in priori rerum statu multis emolumentis inserviebat, sic jam noxas multiplices asferre necesse erat, cum Christi doctrinae sese adjungeret. Solis *Judaeis* divini favoris indicia promissa fuerant ex ipsorum opinione. Si gentes haec nancisci cupiunt, fiant *Judaei*, neque alio modo iis frui sustineant. Haec fuit sentiendi ratio *Judaici* hominis, nec modo arctiora ingenii viri, sed adeo optimorum ex hac gente, pristina divinaque instituta magni habentium. Siquidem temporibus hisce, quibus per plures terras dispersi fuerant *Judaei*, non spernendo numero *proselutorum*, qui dicebantur, gloriabantur, prosper huius successus non adeo humano et sociabili gentis ipsius ingenio adscribendus videtur, quam potius vanitati polytheismi, quae sanioris mentis hominibus fastidium creaverat, attribui debet (8).

§. 9.

modi imbutos opinionibus asserre debuerint, egregie exposuit Cl. Gieseler in tractatu de *Nazareis et Ebionaeis* in Staudlini et Tschirneri *Archiv für n. und n. Kirchengeschichte*, T. IV. p. 303—306.

(7) Tacitus *Histor.* L. V. c. 5.

(8) De *Proselitis* multa congestit BARNAGE *Histoire des Juifs*, Lib. VI. c. 5, 6. Vol. V. p. 113 seqq.

§. 9. De consilio, quod Christus sibi proposuit, doctrinâ suâ evulgandâ.

Tales fuerunt *Judæi*, quales descripsimus, etiam cum *Jesus Christus* inter ipsos versabatur. Facile concedit quis, Ipsius consilium cum ejusmodi opinionibus de maximâ hominum parte, in concordiam redigi non posse. Divinum, omnes omnino spectans, propositum prorsus hiæ oppositum fuit. In hominum frequentiam progressus, non statim disertis verbis annuntiavit *Servator*, se hoc spectare, ut, pristinâ oeconomicâ obsoletâ, sua religio omnes homines sine ullo discrimine conjungeret; subinde vero tales emisit voces, quæ hoc consilium extra dubium ponant (9). Sapientia Ipsius omnino in hac agendi ratione admiratu dignissima est. Jam in primordiis vitæ suæ publicæ se tale quid spectare innuit. Cuius hîc in memoriam non redibit solemne effatum, quod foeminae illi *Samaritanæ* dixit. „Affore tempus, quo neque in monte *Gerizimico* neque *Hierosolymis* locus veri Dei cultus sacratus esset, sed omnes Patrem adorarent in spiritu.

(9) Memore dignum est, Christi effatu hæc de re in *Evangelistarum* narrationibus sic occurrere, quasi ipsi nondum plane horum sensuum intellexerint. Proponunt, quemadmodum res narrata ipsa ferebat, non credentes sed prævium et ambiguum ejusmodi dictionum. Unde ipsa lectio *Evangelistarum* optime refellit eum, qui suspicaretur, à *Jesus* dictatoribus deinde consilium latius doctrinam et magistro suo affectum fuisse.

πνεύματι καὶ ἀληθείᾳ (10).¹⁰ Voluit quidem ut ante omnia doctrina sua ad noticiam civium suorum perveniret (11) et hoc sibi ipse manus proposuit; sed simul se omne genus humanum spectasse, luce clarius ostendit agendi modus ejus erga externos, quibuscum in vitae cursu consuetudinem habuit (12). Idem docent plura ipsius dicta, e. g. cum disertis affirmat verbis „ab omnibus terrarum orbis partibus homines suae religionis bonorum participes futuros, rejectis ipsis *Judaels* (13). Imprimis late hoc spectans consilium definivit mandans discipulis suis, ut omnes nationes doctrinam suam docerentur et tanquam sectatores solenni modo initiarentur (14). Futuram cladem templi *Hierosolymisani* totiusque *Judaecorum* reipublicae vaticinatus, satis probavit,

(10) *Joan.* IV, 20—24.

(11) Diserte hoc elucet ex *Matth.* V, 17—19. X, 5. XV, 5. Quam prave ex his locis efficeretur, nullum plane aliud sibi proposuisse Jesum, quam religionis popularis instructionem, docuit Reinhard Preyer *over het plan etc.* p. 13—20 adnotat. W. Wolterbeek. Siquidem hoc fecit Jesu consilium, vix intelligi possit, quomodo iam parvi fecisset, quae *Judaels* tunc habebantur, *Sabbathi* v. g. observantiam (*Matth.* XII, 8; *Luc.* VI, 5), traditiones proavorum auctoritate sacras (*Matth.* V, 21 sqq. XV, 1—9. XXIII, 1—39) *proselutorum* acquirendum studium (*Matth.* XXIII, 15) alia, quae memorare non vacat.

(12) Exempla pete a Reinhardo l. c. p. 20—31.

(13) *Matth.* VIII, 11, 12, *Luc.* XIII, 24—30. *Joan.* X, 16. Cf. Planck l. c. p. I. p. 76 sqq. et imprimis praefector agnitionis Cl. van Voorst *over de koninklijke waardigheid van J. C.*, p. 76 sqq.

(14) *Matth.* XXVIII, 19. *Act.* I, 8. *Marc.* XVI, 15.

se novam religionem suam nullo modo pendentem facere ab institutis *Mosaicis* (15). Nec omitti debet, totius doctrinae, quam proposuit, indolem sic comparatam fuisse, ut non unam modo nationem, sed *omnes* simul spectaret (16).

Tale fuit consilium, quod religionis Christianae auctor sibi proposuit. Quantum autem discrimen jam videmus inter hoc ipsum et modum, quo *Judaei* ceteros populos contemplari solebant. Nihil in Christi dictis et factis reperimus, quod vanis somnia *Judaeorum* faveret; omnia aut comparata sunt, ut nationis hujus fastui ex arrogantiae prorsus incurrant. Ex hac diversitate magnam opinionum controversiam et dissidium suspicari nobis licet. Plures jam *Judaei* Christi sectatores se esse confessi fuerant: sed secum tulerant praecoccupatas opiniones circa gentium dignitatem; neque *Apostoli* ipsi, primis temporibus, ab hisce plane alienos se praestiterunt. Historia jam dicta nostra probabit.

§. 10. De Cornelio primo gentilium ad Christum converso.

In urbe *Caesarea* Centurio quidam Cornelius nomine, vir pietate insignis verique Dei cultus amantissimus, primus (17) omnium, quantum

(15) Vid. Reinhard l. c. p. 27 sq.

(16) Vid. idem l. c. p. 40—43.

(17) Eunuchum enim *Aethiopem*, Philippus operi ad Christum perducitur (*Act. VIII, 27 sqq.*) *Judaeum* autem *Jo-*

tum acimus, in *Palæstina*, ad Christianam religionem a superstitione exterâ convertitur (18).

Notandus est hicce eventus, et paululum in eo subsistemus, inquirentes, cujusnam fuerit pretil ad consilium religionis Christianae perficiendum. Ex narratione Lucæ apparet, quantis difficultatibus obluendum fuerit, antequam gentilibus quis, nondum *proselutorum* ordini adscriptus, in societatem *Christianorum* admitteretur. Fuit nodus Deo vindice dignus. Itaque providâ Dei curâ effectum est, ut animus Petri ad rem insolitam efficiendam præpararetur (19). Exinde elucet, quam altis radicibus opinio hæc *Judaica* etiam infixâ fuerit menti *Apostoli*, qui magistrum audiverat dicentem. *Discipulus mihi reddite omnes gentes!* In omni eventu Petrum magis divino impulsui obsequentem cernimus, quam sponte suâ ductum. Mentem se jam mutasse indicat ipse dicendo. „*Revera jam intelligo, Deum non respicere personas, sed ex quavis gente qui cum revereatur, et virtutis stu-*

Judaici ad religionem ipsorum conversum fuisse, non facile quis negabit, neque assensuetur Eusebio, hunc (*Histor. Eccles.* L. II. c. 1 in fin.) dicenti *opârtes iñ iherosolymis ad vni hunc xpm legem pervertisse, vni et ad vni christianum vni iherosolymis*. Cum quo tamen fecit Schöckh *Kirchengeschichte*, T. II. p. 96.

(18) Quæstio mota fuit, num Cornelius fuerit *proselytus* non circumcissus, nec ne? Hanc dirimere jam non adeo curamus; sed ut nos in horum opinionem inclinemus, qui negant; variâ argumenta adduxerunt, quæ exposuit Kuisocius in *annot. ad Actor.* X, 2.

(19) Violentæ iura, quam discipulo Lucas *Actor.* X, 9 seqq.

diotus sis, gratum et acceptum ei esse?" (20). Antea enim se nefas putasse, cum *Judeus* esset, commercium habere cum Gentili homine, ipse, confessus est (21). Postquam doctrinam, de Jesu *Messia*, Cornelio et ceteris ejus familiaribus exposuerat, vidit eos Spiritūs sancti donis affectos, inque sacrum furorem raptos. Hoc indicio victus, ritu solenni ipsos in numerum Christi sectatorum recipit (22). Hoc autem modo prima quasi fundamenta jacta sunt, quibus innixa propagatio religionis Christi inter gentes ulterius procederet.

Necessario hic eventus *Judeo-Christianorum* mentes attentas reddere debuit. Plures dicuntur Petrum comitati fuisse, desiderio certe ducti, ut non opinatum eventum suis oculis cerne-
rent (23). Mirum rerum exitum videntes, *Jopenses* hi *Christiani* Petro obsistere non cogitarunt. Idem vero non obtinuit apud *Iherosolymi-*

mi-

(20) *Actor.* I. c. 34, 35.

(21) *Ibid.* 28. Nulla quidem lex in Mosica Institutione extat, quae hoc vetuit, sed male aedulis doctorum studia hoc addidit, ut praeceptum. Apparet jam ex eo, quam germanum *Judeum* horum temporum hic praestat se Petrus. Vid. Cl. v. d. Palm in *note ad Act.* XI, 3. Notandus est rarior usus vocis *hellenis* in hoc commate, quae tamen in N. T. hic occurrit. Significatio satis plana est, proprie qui *alius est tribu*, inde *alienigena*, non *Judaeus*. In versione *qui* si plerumque inservit ad interpretationem vocabuli *Philistinus*. De quo cf. Gesenius in *Hebr. Handwörterbuch* ad vocem *פְּלִשְׁתִּי*.

(22) *Actor.* I. c. 44—48.

(23) *Ibid.* 23 et 45.

milanos, qui, rerum gestarum nuncio audito, Apostolo succensuerant, quod ita egisset (24). Petrus igitur cum *Hierosolimam* venisset, necesse habuit, ut agendi suam rationem defenderet. Totius rei narrationem necessariam duxit, quam forte, ut sit, ab aliquo non sine ira et studio acceperant. Spiritus domi mentione factâ, sic orationem concludit. *Cum igitur Deus domum Spiritus sancti aequè ac nobis, ille, postquam fidem habuerunt Domino Jesu Christo, concessit, qui tandem ego poteram Deo repugnare* (25)? Hujus orationis hic fuit eventus, ut auditores exasperati, tacerent et in laudes Dei erumperent, quem et *Gentilibus* salutis partem concedere voluisse, reperierunt. Magni omnino momenti fuit haec conversio Corneliî, imprimis, quod in eâ indicia inessent, voluntati divinae contrarie agere, qui nollet *Gentiles* in Christianam recipere societatem, nisi antes *Judaeorum* sacra amplexi fuissent. Locum obtinuerat in urbe, ubi maxima pars incolarum *Gentiles* erant (26); sic enim illustre hoc exemplum no-

viam

(24) Ibid. XI, 1, 2, 3. *Amphoro* *aple* *adon* *ai* *in* *apostolo*, *altorati* *sunt*, *intelligerant* *cum* *eo* *Judei*. Hoc unum verbi cum *aple* vel *Davido* (ut *Epist. Jud.* 9) indicatur non modo *opinionem* *discrimen*, sed *ille* *adeo* *et* *ritu*. Vid. Schleusner in *voce* *Amphoro*, n. 7.

(25) *Actor.* I. c. 27. ubi *overdorem* — *perdis* *cum* *adeo* *Jun-* *gimus*, ne Petrum, aliquid ad *ipm* referatur, superfluum plane quid dicentem faciamus. Vid. Kuhnocius ad h. l.

(26) Testatur hoc Josephus *de bello Jud.* L. III. c. 28. p. 854. dictis *Caesarem* *et* *urbem* *ip'* *hollens* *irruerunt*. Hanc

ur.

vam religionem ceteris incolis summopere commendare potuit, quibus simul dubium ereptum fuit, num antes *Judaei* fieri deberent. At verò num sors horum *Christianorum* satis lacta futura esset in *Palaestina* ipsa, annon *Judaeo-Christiani*, numero ipsis majores, tandem difficiliore fieri potuissent domini, dubitandi locus est resipientibus obstinatam atque opinionum tenacem hujus populi mentem, exque, quae deinde etiam *Mosaicae* institutionis studiosores moliti sunt, animo volventibus. Sed novus rerum ordo hoc tempore, quo jam versamur, firmitus invenit stabilimentum extra *Palaestinae* fines, quod rebus *Gentilium* eximie profuit, lancesque aequas reddidit sic Numen divinum, illaque „imponit fata diversa duorum.”

§. 11. De coetu *Antiocheno* ejusque primordiis.

Argumenti nostri ratio jam requirit, ut oculos conjiciamus versus *Antiochiam*, celeberrimam hanc *Syriae* civitatem. Hanc urbs, quam condidit primus regum *Syro-Macedonum* *Seleucus Nicator*, novi ejus imperii metropolis constituta fuerat (27). Sita fuit ad fluvium *Orontem*, per quem

urbem ceterum incolis frequentatam fuisset, exinde apparet, quod uno die ibi 20,000 *Judaei* macati sint a *gentilibus*, qui numero eos superarent, vide *Id. Ibid.* L. II. c. 32. p. 815.

(27) Strabo *Geograph.* Lib. XVI. c. 2. T. III. p. 126.

F 2

edit

quem facilis aditus ad urbem navigiis dabatur (28). Seleucus incolarum numerum insigniter auxerat, traductis illinc habitatoribus *Antigenae* nuper conditae, non longe a sua urbe disitae etiam in ripa *Orentis* (29). *Antiochia* quatuor constabat partibus, singulis suis moenibus cluctis, sed omnibus uno simul muro inclusis. Identidem *Seleucidarum* imperio aucta fuit, et duas harum partium urbis addiderant Seleucus Calinicus et Antiochus Epiphanes (30). Tandem cum regnum hocce cum ceteris, *Romanorum* victricibus armis cedebat et *Syria* a Cn. Pompejo in provinciae formam redigebatur (31), *Antiochia* nullum detrimentum accepit, sed etiam sub ditione *Romanorum* hujus *Asiae* partis metropolis habebatur. Strabo *Geographus*, qui eam viderat tempore Augusti, narrat, hanc civitatem non cessasse magnitudine *Seleuciae* ad *Tigrim* sitae neque *Alexandriae Aegypti* (32).

Diu

edit. *sterni*. Applan. in *Syr. Just. Hist. Philipp. L. XV. c. 4.*

(28) Strabo hoc dixit *Ibid.* p. 568. *'Antiochia in Bacterra*
hinc sic via 'Antigenae aethiopis.

¶ (29) Antigenos urbem a suo nomine dictam condidit An. C. N. 309. Vid. Diodor. Sic. L. XX. c. 47. Sed locum cedere mox debuit novae *Antiochiae*, ut conditor ejus victor Seleuco. Diodorus l. c. ait incolas ejus *Seleuciam* traductos fuisse; Strabo vero l. c. p. 555 *Antiochiam*. Sed nihil video, cur utraque narrationem non acceptamus, et utrumque incolae *Antigenae* tum *Seleuciam*, tum *Antiochiam* migrasse.

(30) Strabo l. c.

(31) Justin. l. c. L. XL. c. 2.

(32) Strabo l. c. *Alexandriam* a Josepho *(de bello Jud. L. V.*

Diu hanc celebritatem retinuit *Antiochia* ad ultima tempora usque imperii *Romanorum*, et saepius in annalibus Ecclesiae ejus nomen occurrit (33).

Haec fuit urbs, quae primum coetum *Christianorum* e *Gentilibus* collectum habuit, et ceteris ecclesiis deinde congregatis mater et exemplar, ut ita dicam, exstitit, quemadmodum coetus *Hierosolymitanus* *Judaeo-Christianis*. *Antiochiae* Christi disciplinae via aperta fuit, ut plerumque fiebat, per *Judaeos*, quorum proavi munificentia Seleuci alliciti in recens conditam civitatem se contulerant (34). Nonnulli ex *Hierosolymis*, propter violentiam *Judaeorum*, post mortem Stephani, ejecti *Christiani*, *Palaestinam* peragraverant, donec venirent in *Phoeniciam*, novae doctrinae sectatores conciliantes. Inde facilis trajectus in *Cyprum*, unde etiam *Antiochiam* venerunt, *Judaicisque* Christi doctrinam exposuerunt. Nonnulli eorum qui *Cyprii* et *Cyrenenses* genere essent, adeoque ad *Judaeos* pertinerent *Graeco* loquentes seu *Hellenistas*, eo processerunt, ut Evangelium gentilibus exponerent (35).

Fe-

L. V. c. 42. p. 903) maximam urbem post *Romam* dici audimus, unde *Antiochiae* magnitudinem vobis informare possumus.

(33) Brevem historiam hujus urbis lege apud *Priodesux* l. c. T. I. p. 852—856.

(34) Jus civitatis illi concessum erat a rege *Syriae*. Vid. *Joseph. Antig.* l. XII. c. 3. p. 398 B. et contra *Apion.* l. II. p. 3063 C.

(35) *Aetor.* XI, 19, 30. Haec commata, ut sunt in vulgatis Editionibus, legendi non adeo facile apparebit, quoties ex illis ha-

Felici successu uni sunt et separatus mox conditur coetus, qui *Christianis* constaret e Gentilibus.

riamus quae scripsimus supra. Nostram interpretationem, quantum in nobis est, defendere jam debemus. Exstare oppositionem quandam inter c. 19 et 20 expressam per particulas *ipsi* et *et*, nemo facile negabit. Opponuntur igitur inter se invicem *Iudaei* et *hannerei*. Hoc vocabulo designari *Judeos Graecos* sequentes, scimus omnes (cf. Euluoel ad Act. VI, 1) sed quisque facile tunc percipiet, Lucam idem c. 20 dicere, quod jam c. 19 dixerat: nam *Iudaei* illi, qui in *Phoenicia*, *Cypro* et *Antiochia* fuerunt, sunt *exteri Judaei*, *hannerei*. Aliam interpretationem excogitarunt hujus vocabuli, et vero nemo facile assensum dabit Drusio: „*forte gentes quae Christo nomen dederant, intelligi*“ putandi, aut Wolfii in *Curie* ad h. l. sententiae accedat, explicantis „*de his, qui ortu gentiles sed proselyti Judaeorum sunt circumcisi*.“ Vocem *hannerei* non aliam, quam dedimus, pati explanationem, constat, nec duo loca, quae Schleusner rursus, qui ceterum nobiscum facit, in voce *hannerei* adducit, probandi vim habere putamus. Unde admodum nobis placet lectio *hannae*, quam Griesbachius in textum recepit. Hanc lectionem tuerentur celebres *Codices* A et D*, (C hiet h. l.) versio antiqua *Syriaca*, nec non versiones *Arab.* *Copt.* et *Aeth. vulgata* item et e *Codd. Italae*, *Cantab.* et *Lond. exemplar*, *Euseb.* *Chrysost.* in *Comm. his.* *Theophyl.* et *Occum.* in *Comment.* *Gentiles* scripsit etiam *Cassiodorus*. Facile concedimus, externam auctoritatem quamvis minime spectandam, etiam majorem esse posse, sed internum accedit bonitas: hujus lectionis indicium, quo moti minime dubitamus Grotium, Bengellum, Rosenmullerum, Heinrichatum, Kuinoelium aequi, *hannae* h. l. verbi habentes. Causa, unde orta vulgaris lectio, haec videtur, quod librarii nonnulli, qui in mente habebant, quae Lucas cap. X narraverat, involentius putarent jam tunc temporis obscuros quosdam *Cyprios* et *Cyrenenses* auctor *filios gentilitatis* annuntiare Evangelium. Contrarium vero obdormio, nam totum hujus capituli XI argumentum et series docet, quod ipse sensu Wittius in *Meltem*, *Lugd.* p. 28 scribitur, „*non est, Gentiles hic intelligi, res ipsa statuit*.“ cum aperta oppositio, quoniam Lucas

bus. Fama rei bene gestae *Hierosolymam* pervenit, cujus urbis Ecclesiae placuit quemdam a se dimittere, qui rem ipsam oculis suis conspiceret et inceptum opus conficeret. Huic muneri praefecerunt Barnabam, *Judasum* quemdam *Cyprium*, qui brevi tempore eximie novae societati profuit (36). Videntur *Apostoli* prae ceteris eum misisse, quippe qui fuerit *Hellenista* adeoque aptior, ut cum gentibus ageret, quam *Judaei Palaestinienses*.

Numerum non adeo contemnendum Christo nomen dedisse, ex eo apparet, quod coetus *Antiochenus* nomine *Christianorum* salutabatur (37). Origine suâ hoc nomen per ludibrium iis indicum videtur a ceteris incolis gentilibus, fortasse a *Romanis*, nam *Latinam* linguam redolet haec vox (38). Cives *Antiocheni* priores fuerunt in dicteria excogitanda. Siquidem pauci modo fuissent

designavit scribendo c. 19. *al pho sct* u. v. l. et c. 20. *Novus & vna* u. v. l. et quam non nisi contorto modo, aliter explicare possemus (cf. quae de hac particula scripsit Cl. v. Hengel in *Annuaire de la faculté de théologie de N. T.* p. 121 et 124). Denique ex omni historia elucet, in coetu *Antiocheno* jam mature affuisse gentiles, quod mirum foret, nisi notasset Lucas. Et libenter calculum adjuvamus sententiae Erasmi ad h. l. notatisi „*vide-
re potest exemplum baptizatis Cornelii tantum antio ad-
dixisse Christiani, ut jam etiam Gentibus auderent prae-
dicare Christum.*“ — Nobiscum facit etiam Gieseler l. su-
pra cit. p. 330.

(36) *Act.* XI, 22—24.

(37) *Ibid.* 25.

(38) Solent enim sectatores cujusdam hac terminatio-
ne designari e. g. *Pompeiani, Caesariani* et sim.

sent Christi sectatores, aut in Synagogarum, uti *Hierusalymis*, obscuritate latuissent, non facile oculos incolarum gentilium in se convertissent (39). Ceterum hoc nomen *Christianorum*, primum in convitium datum, lapsu temporis nomen omnium Christi sectatorum factum est (40), cum apud *Judaeos* ad hunc usque diem infausto nomine *Nazarenorum* appellantur. Cum constat, floruisse coetum *Christianorum* e gentilibus in urbe *Antiochia* minime spernendum, antequam hujus Ecclesiae fata et indolem ulterius spectemus, operae pretium nobis visum est, paucis videre, quantos fructus hinc eventus rei Christianae attulerit.

§. 12. *De coetu Antiocheno, commoda religionis insigniter intervenit.*

Alexander Macedo cum *Asiam* ferro flammisque vastaret, ut novi regni fundamenta in ruderibus imperii *Perisel* conderet, comparari potest cum gravissimâ procellâ, quae fulminum ictu sylvas incendit, agrosque undique ruinâ et pavore micet; simul tamen sulcos arescentes et silentia arva miti gratâque pluviâ irrigat, ita ut campî mox novis herbis et floribus vestiantur.

Ex-

(39) Instat omnium leg. Cl. v. d. Palm in *Serm. Sacro* qui exstat in It. eorum *decade* p. 202—205.

(40) De nomine *Christianorum* quae deinde commentatî sînt patres Ecclesiae, vid. apud Sulzerum in *Thes. Eccles.* voce *Christianus* T. II. p. 1543 sqq. Edit. 2. *Amstel.* 1728.

Expositioni enim huicce attribnenda sunt *Graecorum* studis humanitatis, per magnam partem *Astae* occidentalis dispersa. Hic illic conduntur civitates cultu moribusque *Graeci* celebres; uno vinculo disiectae partes *Graecorum* regnorum junguntur, et quod interna necessitudo humanitatis jam effecerat, externâ vi *Romanorum*, omnes uni imperio subicientium, confirmatur. Inter *Graecos* has civitates *Antiochia* fuit. In eâ Christi disciplina fautores sibi acquirit; et laeto hoc eventu haec religio in scenam extensorem pervenit, upde salutiferam suam vim et efficacitatem in omnes gentes, occidentales imprimis, exserere potuit. Nam, (hoc *primum* est, quod animadverti velimus) *Graeca* lingua et studia aptissimum fuerunt vehiculum, quo Christiana religio ad populos perduceretur. Sine his, ut nobis saltem apparet, nunquam haec religio talis facta fuisset, qualis ex mente divini sutoris esse debuit, religio scilicet omnium populorum, omnis aetatis. Non modo hic egimus de eo, quod per totum *Romanum* imperium *Graeci* linguâ uterentur homines, sed imprimis hoc volumus, hanc linguam, quam *Graeci* excoluerant et insigniter locupletaverant, per indolem suam egregiam, accuratae doctrinae expositioni inservisse. Huc accedebant progressus *Graecorum* in studiis pulchri et veri, quales nulla gens unquam fecerat. Hisce studiis imbuti viri, divinam Jesu doctrinam ulterius expolire potuerunt, et omnino lingua, quâ Plato olim sublimes suas *ideas* exprimere conatus erat, dignissima fuit, quae Del

G

ef-

clata ad omnium notitiam perduceret. Actum
fuisset de religione Chrysi germana, si lingua
qua tum utebantur *Hebraei*, ejus dogmata expre-
sa fuissent. Barbara dictio fastidium creasset deli-
ctis auribus *Græcorum*, et stilius, intra posito
et prozam orationem fluctuans, nunquam ad illud
expressas fastigium se exchere potuisset, cui *Græ-
corum* dictio tam aptam se praestitit. Quid de-
beamus *Patribus*, qui dicuntur *Græci*, vix dici
potest, et quamvis dicendo, mala minare non ve-
limus, quae ratio haec philosophica nimis arguta
et subtilis in simplicem Jesu *Apostolorumque*, di-
sciplinam intulit, attramen copatus, ipsorum inde-
fessi multa excoluerunt, quae sordibus maculata
sitas latrassent. Quid ingenium Orientale, et
dictio, ejus hyperbolica effecisset, satis docent
monstruosa *Gnosticismi*, qui dicuntur, sompha.
Quae cum ita sint, cuiam non magni mo-
menti res videbitur, Christianam religionem fir-
mam et stabilem invenisse sedem *Antiochiae*. Et
enim haec urbs *Græci* florebat studiis (41),
civesque ejus jam novae doctrinae apostatores facti,
sensum humanitatis, quo satis imbuti fuerant,
jungere poterunt cum institutione sua religiosa,
eamque sic tradere aliis *Græcis*, morum ingenii
que ratione secum junctis.

Deinde hoc observari subit, in urbe, qualem
nobis fingere debemus *Antiochiam*, minime ob-

(41) *Antiochiam* Cicero in *Orat.* pro *Atchis* c. 21. 22. vi-
dem, "vocat, 22. eruditissimis hominibus liberaliterisque stu-
diis, affluentem."

viam fuisse arctam et superbam hanc opinionem, qua alios populos despicere solemus, nostraque modo bona et recta aestimare. Plane aliud quid apud incolas hujus urbis obtinuisse necesse fuit, quam apud gentem *Judaeorum*, vanâ superbâ se supra omnes alios populos extollentem, quasi ipsi ex melliori loto essent formati. Ut solet in ejusmodi urbibus, ex varilis colonis confluerat incolarum frequentia. Omnes ejusdem juris fuerunt participes, et continuum commercium, quod cum aliis regionibus exercebant, augebat ingenium illud sociale apud cives *Antiochenos*, quo populi varii inter se necessitudine quâdam neci soleant. Ejusmodi sentiendi et agendi ratio prae ceteris favebat Christi religioni, cujus consilium non minus spectabat, quam hoc, ut intervalla removerentur, quas unum populum ab altero separarent, omnesque unâ fide, uno vinculo fraterni amoris conjungerentur. *Antiochia* quotidie peregrinorum multitudine frequentabatur, qui in patriam reduces, novae doctrinae famam propagare potuerunt, et hoc modo insignem afferre utilitatem rei Christianae.

Etenim, hoc *tertio* loco notamus, haec civitas quod ad situm ejus attinet, egregie inserviebat commercio exercendo cum terris *Europaei* et *Asiae* occidentali. Ab unâ nimirum parte per mare *Mediterraneum* transitus in *Cyprum* insulam, *Asiam Minorem* et *Graciam* ipsam patebat, vel etiam per terram versus septentrionem commodum iter fieri poterat. Ab alterâ vero parte *Syria*, multis civitatibus distans, confinis erat *Mesopotamiae*

et *Armenias*, et commercium exercebat cum hac parte *Asiae*, uni imperio subjectâ. Eventus autem rem, quam diximus, probavit, primisque Christianae religionis progressibus haec regiones illustres factae sunt, laetoque flore ibi costus multi viguerunt. *Antiochena* ecclesia ergo tanquam mater horum omnium habenda est, neque causa exsistit, cur filiarum suarum ipsam puderet. Homines ex variis gentibus oriundi, qui mercandi gratiâ, aliamve ob causam, in hanc urbem venirent, nuncium novae disciplinae suas in patrias referre potuerunt; et ita adjumentorum vi et pondere efficebatur, quod homines ipsi ne aemulo quidem augurati fuissent. Sed sufficiat hoc monuisse, quod rei gravitas postulabat; quid enim gratius accidere possit, quam in historica disquisitione causarum et effectuum mirum contempleri nexum, et hoc modo historiae ipsi nomen et dignitatem vindicare, interpretis divinae Providentiae. Sed jam in viam redeamus, unde paulisper digressi sumus.

§. 13. De nexu, quo *Antiochenus* coetus cum *Hierosolymitano* jungebatur.

Prosperum rei successum *Palaestinensium Christianorum* oculos in se traxisse, supra jam vidimus. Exortum inde est, quod res ipsa ferebat, commercium quoddam inter *Hierosolymitanum* coetum et ecclesiam *Antiochenam*. Plures e *Palaestina* in recens conditum coetum se contulerunt, qui *prophetarum* nomine vocantur. Num vulga-

ris hujus vocabuli significatio sit tenenda, an potius de doctoribus ait accipiendum, loco suo relicta questione (42), hoc constat, fuisse viros prae ceteris apud *Hierosolymitanos* eminentes. Unde jure concludi licet, *Antiochenam* ecclesiam tanti a fratribus suis *Palaestinis* habitam fuisse, ut minime recusarent, itinera ad ipsos facere. Certo jam ab initio modus, quo illic gentiles in societatem Christi recipiebantur, non satis placuit *Judaeo-Christianis*, et mirum forte accidit, hos non statim negotia ista facessivisset sed duas causas afferre possumus, quae impedivisse videntur, quominus *Judaeo-Christiani* fratribus suis *Antiochenis* lites nexerint.

Primam exhibet vexatio, quam regis Agrippae saevitia *Hierosolymitanis* excitavit (43). Quo discrimine suspensi et confusi, potius suae salutis consulere, quam alienis rebus se immiscere voluerunt. Nonne plures, imminente periculo territi, potuerunt refugium quaerere in novum coetum vicinum, quem suis altercationibus commovere, et imprudentis et ingrati animi indicium fuisset?

Alteram causam exhibere videtur fames et annonae penuria, quae imperium *Romanum* adeoque et *Palaestynam*, quarto Claudii regni anno, oppressit (44). Hac publica miseria factum est,

ut

(42) *Actor*. XI, 27. De peophaea inter primos *Christianos* leg. *Exeuvant* III. Koppil in *Epist. ad Ephes.* p. 300 seqq. Edit. 3.

(43) De hac vexatione jam egimus supra Cap. I. §. 6. p. 27.

(44) *Actor*. XI, 28. Regnum Claudii saepius annonae penuria infestabatur, ut notavit Kaimoellus ad h. l. *Dohira*

ut coetus *Iherosolymitanus* imprimis vexaretur, in quo multos pauperes adfuisse constat. Idem igitur effecit haec calamitas, quod Agrippae vexatio; sed aliud quid etiam accessit, quod vinculum necessitudinis arctius necteret inter ambas ecclesias. Etenim *Antiocheni* misericordiâ moti, pecuniam contulerunt, qua *Iherosolymitanorum* paupertatem sublevent. Stipem, cui quisque e coetu pro modulo suo aliquid adjecterat, collectam, per Barnabam et Paulum *Iherosolymam* miserunt (45). Hac ratione fraternae concordiae egregie consulebatur, quailsunque tandem optionum adesset diversitas. Neque *Palaestinensibus* tum certe in mentem venit, tranquillitatem movere eorum, quorum liberalitas tam generose fratrum calamitati subveniret (46). Sed fausto horum eventuum concursu his quidem est procrastinata, non vero consopita.

Interdum coetus hiece *Antiochenus* in se consistebat virum quemdam, cujus nomen immortale in-

tum est, quemcumque nomen hic Lucas respiciat. Baénge in *Annali*, p. 520. ad a. Claudii annum (aerae nostrae 48) recitat. Sed potior nobis horum videtur sententia, quae ad annum 4 refertur. Legg. Wolfius in *Curis* ad h. t. cum Scallgero, Synhemio et Ussorio faciens, itemque Michaëlis in *notâ verticul suae German.* adjectâ ad c. 28. — Josephus *Antiqq.* L. XX. c. 2. p. 686. eodem de fame locutus est, quam narrat Helienus *Adiabenerum* reginam, commensu adducto, sublevasse. Orosius *Histpr.* L. VII. c. 6 hanc narrationem cum loco nostro ex *Actis* componit. Vid. L. Capelli *Historia Apostolica Illustrata* p. 49.

(45) *Actur.* XI, 30, 35.

(46) *CG. Pinnak* l. c. P. II. p. 142—145.

inter *Apostolorum* chorum, jure primum meruit locum. Barnabae operâ ex *Ciliciae* latebris clariorem in lucem protractus, per integrum annum egregie profuit coetui, novosque ei adjunxit sectatores (47). Ingentis spiritûs vir, qui religionis Christianae natiuae indoli et propagationi, plus boni contulit, quam omnes reliqui *Apostoli*; qui consilium Christi omni suo ambitu exsequebatur, per quem divina nostra religio talis facta est, qualis in mente coelestis auctoris aderat ejus imago. Paulum nos intelligere, vix opus est ut dicamus. Iis, quae de ingenio ejus deque modo, quo ad munus sibi impositum informatus fuerit, dicenda habemus, in Caput sequens rejectis, jam videamus primum ejus iter, quod una cum Barnabâ, religionis propagandae causâ, suscepit, quodque primum fuit emolumentum, quod in rem *Christianam* ex coetu *Antiocheno* revolvendavit.

§. 14. De itinere per *Asiam* minorem a Paulo et Barnabâ suscepto.

Paulus et Barnabas, quibus per partem viae sese adjunxerat Joannes Marcus quidam (48), e *Syria* in insulam *Cyprum* se contulerunt.

(47) *Actor.* XI, 25, 26.

(48) *Actor.* XIII, 5, 13. Quoniam furie causa, cur Marcus eos reliquerit, non dixit *Lucas*, Conjecturae Planckii, qui putat segre eum tulisse, Paulum et Barnabam gentes etiam in societatem Christi recipere, vereor ut nulli assentiantur. Vide eum l. c. p. 155 sq.

runt. Quā peragrata, *Pamphyllam* adierunt. Fausto successu rem suam egerunt in urbibus *Antiochiā Pisidiæ, Iconio, Lysirisi, Derbe* (49). Inde per eadem loca reditum fecerunt, et *Antialid Pamphyliæ* urbe (50) *Antiochiam Syriæ* per mare redierunt. Praeter laetum eventum, quo hoc iter utebatur, hoc nomine imprimis memorabile dicendum est, quod primum fuit, propagandae

(49) Via fieri potest, ut has urbes singulas suae provinciae assignemus, cum ab antiquis nunc huius nunc illi attribuantur. Regiones enim, quae vocantur *Pisidia, Isauria, Lycania* et *Galatia* non certis finibus determinabantur, sed vario tempore varie dividi solebant. *Antiochia* nimirum *viæ arvadis* a *Luca deior*, XIII, 14 dicta, ut distingueretur ab *Antiochia Syriæ* metropoli, in confinia hujus provinciae sita erat et a Strabone accuratius dicta à *opla Naudis*, inter *Phrygiæ* urbes numeratur Lib. XII. c. 8. p. 72. *Isantium Lycanias* assignant a Strabone l. c. c. 6. p. 58 et a Stephano *de urbib.* in voce; a Xenophonte *Anab.* l. I. c. 2. §. 19 *Phrygiæ*; ab Ammiano Marc. l. XIV. c. 2 *Pisidias, Derbe*, quae cum *Lysiris* a *Luca deior*, XIV, 6 urbes dicuntur *Lycanicas* a Strabone l. c. p. 59 et a Stephano *de urbib.* in voce *Alpis, Isaurias* dantur. Diversitas haecce ex eo videtur explicanda, quod provinciae supra nomenclatae unum idemque regnum constituentes, ab Augusto Amyntae eisdem datae fuerint, et post mortem regis cum in provincias formatae redigebantur, *Galatia* et *Zycaenia* uni Propagatori mandatae sint, unde finium consuetudo difficilior facta est. Vid. Dio Cassius l. LIII. c. 56. Fusius peculiari consilio hac de re agit Mynster in *Isirid.* in *Epist. ad Gel.* p. 51 seq. quae exstat in ipsius *Kleine Theol. Schrift.* 1825.

(50) Haec urbs nomen habet ab Attalo II. Philadelpho rege *Pergeano*. Vid. Strabo l. c. l. XIV. c. 4. p. 218 et l. XIII. c. 4. p. 129. A Stephano in voce, *Lycias* adducitur. Legendum enim ibi *Antias*, non vero *Antias*, quoniam lectorem exhibet Euthia a Thoma de Pinedo et Jac. Gronovio curata *Amstel.* 1725.

dae religionis causâ susceptum. Imprimis multum boni contulit *Ethnico-Christianis*, quorum numeros novorum discipulorum turbâ subeatur. *Judaeos* quidem *Paulus* ejusque comes primos adierunt, ut ipsi doctrinam Christi annuncirent. Sic fecerunt *Salamine*, *Antiochias* et *Iconii* (51), ubi *Judaei* Synagogas habebant. Agendi rationem imprimis declarat narratio eorum, quas *Antiochias* locum obtinuerunt. Coram *Judaeis* et *Troselytis* (52) in Synagoga die Sabbathi congregatis, gravis oratio a *Paulo* habita fuit, qua privilegia gentis *Judaicae* quidem proponuntur, sed primo loco hoc ponitur, Messiam iis datum esse *Jesus*um, quem *Hierosolymitani* rejecerant et morti tradiderant: per quem quisque ei fidem habens veniam peccatorum acquirere posset, quam legis *Mosaicae* observatio nemini dare valeret. Gravis additur comminatio, ne rejiciendâ salute, quae iis jam offerebatur, summam calamitatem in se contraherent (53). Hic sermo successu nullo modo caruit apud auditores. Sequenti vero vice, magna turba gentilium audendi cupidorum in Synagogam se contulerat. Qua autem re invidiâ accensî *Judaei* et graviter ferentes, benigne hos a *Paulo* accipî, dictis ejus se opposuerunt et convitiis et calumniis eum inhectati sunt. Tum solemniter duos et pertinaces hos homines sorti suae

(51) *Actor.* XIII, 5, 14. XIV, 1.

(52) *Proseliti portae*, qui dicuntur: hi enim intelliguntur per eos quodammodo rite diti *Actor.* XIII, 16. coll. 43 ubi *orthodoxos* dicuntur. Vide, *Interpp.* ad h. l.

(53) *Actor.* XIII, 16—41.

reliquit; itaque desertis ad *Gentiles* se contulit, ipsisque laetum nuntium praedicavit (54). Hoc modo clarissime ostendit, quamvis etiam deinde primum cum *Judaetis* ageret, gentes reliquas minime exclusas esse a bonis, quae Christus hominibus concedere vellet. Jure meritoque igitur *Antiochiam Syriacae* reduces, laeti ob rem bene gestam, ecclesiae dicere potuerunt „Deum etiam gentilibus praebuissae opportunitatem, quoad salutem veri nominis pervenirent (55).” Haec peregrinatio imprimis augebat florem *Christianorum a Gentilibus*: nam *Judaei*, quos proxime Christi doctrina spectabat, infensissimos adversarios se ostenderant, et hoc modo quoque odium recens convereorum in se contraxerant. In hacce regionibus, quas Paulus et Barnabas visitaverant, coetus bene compositi se constituerunt, presbyteris suis ad exemplar ecclesiae *Antiochenae*, instructi (56). Et quemadmodum maiores coetus *Palaestinianus Hierosolymam* matris instar venerabatur, sic jam ecclesiae hae *Pamphyliae, Lycunicae et Pisidiae Antiochenum* coetum *Illarum* instar colebant. Quisque nobis dabit, non adeo magnifice de coetibus haec sententis conditis esse statuendum. *Christiani* illi certe a fratribus suis *Judaetis*, majore scientia in rebus sanctis praediti, varias opiniones haurire potuerunt, quae cum germana Christi doctrina non

(54) *Act.* XIII, 43 seq.

(55) *Act.* XIV, 27.

(56) *Act.* XIV, 23.

non satis bene convenirent; sed ipsa controversia, quae mox erupit, cautum est, ut eandem illam re, quae *Judaismi* studium clariore in luce positum fuit, et diligenter acquisivit fautores, purior et religiosius magis conveniens cogitandi ratio apud *Ethnico-Christianos* novas accepit vires.

§. 15. *De primâ controversiâ inter Judaeo-Christianos et Ethnico-Christianos, ejusque causâ.*

Pauci illi gentiles, qui primo tempore Christi doctrinam amplexi sunt, videntur *Judaicis* fratribus se accommodasse, nec materiem praebuisse offensionis illis, qui religionis avitae admodum studiosi fuerunt. Res tamen aliam induit faciem, cum tam bono successu Paulus et Barnabas etiam inter Gentes religionem propagaverant. Fama hujus eventus *Hierosolymam* perlata, animus nonnullorum, qui *Pharisaicae* sectae antea fuerunt fautores, dein vero ad Christi partes se contulerant, inconsiderato ardore pro institutis Moisaicis incendebatur (57). *Antiochiam*, ubi propu-

(57) Act. XV, 1. Illis autem *perambulans* hoc rite intelligitur fuisse *Pharisaicae* sectae fautores, ipse innuit Lucas l. c. 5. et rei ipsius natura confirmat. De *Pharisaicorum* sectâ vide, quae auctor Berger *Interpr. Epist. ad Gal.* p. 104. N. 1. quibus addi possunt Bartschius et Druhus in *Synagoga tria.* p. 25—26 et 227—229. Clericus *Hist. Eccl.* p. 5—12. Peiresius l. c. T. II. p. 285 296. Neander l. c. P. I. p. 53 24.

tamen, ex omnium animis dubia expellere potuerunt; plures videntur, imprimis e *Judaeis*, qui partem *Antiocheni* coetus efficiebant, nimis aures prae buisse advenis, gravesque facti esse sociis suis aliter sentientibus. Conveperunt igitur litigantium partes, ut causa deferretur ad *Apostolos* et coetum *Hierosolymitanum*, qui de eâ sententiam dicerent. Cujus consilii non immerito quis, Paulum auctorem esse, suspicaretur (6'). Magni enim momenti eis esse debuit, ut solemnî modo agendi sua ratio, quam secutus fuerat, a summâ auctoritate, quam omnes suspiciebant, sanciretur. Ipse igitur cum Barnabâ aliisque nonnullis *Hierosolymam* missus est, ut hujus Ecclesiae tribunal de causâ, circa quam litigabatur, inquireret. Dum iter faciunt legati per *Phoeniciam* et *Samaritam*, et coetibus ibi congregatis felicem successum, quo inter Gentes usi fuerant, narrant, horum coetuum socii laetitâ summâ affecti sunt. (6a). Unde apparet, *Hierosolymitanam* ecclesiam imprimis fuisse, quae patronos hos legia Mosaicae suppeditaret; nec mirum: nam in hac urbe *Pharisaei* summâ gaudebant auctoritate, et ardor ille, quo paterna instituta defendebantur, imprimis extollebatur.

Ni-

optime jungi poterit cum seqq. vñ *Thimo* ad vñ *Bardhe*, quod negavit Grotius ad h. l.

(6') Cf. Planck l. c. P. II. p. 160. Contrariae opinionis fuit auctor additamentum, quod exhibet *Codex Cantabrigiae*, quod lege apud Griesbachium Np. 7.

(6a) *dictor*. l. c. 3.

Nihil aliud expectari potuit, quam ut tandem belli semina, opportunitate data, in flammam erumperent. Studium illud, quo gens *Judaica* ferebatur ad Moysi instituta vindicanda, auctum *Pharisaeorum* conaminibus, Christi disciplina non statim evellere potuit ex animis. Cumque in coetu *Hierosolymitano Apostoli* ipsi vitam religionem intactam reliquissent, neque a cultu publico se abstinere, tanto insolentius multis videri debuit, aliis in regionibus in societatem Christi recipi gentiles, qui nunquam antea proselytorum nomine gavisii fuerant. Placulum id habebatur et sacrilegium in Mosaicis leges latum. Neque debant certe *Judaeanis* argumenta speciosa, quibus rem suam tueri possent. Aderant veterum oracula, gloriam *Judaeanae* gentis futuram, quippe quae Gentibus ceteris leges daret, carentis; aderat fides firmissima, Mosaicam oeconomiam nunquam absolvendam esse, sed in perpetuum duraturam (63). Accessit exemplum Jesu Christi sacra populi observantis, cui calculum adjecerant *Apostoli* ipsi. Minoris pretii quidem nobis haec argumenta videntur, sed non sic erat apud homines, privilegiis suae nationis gloriantes et ejusmodi opinionibus a teneris imbutos. Itaque sapientia et prudentia *Apostolorum* magnopere sunt laudandae, qui perversis haece opinionibus tantam auctoritate propositis, obviam ire non recusarunt, sed decre-

(63) Hujusmodi opinionum conspectum doctissimi supra §. 2.

creto sub jura *Ethnicorum-Christianorum* egregie vindicantur.

§. 16. *De Conventu Hierosolymitano deque modo, quo ibi res tractata sit.*

Conventus ille *Hierosolymitanus* (64), (sic enim potius vocamus quam concilium, ne quis putet nos in ea versari sententiâ, hunc conventum fuisse, qualis seriori tempore nomine *Concilii* seu *Synodi* appellabatur) (65); dignissimus est, cui paulo diutius immoremur. Videamus primum quomodo causa, in controversiam ducta, ibi tractata sit; deinde quamnam sententiam *Apostoli* ceterique tulerint *Christiani*.

Modus, quo legati *Antiocheni* recipiebantur, aliquid boni jam augurabatur. Honorifice enim

Apo-

“(64) Locum obtulit A. C. 50. Chronologia rationes vide apud *Baronium Annot.* p. 602 sq. *Cfr.* *Wilaus Alai.* *Lyd.* p. 39 sq. et *Plenck* l. c. p. 265 in notis.

“(65) Constitutio variis modis non fuisse, docuit *Mosheimus Opuscul.* *de Heret. Gnosticis* T. I. p. 276 sqq. Cum summo viro nonnulli tantum deus paganus affirmant rem in conventu non fuisse discretam per asitragionem numerum, sed *Apostolos* hic solos *Judeos* adhibere. Prima vestigia concilii, ubi variorum coeuvantibus conveniens, et de rebus suis decernerent, reperimus juxta *Ammon* 160 et 170. *Vid.* *Glasius Kircheng.* T. I. p. 143. h. c. Non adeo magis momenti faciet, si quis *Concilium* vocabulo et hic uti vellet, ubi auctoritas nimis crebra sibi arrogasset juxta *Imbaldi effectus*, de *deus* et *deus* *synodus* *synodus* *synodus*. Ceterum merito *Justus* *Sigler* *de ch. l. c.* T. II. p. 217, agendi rationem hujus conventus exemplar esse ponit, quod omnes debite *Christiani* imitantur.

Apostoli Paulum et Barnabam tractabant, et auditis, quae hi jam inter Gentes effecerant, dextris junctis, in fraternam communionem admiserunt (66). Nihilominus, cum in unum convenerant *Apostoli* Petrus, Jacobus et Joannes (67), (alia enim nomina antiqua monumenta hac occasione discrete non memorant), cum *Presbyteris* aliisque e coetu hujus urbis, re proposita, magna controversia orta est. *Pharisaei* isti, qui Christi nomen confessi fuerant, quos Paulus merito *φειδισίφους* (68) nuncupat, omnem movere lapidem, ut observatio legum Moisaicarum imponeretur omnibus. Contradicere alii, *Antiochenorum* causam defendentes. Tandem sur-

ge-

(66) *Act.* I. c. 4. *Galat.* II, 1—10. In hiis locis eandem historiam narrari, eodem est probabile, et plerisque sic visum est interpretibus. Vidd. Witsias I. c. p. 57, Budaerius I. c. p. 206, Koppe et Borger ad *Gal.* II, 1. Ex mentione *προεσβυτέρους* hōi, nullum arguere, difficultate hujus computationis absterri, quae secum, ut varias inierint rationes viri docti, unam alteram destruentes. Vld. Borger in *Proll.* p. 76 n. 2. Legatus *Antiochenus* comiter fuisse accepta *Hierosolymis*, voluit unus verbi *ἀντιόχειος* quod Lucas cepit I. c. Cff. loca in ejus *Evang.* VIII, 40. et *Act.* XVIII, 27.

(67) *Gal.* II, 9. Joannem adfuisse, quod cum multis alijs statuit Baronius in *Annal.* ad ann. Chr. 51. No. 9, sine cuius eodem dubium videtur Besanagio I. c. p. 600. Pseudo-Clemens in *Constit. Apost.* L. VI. c. 10. p. 341. omnes duodecim Apostolos adfuisse narrat, minore obliquo Jacobum Zebedaideum jam mortuum fuisse.

(68) *Gal.* II, 4. *φειδισίφους* *νέμερδους* vocat Paulus, id est, tales, qui cum in coetum irasperunt, a quo sunt reversi. Cff. Borger ad h. l.

gere Petrus et moderatam proponere sententiam.
 „ Se jam diu ante,“ sic sermonem habuit „ a Deo
 „ fuisse electum, qui Evangelium gentibus etiam
 „ annuntiaret. Fausto successu se usum fuisse.
 „ Deum animorum omnium perscrutatorem, pro-
 „ basse illud, concedendo Gentilibus aequae ac
 „ ceteris e Judaeis, miraculosa dona Spiritus San-
 „ cti, neque ullum admisisse discrimen, fide
 „ Christo habitā a labe scelerum et errorum ani-
 „ mos purgante. Cavendum iis esse, ne vellent
 „ Christi discipulis imponere jugum gravissi-
 „ mum, cui ferendo et proavi *Judaeorum* et ipsi
 „ illi omnes vix pares essent. Fidem vero so-
 „ lam Christo habitam, non autem rituum onus
 „ et observationem, omnibus aequae salutis pan-
 „ dere viam (69).“ Tunc, cum hunc virum pie-
 tate gravem et meritis audiverant dicentem, ut
 poeta ait,

... Si •

(69) *Act.* XV, 7—11. Instinctu nostri ratio non fert, ut
 hujus *Petrinae* orationis interpretationem exhibemus. Argu-
 mentum autem, quantum speramus, obliquā oratione satis clare
 dedimus. Haec tamen de *Evangelio* notare liceat. Petrus hic
 Cornelli historiam narrasse videtur, quippe quae firmissimum
 argumentum exhiberet, quo refutaretur adversarii. Et eodem
 modo ratiocinium struxit, quo usus est *Act.* XI, 17. Quod ad
 verba attinet, *et Evangelium est hoc* vs. 10. memorare liceat con-
 jectorum multis nominibus se commendante c. Palmi ad h.
 l. *Judaico-Christiano* asseruisse, si quidem Gentiles non cir-
 cuncidendi essent, nam patrifactionem coelestem expectandum
 fuisse. Denique *agamus* in fine vs. 11. minime ad *omnes* vs. 10.
 referri debet, uti strenue defendit Buddeus l. c. p. 205 sq.
 sed ad *Ethnico-Christiano*, de quibus totā oratione agitur. c. f.
 Kuinzel ad v. 11.

I

. . . . *Silent, et arreptis auribus adstant,*
Ille regis dictis animos et pectora mulcet.

Hoc silentio Paulus et Barnabas usi sunt, ut enarrarent mira facta felicemque successum, quae inter Gentiles ad Christi partes tractos obtinuerunt. Hisce auditis, Jamjam animi in favorem novorum fratrum flectebantur. Tandem verba facit Jacobus, qui magnâ auctoritate in Ecclesiâ *Ilerosolymitanâ* pollebat, et cujus sententia adeo magni habebatur ponderis. „ Petri „ dicta ” ait „ confirmari effatis veterum prophetarum ”; cujus rei exemplum mox citat ex Amos 1 vaticiniis (70). Quae cum ita essent, „ se hujus esse opinionis, non amplius negotia „ esse facienda (71) Gentilibus, qui ad veri „ Dei Christi que cultum se contulerant: sed „ per Epistolas iis esse praecipendum, ut abstineant a victimis quae idolis oblatae essent, a „ scortatione, ab animalibus suffocatis et a sanguine. Ejusmodi quid observandum esse *Ethnicis* „ *Christianis*, ne reverentiae, qua Mosaica lex a „ *Judaels* colitur, nimium detrahatur (72). ”

Haec-

(70) *Amos IX, 11, 12.* memoriter ex versione *Alexandrinae* citavit Jacobus. Eum autem *Graeco* locorum fuisse multo magis nobis probabile videtur, quam sententia Bengelli in *Comm.* ad vs. 17, Michaëlis et Boltenii ad h. l. qua statuitur Jacobum *Aramaee* verba facisse.

(71) Notetur unus verbi *ἀποφασίζω* vs. 19. *ἔλεγε* ἀποφασίζω in N. T. quo significatur *moleres facio, turbo alterius quietem*, ita ut animi exacerbenentur. Cf. Schlenauer in Lex. ad h. voc.

(72) In vs. et verba satis plena sunt, sed nexus cum praeced. non adeo facile perspicitur. Qui interpretationes varias

Haecce Jacobi sententia omnibus placet, et suffragiis ceterorum probata, in decreti formam redigitur. Litteris comprehensum ad coetum *Antiochenum* mittitur, postquam hujus urbis legati Judas et Silas additi fuerant. Epistola haecce ad *Christianos* e gentibus etiam, qui coetus *Syriacos* et *Cilicis* efficiebant, data fuit (73). Jam nobis videndum, quid coetus *Hierosolymitanus* ab illis postulaverit in Epistolâ suâ.

§. 17. *De Decreto Apostolorum in conventu Hierosolymitano sancito.*

Jubentur autem *Ethnico-Christiani* (74), se abstinere ab *εὐδοκῶτων*, id est ab omni cibo, qui quodam nexu, cum victimâ Diis oblata, junctus fulset (75). Hisce carnibus, sive in epulis sacri-

cognoscere cupit, adest Kulnoellum; nos hic secuti sumus interpretationem Cl. Palmii in *notâ* ad h. l. simplicitate unicuique se commendavimus.

(73) *Act.* XV, 22—29. Cf. Buddeus l. c. p. 249 sqq.

(74) Nos omnes respici, non vero solum *Proselytos*, clare docuit contra Bensonum, qui contrarium statuisse videtur dogmaticis rationibus inductus, C. L. Nitsch *de sensu decreti Apostolici Act.* XV, 29. In *Commentat. Theolog.* editi. a Veitshusen, Kulnoel et Ruperti, Vol. VI. p. 390—401, 404—406.

(75) *Εὐδοκῶτων* a Jacobo vi. 20. dicitur *ἀσχημὲνα τῷ σώματι*, *Iniquamenta Isidororum*, id est pollutio per carnes victimarum effusa; vox *ἀσχημὲνα* et verbum *ἀσχημίζω* sunt verba Alexandrina pro *Græcis* vulgariis *μαῖον*, *μῆλον*. Vid. *Don.* I, 8. *Malach.* I, 7, 12. (respondet Hebr. *מלא*) *Sirach.* XL, 30. Cf. Spencerus *de Legg. Hebr.* L. II. p. 436 sqq. Buddeus l. c. p. 269 sqq.

ficio cuidam annexis proponerentur convivis, si-
ve in macello venderentur, se inquinari putabant
Judaei. Ne igitur offensioni essent *Ethnico-
Christiani* fratribus suis *Judaeis*, caute iis vi-
tanda fuerunt, quae cum idololatria necessitudine
quadam jungi videbantur. Eadem ratio est alius
praecepti, quo usus τοῦ πικροῦ καὶ τοῦ αἷμα-
τος (76) iis interdicitur. Scilicet debebant se ab-
stinere ab animalibus suffocatis, quia in ipsis san-
guis adhuc residere posset, et in universum ab omni
carne, quae e sanguine parabatur, a cujus usu
abhorrebant *Judaei*, non minus quam a carnibus
victionalibus, quae falsis numinibus oblatæ essent.
Hisce additur mandatum, ut scortationem (77)
fu-

(76) Hoc praeceptum *Judaeis* datum fuit ex lege Moais. Vid. Michaëlis, *Mosaicæ Regi*, T. IV. p. 207 sqq. τοῦ αἷματος onitur a nonnullis, quos vide apud Griesbachium ad vi. 20; sed minus recte hos agere, demonstravit Kuhnellius ad h. l. Το πικρὸν usus apud *Judaeos* concelebratur advenis apud hos commorantibus *Deuter.* XIV, 21; hinc *Judaei* proselytus non circumcisos מִלֵּךְ בָּיִת (morticina comedentem) convitia-
bantur. Aliqua abstinentia jure inculcata fuit *Judaeis*, quia usus ejus varius in ritibus gentiliū. Patres nonnulli de homicidio intellexerunt, quorum loca excitata reperiuntur apud Spencerum l. c. p. 441. Sanguinis et suffocati usum *Ethnico-Christiani* interdictum fuisse ut aliquid daretur imbecillitati *Judaizantium*, bene judicat L. Capellus l. c. p. 14, quomvis ceterorum praeceptorum in decreto Apostolico causam minus probabiliter inde deducit, ut obvium licetur *Nicotitarum* jam ortis er-
rectibus. Cf. Nitsch l. c. p. 402 sq.

(77) *Pyxinae* alii aliter interpretati sunt. Sed nulla exstat causa, cur a vulgari hujus vocis notione discrederetur. Contra Michaëliem, qui hanc vocem in *notis German.* ad h. l. de carne vinalli in macello explicat, disputat Nitsch l. c. p.

fugiant. Nemini mirum accidet, hoc praeceptum hic exstare junctum cum aliis, quae idololatriae evitacionem inculcabant, qui reputer, quam arcta necessitudo intercederet apud Gentes inter cultum falsorum Deorum et fornicacionem. Quo factum est, ut hoc virum minus inhoneſtum videretur, imo quodammodo sanctam indueret imaginem (78).

Haec injunguntur *Ethnico-Christians*: sed quoniam consilio? Responsio in promptu est, ne offensionis materiem praeberent *Judaeo-Christians* (79). Et sane facile haec mandata observari po-

410 — 414, merito dicens, hanc vocis *εἰδωλῶν* notionem ex usu loquendi N. T. et *Alex. Interpretum* nomine probari posse. Alias interpretandi rationes enumeravit Kulnoelius, quem vide ad h. l. Cf. eum Spencerus l. c. p. 438 sq.

(78) Impudicitiam magna virtus ex Deorum cultu accipere, inter omnes constat, et tempore *Apostolorum* hoc vitium imprimis regnabat; neque primos *Christianos* ab eo immunes fuisse, clare docent repetita praecepta contra morum impuritatem, quae suppleant *Epistolae Paulinae*. Quam morose fuerint antiquae religiones bonis moribus, sapienter *Patres Ecclesiae* in scriptis suis docuerunt. Huius argumenti ambitum exposuit Doct. H. J. Syker, (amicus conjunctissimus), in *Dissertat. 198 de Institut. Divina*. Lactantii p. 53 — 56. Si quis exempla legere cupit ex scriptoribus antiquis, adeat R. v. Ommeren, in libro *Horatius als Menach en Burger beschouwd*, p. 49 et 50.

(79) Hoc nobis simplicissimum videtur, quod tanquam consilium lupis decreti exhibetur. Multum hac de re scripto mandatum est a viris doctis. Nostra sententia placuit etiam Buddeo l. c. p. 266 sqq. nec multum differt Nitschli sententia, hoc decreta conjunctionem et concordiam inter utramque partem *Christianorum afferre voluisse Apostolos*. Vide eum l. c. p. 401 sqq. Spencerus vero p. 449 — 467. magna doctrina cu-

potuerunt, et per se utilitatem quandam habebat eorum observatio, qua cautum est, ne sordes idololatriae puriori disciplinae se admiscerent. Talla sunt, quae ex legibus Mosais (80) requirebantur a *Proselytis portae*, uti dicebantur, quibus observanda dabantur septem illa praecepta *Noachidarum* (מצוות בני נח), quorum vestigia in hocce Decreto Apostolico insunt (81). Ergo hinc efficiamus, *Apostolos* aliosque, qui in conventu aderant, voluisse, ut *Christiani* e Gentibus eodem numero haberentur, ac *Proselyti portae* apud *Judeos* (82).

Sed

più dimostrare conetur „*Apostolos decreto suo efferre voluisse, ut cunctae, omnes et singula idololatriae a Christianis evitarentur*“. Hinc opinioni calculum adiecti S. Deylingius *Ubierrv. Sacr.* P. II. observ. 39. p. 363. Neque potuit hanc sententiam adeo esse improbabilem, neque contradicendum ei esse, ei modo hoc teneatur, consilium hocce omnino spectari, sed non primo loco. Hae ratione decretum illud ad utilitatem commendandum est. Cfr. tamen Bezae in *Annali.* p. 612, qui ipse sententiam proponit, explicationi s. Nitschio datae similem, et celeb. Clerisse, *Gedenkw.* etc. p. 385 sqq.

(80) Vid. *Levitici.* XVII, 10, 11, 13. ubi cum *Israelitis*, quam peregrino apud hos commoranti, usus *vel* *Aspersionis* vel *versus* interdictum.

(81) Praecepta illa septem lege apud *Spencerum*, p. 443. quorum primum, quartum et sextum cum Decreto Apostolico convenire, negari nequit.

(82) Vestigia praeceptorum *Noachidarum* in Decreto Apostolico viderunt plures jam viri docti, et ex hisce repetendum censent, uti W. Schickerdus, H. Hammondus et P. Jurieu; quorum scripta citata lege apud *Buddeum*, p. 257 sq. Contra hos ecerrime disputavit *Spencerus* l. c. p. 443 sq. Negari nequit hos viros nimium subinde in decreto quaevisse;

Sed summi est momenti hic observare, quam egregie res definita sit in favorem *Ethnico-Christianorum*. Causa horum *Christianorum*, qui rigidiori observantiae Mosaicæ institutionis favabant, rejecta est ac publicè auctoritate reprobata. *Apostoli* mitioris sententiæ se patronos stiterunt, sed ita, ut rem, quod ad *Judaico-Christianos* attineret, intactam reliquerint (83). Multum jam fuit, et indoli veræ religionis quam maxime consentaneum, quod observationem legis Mosaicæ supervacaneam pronuntiaverint *Ethnico-Christianis*. Non prudenter egissent, si quidem ipsis *Judaïs*, qui Christo fidem dederant, ritus suos avitos auferre conati fuissent. Quantum malum excitassent, si hoc pronuntiassent coram coetu, cujus socii etiam seriori tempore tanquam *ἑταῖροι τοῦ*

neque tamen oppositiones Spenceri aliorumque apud nos hanc vim habuerunt, ut dubitemus s-sensum dare Cl. Gieseler dicenti in *Archiv.* l. c. *Apostolus* statuendo suo decreto, præcepta hæc *Prophetae* potius data ob oculos habuisse. Antiquos Ecclesiæ doctores tale quid etiam in mente habuisse, docet locus Tertulliani in *Monorum*, c. 5. et Pseudo-Clem. *Constit. Apost.* l. VI. c. 12. p. 342. quæ loca descripsit Gieseler, *Kirchengesch.* T. I. p. 75. nota d. Ceterum optandum fuisset, ut semper hac in causâ disputandi, temporum rationem habuissent scriptores „neque,“ ut ait Nitzsch, p. 417 et 34. „decretum hoc Apostolorum int. disputantibus du-
 „bitationibusque materiam præbueret, et Instituto Apostolo-
 „rum moralis magis et usu ipsius petiti et eorum, quibus
 „ea proxime destinata erat, æstimata esset, quam ex his
 „omnium hominum ac temporum communi, cujus illi in lingu-
 „æ administratione rationem habere non poterant nec debe-
 „bant.“

(83) Cf. Planck l. c. p. 167 seqq.

adusu celebrabantur (84). Neque putamus huic rei ipsorum *Apostolorum* fuisse opinionem, qui, cum ipsi *Judaei* essent, observationem oeconomiae primitiae certo non parvi habuerunt. Tanto magis itaque ipsorum laudanda ingerit lumina, quae non siverunt, ut austerum et *Pharisaicum* studium circa praesidium institutorum *Mossaeorum*, praemittente sententia praevaleret; sed tolemni suo decreto effecerunt, ut Christiana disciplina, ab omni molestia liberata, sectatores posset nancisci inter omnes gentes, fidei et amoris vinculo junctas, non externa forma *Judaicorum* rituum.

Ejusmodi opinio, qua observatio rituum *Mossaeorum* tantum obstringere *Judaeos* habebatur, etiam invaluerat apud nonnullos *Judaeos* hujus temporis, neque omnes assensum dederant fanatico studio, quo *Pharisei* suos ritus omnibus omnino imponere vellent. Hujus rei exemplum nobis exhibet *Josephus*, enarrans historiam rei, quae circa idem tempus, quo conventus *Apostolorum Hierosolymis* habitus fuit, locum obtinuit. Scilicet *Izates* Regulus quidam *Adiabanae*, antequam patri successerat, amicitiam contraxerat cum mercatore quodam *Judaeo* *Anania*, qui in gynaeceum introductus, nonnullas mulieres ad religionem *Mossaeicam* perduxit, Mox ipsum *Izatem* commovit ut aures sibi praeberet. Hic regnum adeptus, cum mater ejus *Helena* etiam *Judaicam* religionem

am-

(84) *Actor.* XXI, 20, verba haecce scriptum *Hierosolymitanorum* egregie depingunt sentiendi rationem *Judaeo-Christianorum*, et simul docent, decreto Apostolico in coetu *Hierosolymitano* nihil mutatum esse.

amplexa fuerat, professus est novam doctrinam, et jam in eo fuit ut ritum circumcisionis subiret, cum mater ipsius et Ananias hoc ei dissuaderent. *Judaeus* ille minime hoc ritu el opus esse affirmat; optime Deum verum coli ab eo posse, quamvis externum hoc signum omitteretur. Minime itaque se odio sui populi exponere debere, palam profitendo *Judaeum* se esse factum. Moderato huic consilio *Izateä* obtemperat. Sed paulo post legisperitus quidam *Gallitacensis*, *Elezazar* nomine, supervenit. Regem Mosaicos libros legentem reperiens, „Nescis” inquit „o Rex, „quantä injuriä leges, et per leges Deum afficias! Non enim oportet tantum eas cognoscere, sed prius facere, quae jubeant. Quamdiu „circumcisionem negligas? Si quidem ignoras, hoc jubere leges, perlege ipsas, et vide, „bis non posse omitti sine impletate.” Haec ille: et rex statim eo perductus est ut circumcisioni se subjiceret (85).

Quisque nobiscum agnosceret, huncce *Elezazarum* ejusdem farinae fuisse ac *Pharisaes* illi fuere, qui *Christiani* facti, horum coetum immoderato suo zelo conturbaverunt. Mitioris sententiae, quam *Ananias* aequabatur, indicia reperimus in opinione, quam conventus ille *Hierosolymitanus* professus est. Neque mirum nobis accidet, *Judaeo-Christianos* fuisse huic opinioni; ipsis enim propter indolem religionis suae, minoris jam pretii observatio rituum externorum videri debebat. At

ve-

(85) Vid. *Josephus Antiqq. Lib. XX. c. 2. p. 695 sq.*

vero quantiscunque laudibus decretum hoc *Apostolorum* celebrari mereatur, minime tamen dicendo minuire velimus controversias et sententiarum discrepantiam, quae prima Christianae disciplinae tempora conturbaverunt et diviserunt.

§. 18. *De sequellis, quibus aniam dedit
Decretum Apostolicum.*

Jam eo pervenimus, ut accuratius possimus definire, quales fuerint sentienti rationes, quas primordia rei Christianae exhibuerunt. Sententia, quae circa Mosaicam legem in conventu Apostolico praevaluit haec fuit: *Ethnico-Christiani* hujus legis observatione non tenentur; *Judaeo-Christiani* vero possunt et debent eam observare, quippe ad ipsos modo pertinentem. Hoc ultimum ex alto silentio colligi licet, quod circa *Judaeo-Christianos* in Epistola ad *Antiochenos* et alios data obtinet; et sane imprudentissime egissent *Apostoli*, si coetus *Hierosolymitano*, vigente adhuc solemni cultus Mosaici pompa, hoc eripere conati fuissent.

In ipso tamen Decreto semina cernuntur mitioris et liberioris doctrinae, quae lapsu temporis apud *Christianos* prae reliquis sententiis praevaluit. In promptu erat dubium, siquidem omnes *Christi* sectatores tantum fide et respicientia salutem acquirere possent, non adeo magni momenti esse *Judaeorum* institutionis observationem. Et facilis eo perducí posset ratiocinatio, religionem *Christi* causam esse, cur prorsus pristina oeconomia in
de-

desuetudinem abiret ; nam videbatur supervacua facta esse. *Judaei* ipsi, qui nomen Christo dederant, externorum imprimis terras incolentes, rituum suorum pertaesi, eos missos facere potuissent ; praecipue eo perducti, quod suae religionis ritibus et praeceptis saepius ludibrio aliorum expositi fuerant. Conditiones illae, quas offensionis evitandae causâ, decreto suo addiderant *Apostoli*, non ejusmodi erant, ut multum impedimenti afferrent. Spatium dabant et opportunitatem liberiori interpretationi, quam de hisce rebus deinde Paulum inculcantem videbimus. Hic fuit imprimis, qui hanc opinionem quam maxime Christi doctrinae indoli morali convenientem, defendit et promovit et conamina *Judaizantium* irrita reddere studuit.

Hoc enim hominum genus, quamvis in conventu *Hierosolymitano* ab aliter sentientibus profligatum fuerat, hac ipsâ causâ nova instituit conamina. Oppositione, quam subierant, magis magisque exacerbati, novos sumserunt spiritus. Ut fieri solet, aliâ ratione comparare jam studuerunt, quod primo impetu perdiderant. Circumvagantes illos mox videbimus coetus recens conditos extra *Palæstinam*, omnes turbarum furore miscentes, et ubivis doctrinam suam pestiferam disseminantes. Horum studiis factum est, ut evereret se doctrinae forma, *Judaismo* mixta eique superstructa. Quae antea in latebris *Christianorum* hic illic se occultaverant, jam in lucem prodeunt, et belli atrox imago ubique se offert. Germana disciplina Christi, eorum opinionibus eb-

accurata, et religionis forma condita fuit ex disiectis membris utriusque doctrinae conficta et consarcinata. Quid multa? *Judaeo-Christianismus* veri nominis se exhibet, ac Christi disciplinae interitum minuitur.

Jam quisque videt, tres, ut ita dicam, opinionum formas se ostendisse apud Christi sectatores. Ne in sequenti nostrâ disputatione, semper molestas adhibeamus circumlocutiones, unicuique sentiendi rationi nomen suum imponere volumus. Primam, de qua locuti sumus appellamus rationem *Petrinam*: nam hicce *Apostolus* fuit, qui primam proposuit sententiam, quam totus conventus deinde suâ auctoritate comprobavit. Ei favebant, qui mediam quasi viam ingressi, *Ethnico-Christianis* jura sua vindicarunt, quod ad *Judaeo-Christianos* attinet, causam intactam siverunt. Alteram rationem, quam deinde suam fecit ecclesia Catholica seculo secundo imprimis, a suo vindice acerrimo Paulo, *Paulinam* nuncupare consentaneum est. Tertiam, quam tenuerunt *Pharisaismo* addicti, *Judaizantem* vocamus (86).

Haec

(86) J. E. C. Schmidt, *Handbuch der Christl. Kirchengeschichte*, T. I. p. 180 sq. opiniones circa observationem legis Mosiacae alio modo distinguit. Primam rationem vocat *Petrinam*, id est plane Judaizantem; alteram *Paulinam*, quâ soli *Judaei* obstringebantur; tertiam *Ecclesiae Catholicae*. Sed minus nobis haec divisio placuit, quia nondum pervensum nobis est, quod statuit vir ille ingeniosus, Petrum deinde *Judaizantium* partibus fuisse, et sic semper Paulo obstatisse, uti de eo narratur *Gal. II, 11* sqq. Videtur potius mediam quasi viam incesitasse, sententiae, quam professus est in conventu *Hierosolymitano* consentaneum.

Haec nomina, re bene perpensa, prae ceteris nobis placuerunt, quamquam si cui alia magis ardeant, cum eo non multum pugnabimus. Hoc lectores teneant, nos minime hujus esse opinionis, quasi Christi sectatores in tres partes se separaverint, singulas suos coetus habentes. Contra fuerunt sentiendi modi, qui saepius in una eademque ecclesia patronos suos habuerunt, inter se pugnantes, donec tandem unus vel alter dominaretur. Possint quoque opinionum discrimina ad duo praecipua referri, quorum unum *Ethnice-Christianorum* causam defendebat, alterum *Judaico-Christianis* favebat. Tum hoc partim constabit ejusmodi hominibus, qui rigidiore, et talibus qui, mitioris opinionis studiosi essent. Sed prior ratio rem ipsam clariore in luce ponit. Itaque ad eam identidem redeundi locus nobis aderit in ulteriore disputationis cursu.



CAPUT TERTIUM.

DE JUDAEO-CHRISTIANISMO OMNES
VIREs SUAS EXSERENTE, A PAULO
ACERRIME IMPUGNATO.

§. 19. *De Judaeo-Christianismo Paulum
apertissimum oppugnatorem nato.*

Pervenimus jam ad illud temporis spatium, quo *Judaeo-Christianismus* maxime vires suas collegit, earumque periculum fecit in bello aperto contra dissidentes Christi sectatores gesto. Qualem ejus imaginem informare debemus, facillime inveniemus, cum acrem ejus contemplabimur luctam, fanatico incensam furore, omni nervorum contentione se manifestam reddentem. Sed divinae Providentiae curâ effectum est, ut simul acerrimus vindex *Ethnico-Christianorum* se ostenderet, qui pro maximâ parte adversariorum consmina irrita redderet. Neque tamen caveri potuit, quin multae ecclesiae recens conditae *Judaizantium* conamina, magno suo damno, persentirent. Exinde ab utraque parte saepius lites aguntur; tranquillitas

coe-

ditione quadamtenus saltem instructus, facile eo adducebatur, ut se extolleret supra cogitandi rationem ceterorum *Judaeorum*, arcis finibus circumscriptam. Porro, cum antea incon-sulto studio sectae *Pharisaicae* adhaereret, et Mosaicæ religionis scerrimum defensorem se ostenderet, mox veto miraculoso modo ad Christi fidem perductus (2), ipse imprimis odio habere debuit insensum hoc studium, cujus furoris ipse exemplar vividissimum existerat. Quanto magis ipsi doleret pristina sentiendi et agendi ratio, tanto magis abhorruit ab omnibus illis hominibus, qui *Pharisaicium* cum purâ Christi disciplina jungere vellent. Accessit deinde odium inveteratum, quo in eum ferebantur populares ipsi. Tranquillum commorationem in *Palæstina* ei denegabant (3). *Hierosolymitani* multo magis ipsum odio

sensus doctrinae copulâ celebres laudat. De Græcâ traditione Pauli leg. Michaëlis Elzei. §. 23. T. I. p. 150—157. Edit. 3. in 4to Götting. 1777, qui hac de re medium sententiam tenuit est.

(2) De memorabili Pauli mentis mutatione vid. Ven. A. G. Hasekar, *de manuisse Actuum Apost. et Epist. Paulinærum ad historiam Pauli pertineantibus locis*, p. 62—75.

(3) Quoties *Hierosolymis* fuerit Paulus post conversionem, enumeravit Capellus l. c. p. 38, 39. Scilicet primâ vice salutatus Petrum, *Act. IX, 26. Gal. I, 18*. Alterâ, ad defrendas *Antiochenarum* eleemosynas *Act. XI, 30. Tertâ, cum conventus Apostolicus haberetur. Act. XVI. Gal. II, 1*. Quartâ, post secundum iter suum *Act. XVIII, 23* seq. Quintâ, cum in vincula conjectus est *Act. XXI* seq. De quartâ tamen vice non adn certa res est, quamvis plures magis nominis interpretes agentium partes cuesorut, quos vide apud Ku-

odio persecuti sunt, quam ceteros *Apostolos*. Unde factum est, ut vix aliquid pro Christi causa in *Palæstinâ* agere potuerit, et ad exteriorum terras se convertere quasi cogeretur (4). Mature jam sensit Paulus se *Apostolum Gentium* esse destinatum. Hoc ipse ex eo derivare potuit, quod vix fieri posset, ut civium suorum invidiam vinceret, quia eos in se exarsisse, experientiâ edoctus fuerat. Sed etiam magis ad hanc sententiam ducebatur patefactione divinâ, quae ei obtigit post conversionem suam cum *Iherosolymis* esset (5). Et cetera ejus vitae fata satis superque divinam vocem probaverant „*Proficere ex hac urbe: nam „ad gentes longe hinc dissitas dimittam te, Pauli!*” Quomodo identidem ad tantam opinionum sublimitatem et Christi menti quam maxime convenientem se evexerit Pauli animus, vix audeamus definire; pertinet enim ad intimos mentis humanae recessus, quos mortali perscrutari nefas (6). Sufficit nobis, ejusmodi hominem fuisse Paulum, qualem historia eum nobis exhibet: quomodo identidem talis sit factus, alii exponere conentur, memores tamen veteris dicti

674

noellum ad *Act.* XVIII, 22. Cf. etiam Valsius ad Eusebium, p. 23. B.

(4) Hoc argumentum toto mo ambrosius exposuit c. Pālmus in *Serm. Sacr.* Dec. II. p. 277—281.

(5) *Act.* XXII, 17—21.

(6) Qui tamen desiderat quardam legere de modo, quo Paulus identidem pervenerit eo, ut laetiori et sublimiori aspectu se proponeret doctrinae Christi consilium, adest Flückium h. c. p. 90—19. multa hac de re egregie monentur.

L

δητοῖσιν ἀναλετὰν πολλὴν περ
οὐδὲν ἀφραγνότερον πλεται νόου ἀνθρώποισιν (7).

§. 50. *De controversiâ Antiochenâ, Paulum
inter et Petrum actâ.*

Paulus igitur tum ob animi facultates et indolem egregiam, tum ob feta, quae ei primo vitae tempore obtigerant, imprimis ille fuit, qui *Judaico-Christianismo* obicem ponere posset, certamenque cum ejus fautoribus inire. Ceteri *Apostoli* multo minus huic rei apti fuere. Ipai enim *Palæstinam* plerumque incolentes, avitam religionem omni suo splendore micantem conspexerant et adeo lenius sentiebant de *Judaico-Christianis*, qui nimio studio ducebantur ad vindicandam Mosaicam institutionem. Hoc ostendunt statuendo suo decreto, cujus argumentum praecedenti capite perpendimus. Quo *Ethnico-Christianis* quidem libertatem vindicarunt; rem ipsam vero, de quo agebatur quaestio, quod ad *Judaeos* ipsos intactam reliquerant (8). Si quis

ta-

(7) *Epigramma* V, Homero vulgo adscriptum.

(8) Observandum enim est, apud ipsos *Judaeos* non tantis novis anas dedisse observationem legis, quam apud *Ethnico-Christianos*. Ut hi omni hoc in se suscipere gravissimum, persuaderi illi debebat, saltem ab hac pendere observatione. Et qui hanc persuasionem illi offerre tentaret, in ipsam Christi doctrinam peccavisset, ejusque everteret fundamentum. Hoc bene tenendum est, si de noxâ et doctrinae loquamur, quae ex *Judaismo* repetenda sunt. Vid. Neander L. c. T. I. P. II. p. 605 sq.

tamen existimet, nos nimium dare meritis Pauli, detrudere vero quid laudibus *Apostolorum* reliquorum, contempletur nobiscum Petrum et Paulum in controversiâ *Antiochias* ortâ agentes.

Petrus *Antiochiam* venerat, ibique nullus dubitavit commercium habere familiare cum *Ethnico-Christianis* (9), et sic ostendit se revera eundem esse, qui primus Cornelio Evangelium annuntiaverat et strenue causam Gentilium in conventu *Hierosolymitano* in se susceperat. Sed veniunt quidam e coetu *Hierosolymitano*, Jacobi auctoritatem prae se ferentes (10), patronos acerrimos legis Judaicae se gerentes. Horum metu percussus

(9) *Gal.* II, 11 199. Difficilis est quaestio, momento suo non carenti, respondere, num haec controversia inter Petrum et Paulum locum habuerit, *ante* vel *post* conventum *Hierosolymitanum*. *Ante* illum obtinuisse, inter alios statuit Basnage l. c. p. 592. praevocato jam Augustino, Epist. 19. et Semler in *Proli*, ad *Interp.* ad *Gal.* p. 60. Plerique vero *post* conventum ponunt, ut Buddeus l. c. p. 668, consentiendum Baronio, Tillemontio, Witsio ibi citatis. Capellus l. c. p. 15. J. E. C. Schmidt l. c. p. 77. Borger ad *Gal.* II, 11. Haec sententia nobis magis placet, imprimis haec ob causam, quod Paulus ipse ratione sua, qua hujus altercationis narrationem cum praecedentibus connectat, temporis posterioris indicium exhibere videtur. Digna tamen est, quae auctor, sententia Planckii (l. c. p. 155—164), qui rem sic disposuit, ut eodem tempore locum obtinuisse videamur eam ut fidem sint *veris* *Antiochianis* *Gal.* II, 12. et illi *Judaei* qui memorantur *Act.* XV, 1.

(10) Dubium est, num illud *Antiochianis* vs. 12 intelligi debeat ita, ut Jacobus hos homines misisse statuatur, an vero res sic exponenda sit, ut nomen Jacobi illos mentitos esse dicamus.

aus conventum Gentilium evitat et separat se ab illis. Hujus viri ad exemplum reliqua se componit turba *Judaeo-Christianorum*, ipse adeo Barnabas, quem cum Paulo vindicem juris Gentilium antea vidimus (11). Non, quod ipsis subito persuasum fuerit, *Ethnico-Christianos* ex numero Christi sectatorum esse eximendos; sed nimis curâ ducebantur, ne offenderent populares suos: itaque simulabant (12), donec ii adessent, se legis Mosaicæ amantissimos. At vero ejusmodi simulatio minime placuit Pauli menti, cui nihil carius, nihil antiquius, quam veram Jesu doctrinæ indolem illibatam servare. Publice obstitit Petro ejusque sequacibus, dixitque, minime sibi ipsos constare, qui, cum antea se Gentilibus composuerant, nunc jam exempli sui efficacitate, hos cogere vellent, ut *Judaeorum* ritus observarent (13). Ex hacce historia luculentissime apparet, quam necessaria fuerit Pauli auctoritas, ut malo irrepenti obviam iretur. Qua in re et Petrus et Barnabas tantam humanæ naturæ imbecillitatem, excusandam omnino, sed pessimi exempli tamen, ostenderant. Hoc autem ex-

(11) *Gal.* I. c. vi. 13.

(12) *Judaeo-Christiani* cum Petro *convenerunt* et agendi ipsorum ratio vocatur *consensus*. Cf. Planck I. c. p. 166.

(13) *Gal.* I. c. vi. 14 seqq. Queritur, ubinam debeat oratio Pauli, num vs. Jam 14, an vero protrahi debeat ad finem capituli usque. Pro hac opinione offerri potest orationis inversio ad *Galatas* ipsos Cap. III, 1. Illam ausdere videtur, quod inde a vs. 19. multa occurrunt, quæ Paulus minime necesse habuerit Petro exposcere. Sed cf. Borger ad h. l.

cusationis locum obtinere videtur, Petrum hoc fecisse metu ductum, ne acclasio oriretur inter duas partes. Concedendo aliquid *Judaizantibus*, putavit forte cautum esse, ne horum animi exacerbarentur. Consilium quidem bonum dici mereatur, sed modus, quo eo pervenire voluit, imprudentiae culpā non vacat. Agendi enim ratione in praeceptum Christi disciplinae caput peccarunt, omnes sine discrimine ejus cultores fide tantum et resipiscentiā ad salutem aeternam pervenire. Maximis laudibus dignus igitur est Paulina, qui nullo modo Petri auctoritate, qua inter *Christianos* gaudebat, deterretus, ei obviam ivit, et ob oculos posuit noxam, cui tali agendi modo ipse ansam praeberet.

Quemadmodum Paulus hac occasione se acerrimum vindicem *Ethnicos-Christianorum* praestitit, sic eum reperiemus per omnem vitae cursum *Judaizantium* factioni se opponentem. Hoc ad aspectu hunc virum excellentissimum, et rei Christianae utilissimum, contemplari jam in animo est. Simul hoc modo clare nobis apparebunt nomina ejus adversariorum vario modo variis in coetibus. Ab una parte *Judaeo-Christianismus* omni sua vi et efficacia apparebit; ab altera germana Christiana disciplina, Pauli scriptis et vindictis instructa et illustrata. Talem orationis cursum nobis proposuimus, ut singulas ecclesias, ad quas Paulus epistolae (monumenta unice fide digna) dedit, perlustrantes, colligamus, quam ratione *Judaizantes* suas opiniones ibi disseminaverint, et quam ratione Paulus se his oppo-

suerit. Cursus initium faciemus ab Ecclesiis *Galaticis*, quippe primis coetibus a Paulo conditis. Dein *Graciam* visitabimus, unde facilis transitus in *Asiam Minorem* occidentalem. Tandem *Romam* adibimus, quousque ratio *Judaizans* nociva sua vestigia extendit. Hoc unum teneant lectores nostri, rogamus, nos minime uniuscujusque Epistolae *Paulinae* expositionem velle exhibere; sed argumenti nostri rationis memores, id solummodo ex hisce scriptis excerpere, quod facere autumamus ad *Judaeo-Christianismi* naturam et conamina illustranda et vindicanda. Nisi sic agamus, nostra scriptio immensam in molem cresceret, et in alienum campum divagaretur.

§. 21. *De Judaizantium opinionibus, per coetus Galaticos disseminatis.*

Judaizantium conamina omni suo ambitu sese ostenderunt in coetibus illis, qui *Galaticam* terram occupabant. Hancce regionem etiam adierat Paulus, ut nuntium ibi afferret decreti Apostolici *Hierosolymis* sanciti (14). Requirebatur

e-

(14) *Actor.* XVI, 4 — 6. Videtur Paulus antea jam in *Galatia* affuisse, etiam Evangelium annuntiasse, ut apparet ex *Actor.* XIV, 6. In quo loco v. *supra* Koppe in *Prot.* in *Epist. ad Gal.* p. 8. de *Galatia* intelligit, negare tamen Hugio, *Eintelt.* T. II. p. 252 sq. Edit. p. 1536. Quae sententia etiam placuit Borgeto l. c. p. 16 in nota. Alio modo ad eandem opinionem pervenit Mynster l. *supra* c. p. 53 sqq. Efficeret probare adduxerat vir doctus, sub nomine *Galatiae* comprehendit etiam *Phidias*, et *Lycantias* coetus. De *Asiaticis* illis

pi.

omnino, ut hoc decretum observaretur in ecclesiis, quae partim ex *Judaïs*, partim ex *Gentilibus* constabant. Quidquid auctoritatis ibi haberet Paulus, cavere non potuit, quin studium illud pro legibus Mosâicis strenuos reperiret fautores et defensores in coetibus *Galatarum*; qui tanto successu rem suam egerunt, ut religionem Christianam, cui assensum dederant *Galatae*, in *Judaïsimum* fere converterent. Factio enim illa *Pharisaica*, post conventum *Iherosolymitanum*, spe sua et exspectatione dejecta, iram suam imprimis converterat in Paulum, in quem omnem culpam rejecerant, et ideo vehementissime odio habere necesse fuit (15). Quocumque veniat illic *Apostolus*, atrocissimos adversarios *Judaeos* habet, qui propagationi religionis Christianae se opponunt, aut, si quosdam sectatores nactus fuerit Paulus, hos depravare student pestifera sua doctrina. In *Galatiis*, ubi multi *Judaei* aderant, bono successu utuntur, et mox omnem fere fructum, quem habuit Paulina institutio, everterunt (16).

Per-

Plinius hoc demonstravit ex loco quodam *Prolemaei Geogr.* cit. p. 62. Magna probabiliter specie ejus argumenta gaudet. Scribit porro p. 63 sqq. sic in concordiam redigi, quae *Lucas* habet de vexationibus, Paulo *Antiochia*, *Lystra* alibi, aliis, cum *Gal. IV*, 13, 21 ubi *Apostolus* dicit, se *Evangelium Galatiis* praedicasse *et Actibus vii* *et c.*, quod de calamitatibus et vexationibus intelligimus, collatis cum *vs. 14*. sequente *superius*, cum uno vocis *Actibus* 2 *Cor. XI*, 30 sqq. *Legg.* *Borger* ad *Gal. IV*, 13. et *Mynter*, p. 68 sqq.

(15) Vid. *Pisack* l. c. p. 173 sqq.

(16) Vid. *Hug.* l. c. p. 356.

Persuaserant nimirum *Christianis Galaticis*, ut rituum Mosaicorum observationem, et imprimis circumcisionis in se susciperent. Homines illi, nisi omnes, saltem plerique videntur religionis Christianae professionem magis simulasse, quam vere ei fidem habuisse. Non fuerunt ejusmodi *Christiani e Judaeis* oriundi, qui ob opinionum quandam imbecillitatem, nimis honorifice de avia sentirent religione. Si quidem tales fuissent, non tam acriter in ipsos invectus fuisset Paulus, qui bene solebat distinguere inter fratres suos *ἀσθενέστες τῇ πίστει*, et conturbatores istos *Christianorum*, qui germanam Christi doctrinam evertere conarentur (17). Istis turbarum motoribus imprimis momenti erat, ut Pauli auctoritatem quam maxime infringerent. Videntur hoc consilium ita ad exitum perduxisse, ut *Galatis* fictos rumores de *Apostolo* narrarent. Minime divinā auctoritatem eum gaudere, ut reliquos *Apostolos*, dicitasse videntur. Ut hoc probarent, falsas narrationes de vitā et fati Pauli sparserunt (18). Neque fugere ipsos potuit, in conventu *Hierosolymitano* decretum sancitum esse, quod in commodum suum contorquere possent.

PAU-

(17) *Gal. I, 7.* De vi verborum *εὐαγγέλιον* et *ἀναστροφὴν*, quibus hic utitur Paulus, cf. Borger ad h. l. p. 88. De toto questionis statu Inter *Judaizantes* et *Paulinos* non sine fructu legatur Buddenb. l. c. p. 299 sqq.

(18) Hoc deducimus ex solemnī Pauli declaratione, quae exstat *Gal. I, 20.* et ex narratione, quam copiosius deinde de vitae suae vicissitudinibus anterioribus instituit *IIId. 23. 21* — *24. 11*, i. 299.

Paulus decretum hocce ab *Apostolis* factum, ecclesiis annuntiaverat. Inde specie quadam fingere potuerunt ejus adversarii, Paulum modo egisse legatum *Apostolorum*, non vero divinum doctorem, cujus mandata omni exceptione majora essent. Videntur porro inconstantiae crimen in eum retorsisse: quasi antea rituum Mosaeorum observationem rejecisset, nunc vero se iis accommodare vellet, *Apostolorum* placito meliora edoctus. Quod Timotheum circumcidi curaverat, offensionis vitandae gratia, quam aliter agens *Judaeis* parere posset (19), hoc quaecunque praebebat argumentum, quo iniquum judicium adversariorum uteretur.

Cum ejusmodi criminationibus et cavillationibus *Apostoli* auctoritatem apud *Galatas* labefactassent, facile, extollendâ divinâ origine legis Mosaeae, et promissionum *Israelitis* factarum jectandâ magnitudine, fucum facere possent hominibus recens ad religionem adductis Christianis. Sic igitur *Galatae* illi, vanorum hominum commentis callide propositis et ornatis, ad *Judaismum* perducuntur, et flori laeto, quo in eorum regione fruebatur res Christiana, interitus et clades affertur. Ecce jam primum exemplum insani hujus studii *Judaizantium*. Videbatur modo in Pauli auctoritatem injuriosius agi, sed reverâ Chri-

(19) *Actor. XVI*, 1—3. Ceterum de *Judaizantium* consimilibus in ecclesiâ *Galaticae* vidd. Michaëlis *Elmsl.* T. II, p. 1021 sq. et imprimis Borger L. c. *Proll.* p. 11—19. qui multa egregie monuit.

Christi doctrina germana locum cesserat *Judaismo*. Si modo vim exseruisset in ipsos *Judaeco-Christianos*, non adeo magnum detrimentum illatum fuisset, sed ipsi *Ethnico-Christiani* in devia rapiuntur et misere bono suo, quod vix cognoverant, spoliuntur. Paulus turbatum rerum statum audit, et egregia sua Epistolâ malo obviam ire conatur (20). Videamus jam, quomodo causam contra malevolos defenderit, et Christi doctrinae honorem suum obscuratum restituerit.

§. 22. *De Epistolâ Pauli ad Galatas, Judaizantibus oppositâ.*

Analysin exhibere hujus ad *Galatas* Epistolae, minime nobis in animo est: nam ejusmodi expositio, quamvis utilitatis fructu non careat, et solet iadium creare lectoribus, et dietorum ejusdam scriptoris venas et nervos incidere. Malumus talia ex ea excerpere arguments, quae nobis depingant Paulum *Ethnico-Christianorum* strenuum vindicem et *Judaizantium* adversarium; neque difficilis hoc labor nobis erit: totum enim hujus Epistolae argumentum in eo versatur, ut *Galatas*

Ju-

(20) De loco et tempore, quo scripta est Epistola, non agimus. Qui hujus quaestionis satis jejunae et dissidii plenae tractationem legere cupiat, evolvet Michaëlem L. c. p. 1007 sqq. Hugl. c. p. 351; Borgerl. c. p. 85—37. Mynster l. c. p. 71 sq. Pierumque ejus exaratio ad annum 58 referri solet, cum Paulus in *Graecia* versaretur. Unde fit, ut nisi primum, saltem inter primas, haec Epistola occupat locum, quam a Paulo scriptam habemus.

Judaismo deditos reducat ad pristinam doctrinae rationem, quam Paulus eos docuerat.

Gratulari nobis debemus, ejusmodi quid molitos esse *Judaizantes* illos: nam hoc eorum damno effectum est, ut clare et copiose sententiam suam de lege ejusque observatione professus sit *Apostolus*. Insolentia, qua rem suam egerant *Judaei* illi, merito exacerbavit eximii viri mentem; et damnum, quo minabantur puriorem disciplinam, effecit, ut omnes ingenii nervos intenderet Paulus, quo hostilem impetum funderet fugaretque. Docet ipsos, qui putarent, recte Christi doctrinam cum observatione legis conjungi, *Christianorum* nomine esse indignos (21). Sic enim duo commiscere tentasse, quae naturâ suâ et indole minime inter se conspirent. Totus versatur in scripto suo componendo, ut clare ostendat, quantum discrimen intercedat inter legem Mosaicam, et Christi disciplinam. Haecce hominibus veram libertatem attulit, legis observatio contrâ servos reddit homines miserrimos (22).

Legem comparat cum paedagogo, a cujus im-

(21) *Gal. V, 2, 3.* „Ego vero Paulus, ita vos vobis persuadente vellem, nullis omnino fructus a Christo ejam- que disciplina vos esse percipientes, si istorum (*Judaizantium*) voluntati monitibusque sitis obsecuturi. Imo vero ita statui, nunquamque, qui circumcisionem suscipiat, me Christianum quidem esse dicendum, sed *Judaetis* potius annu- merandum, quia hoc ipso ritu legibus Mosaeis obstringitur universis, usque parere debet.“ Sic eleganter huic locum interpretatur Vorgerus.

(22) *Gal. II, 4. IV, 3, 5—7. V, 1, 13.*

perio nos vindicavit Christus (23). Qui legem observant, et per eam salutem consequi velint, poenis divinis esse obnoxios, a quibus Christus morte sua expiatoria homines liberavit (24). Inde jure conficit Paulus insaniam magnae culpe *Galatas* eximendos non esse, qui cum primo ad salutarem doctrinam Christi adducti essent, dein meliore abjecti et flocci habitū, ad jejunam praeceptorum Mosaicorum observationem se perducere passi fuerant (25). Hac opportunitate usus *Apostolus*, doctrinam suam exponit, quae fundamenti instar totius Christi disciplinae haberi potest: „*Tantummodo fide Christo ejusque meritis habitū, salutem veram nanciscet hominem, non autem nudis praeceptis legis observandis* (26).” Quae cum ita essent, nullius pretii facta est legis *Judaicae* observatio illis hominibus, qui omnia omnino e Christi doctrina haurire debebant, omnes sine discrimine homines uno eodemque vinculo jungente (27).

In

(23) *Gal.* III, 24 et 25. *coll.* IV, 1—3.

(24) *Gal.* III, 10—14.

(25) *Gal.* III, 1—3. Redisse dicuntur *Galatas* ad eā *ἀρετὴν καὶ σωτῆρά* *ἐκείνην* *Gal.* IV, 9. quibus verbis egregie depingit Paulus institutionem Mosaicam, quae propter externam rituum pompam, omnemque ejus indolem egregie conveniret infanti hominum conditioni. Cf. Borger in annot. ad *Gal.* IV, 9, 10.

(26) *Gal.* II, 16. De hoc vs. omnino leg. Borger. Ceterum ne citra cumulem, de vi vocis *ἡλικιωτός* et affinis hinc omnium legatur Voorstius, vir celeberrimus, in *Annot. in loca Selecta N. F.* Spec. II. p. 61 sqq.

(27) *Gal.* V, 6. VI, 15, 22—27.

In cursu disputationis Paulinae hoc observare subit, virum egregium hoc bene vidisse, oconomiam Mosaicam, quam eximia fuerit respectu habitio aetatis populi que rationis, minime tamen convenire *Christianis*, qui illustriori omnibusque aetatibus apta doctrina gaudebant. Christi doctrina ad altiore et sublimiorem gradum adduxit homines, quali nunquam adhibita veteri oeconomia attingere potuerunt. Huc facit sollemnis modus, quo Paulus jam ab initio Epistolae auctoritatem suam divinitus ei concessam vindicat (28) negatque, qualescunque tandem fuerint *Apostoli* relinqui, se minime pendere ab eorum auctoritate, sed aequalem prorsus se illis esse (29). Jure itaque viro recte sibi conscio stomachum movere debuit indigna tractatio, qua *ψευδοδιδάσκαλοι* illi *Judaei* circa eum versati fuerant; jure meritoque *ἀνέστη* in illos falsos doctores jaculatur, qui pestes verae disciplinae dici mereantur (30).

At-

(28) *Gal. I, 10—12.* Huc facit etiam repetitio illa in inscriptione hujus Epistolae *ἀπὸ τοῦ ἀποστόλου, καὶ δι' ἀποστόλου*, que in phrasal non adeo diversum quid queri debet, quam potius efficacem sententiae expressionem, ac minime eb auctoritate hominum pendere, neque eb illis edocum esse. Cf. Borger et cl. v. d. Palm ad h. l.

(29) *Gal. II, 6—9.* Notetur imprimis vs. 6, ubi dicitur: „Quod vero attinet ad illos (*Apostolos*) qui magno honore haberi solent, quales tandem fuerint ad me nihil pertinet: *καὶ οὐκ ἔστιν ὡς* sic exponi debere docuit Borger ad h. l. p. 126. „Deus enim personas non respicit: nam nobilis illi viri (*ἀνθρώποι* ex precedo. suppl. *οὗτοι* ei) nihil me docuerunt nisi (*ὑποταγή*).”

(30) *Gal. I, 8, 9.* *ἀνέστη* *ἔθετο*. *ἔθετο* significat *id*, quod

Attendendum deinde est, quam eximie horum nebulonum argumenta dolosa enervet. Abrahami factantur stirpem, et promissiones magnificas ejus prosapiae datas. Ut quis earum fiat particeps, necesse esse, clamitant, ut circumcisionis aliorumque institutorum observantia *Abrahamidarum* in numerum referatur. At vero quam egregie hoc argumentum in ipsos adversarios retorait. Non legis observatione, sed fide cernuntur germani filii Abrahami; quid enim de illo dictum est? „*fidem habuit Deo, et hoc modo divini fidei, veris usus ei concedebatur.*” Christiani ergo sunt, ad quos promissiones pertineant, et hi tantummodo vera Abrahami prosapia dici merentur (31). Divinam porro legis Mosaicæ originem extollentes eos audiverat Paulus, nec tamen hoc argumentum molestiam ei creat; ingeniosâ ratione etiam illud vi suâ spoilat, monendo, institutionem Mosaicam temporibus suis accommodatam minime labefactare pristinum Abrahamo datum promissum; nam quod Deus semel dixit futurum esse, nulla res unquam vanum reddere potest aut irritum (32).

Ad-

*devotum est; mori destinatum. Hinc ubi in existendi formula. Potest etiam explicari de expulsiōe ex Ecclesia, ut minus sit cum tali homine consortium habendum non est. Celebris est hic usus in conciliis conciliorum in haereticis damnamda, cujus exempla lege apud Suicerum l. c. voce. *anathema*, p. 270.*

(31) *Gal. III, 6—9. III, 29.*

(32) *Gal. III, 15—18. In vs. 16. cerni exemplum illius argumentandi rationis, quae tempore Pauli apud Judaeos obli-*
viva.

Admiramur argumentandi rationem, qua Paulus hic utitur, ad persuasionem aptissimam; et quamvis insunt quaedam ejus scripto, quae minorem aetiori aevo vim habere videantur, rationum tamen conclusio ejusmodi sese habet, ut quisque assensum ei det, cui bene persuasum est de germana Christi doctrinâ. Neque huic laudationi quid detrahit observatio interpretationis Allegoricae, qua doctrinae suae expositionem illustrare conatus est. Hac enim similitudine, quae obtinebat inter Saram liberam uxorem, et Hagarâ servam ipsorumque fillos, et inter *Christianos* et *Judeos*, animos lectorum commovere potuit, quibus jam aliis argumentis persuasum fuerat (33). Ejusmodi interpretandi ratio Pauli aetate celebratam nacta erat et jure eâ utitur sapientissimus doctor, quippe quae capiti lectorum accommodata esset quam maxime. Quidquid autem hujus rei est, admiramur et in eo eximii viri acumen ingenii, orationis copiam et ubertatem.

Ex hujus Epistolae argumento et ratione luce
cla-

uerit, non facile quis negabit. Si cui tamen forte minus dignum videatur tanto alicuique viro, vident, num acquiescere possis in eis, quae monuit Berger l. c. p. 204. sqq.

(33) *Gal.* IV, 22—31. Quamvis ejusmodi interpretationes Allegoricae, praesertim quales doctores Ecclesiastici deinde confecerunt, imanes et risu aeque digne videntur, negri tamen nequit, ingenii scumen quoddam non raro in iis cerni. Si quis discrimen videre cupiat, quod intercedat inter exponendi rationes, comparet nostrum locum Paulinum, cum loco quodam non dissimili, quem notavimus in Epistola Pseudo-Barnabae, cap. 13. p. 41, 42. Edit. Cotel. Ceterum cf. Neander l. c. P. III. p. 947 sqq.

clarius apparet, quam apta fuerit sentiendi ratio Paulina, ut malis, a *Judaeanis* creatis, obviam iret; porro, quantum discrimen intercederet inter doctrinam, qualem vir ille eximius proposuit et monstruosam conjunctionem doctrinae Evangelicae et *Judaismi*, quam plures horum temporum doctores in Ecclesiam volebant admittere. Cum igitur ab una parte doleamus detrimentum, quod primum seculum jam viderat, originem plurimum nozarum, ab altera parte summopere laetamur, tunc temporis extitisse Paulum acerrimum vindicem germanae Christi doctrinae. Talem tantumque virum, difficili muneri, quoungebatur, aptissimum, Epistola ad *Galatas* nobis exhibet Paulum, nec dubitandi adest causa, quin ejusmodi scriptum, sicut alia eodem consilio exarata, rerum faciem identidem immutaverit, et meliores doctrinae propagaverit semina, quorum laetam messem serior tandem adspexit actas.

Nemo nobis in vitium vertit, nos paulo diutius in hac Epistola esse immoratos. Nam ex ea optime nobis imaginem informare possumus opinionem *Judaeanorum* et doctrinae Christianae ex Pauli mente iis oppositae. Et bene his omnibus perpensis, status quaestionis, quantum fieri potest, unicuique planus est et apertus. In perlustrandis reliquis Pauli scriptis brevioribus nobis esse licebit: ceteri enim coetus *Judaicorum* placitorum facie turbati, eadem fere nobis exhibebunt mala et ex eadem repetenda origine.

§. 23. *De vestigiis Judaico-Christianismi in
Ecclesiis Macedonicis.*

Paulus iterum novam peragationem inceperat, comite Sila, cum dissidium ortum fuerat inter Barnabam et Paulum (34). In hoc itinere revisit coetus, per *Lycaoniam*, et *Galatiam* dispersos. Deinde consilium cepit in *Myriam* et *Bythiniam* penetrandi, sed impedimento quodam permotus, in oram occidentalem *Asiae Minoris* tendit. Hinc mari trajecto in *Macedoniam* venit, et sic primus omnium Evangelium in *Europa* annuntiavit (35). Tum *Macedoniam* peragrans, *Philippas*, *Thessalonicam*, *Beroeam* adit, ibique non spernendam sectatorum numerum sibi acquisivit. Sed *Judaeorum* infestis insidiis vexatus et propulsus breviori tempore in hisce urbibus sedem figere ei contigit. Postquam *Athenas* etiam viderat, *Corinthum* venit. In hac urbe autem, artibus et mercatura florente, per annum et dimidium commoratus est. Tandem *Ephesum* profectus et hinc *Palaestinam* peragrans redit *Antiochiam* (36).

Hoc itinere Paulus novum quasi campum aperuit rei Christianae, in quo semina sua fructuo-

(34) *Actor.* XV, 36 sqq. Num inter causas, cur Paulus a Barnaba abalienatus sit, etiam refertur debeat, huius inconcinnitas in tuenda causa *Ethnico-Christianorum*, qualem super o tenderat *Antiochiae*, alii diiudicent. Historia tacente, nolumus hanc adornare conjecturam.

(35) *Actor.* XVI, 1 — 11. Cf. de hoc Pauli itinere Planck l. c. p. 178 sqq.

(36) *Actor.* XVI, 12 sqq. XVII. XVIII, 1 — 22.

ctuosa propagare posset. Quaestio jam in promptu est, num novus ille ager immunis fuerit et purus a venenata *Judaizantium* doctrinā? Si modo cursim inspiciamus narrationem hujus itineris a Luca conscriptam, non sudemus, affirmando huic respondere quaestioni. Per *Macedoniam* et *Graeciam*, *Judaei* quoque Synagogas suas habebant. Hias pro more suo Paulus in urbem quandam veniens adire solebat, ut popularibus suis primum novae doctrinae afferret nuntium, utque per hos deinde ad Gentiles perveniret (37). Sed ubique *Judaei*, *Macedones* et *Achaici* ostenderant, se minime mentis obstinatae duritiā et vanā ambitione inferiores esse fratribus suis *Palaestinensibus* et *Asiaticis*. Indignissimo modo in Paulum saevierunt; et hinc conjiendi locus est, post ejus abitum, concordiam inter duas partes, quibus Ecclesiae constarent, non adeo magnam fuisse (38). Quidni statuamus, plures ex adversariis illis Pauli, *Pharisaeo* studio incensos, vestigia ipsius secutos esse, ut volucres rapaces viam legere solent, quam seminatore tenuis-

(37) Synagogas vidit *Philippi*, *Act.* XVI, 13. *Thessalonicas*, XVII, 1, 2. *Beroeae*, *Ibid.* 10. *Athenis*, *Ibid.* 17. *Corinthi*, *Act.* XVIII, 4. *Ephesi*, *Ibid.* 19. Sententiam suam de *Judaeis* discrete expressit Paulus, *Ibid.* 6, 7.

(38) Fecimus quidem vexationes, quas subit *Apostolus*, a *Judaeis* incredulis motas fuisse, sed odium illud, quo ubique tere in Paulum ferebantur, non plane abiecit *Judaes*, qui Christi partibus se adjungerent, et rei ipsius natura docet, et eventus satis superque probavit.

nuisse sciunt? Sed age evolvamus Pauli Epistolae ad Ecclesias hujus regionis datas, et videamus, num et iis insint vestigia *Judaismi* Christianae doctrinae se adjungentis, eamque adulterantia.

Perlectis duabus ad coetum *Thessalonicensem* Epistolis, nihil nobis occurrit, quod turbam quandam a *Judaizantibus* factam innuere videatur: neque talia deprehendimus effata, quae *Judaizantes* spectare putandum est. Nam si Paulus de hoc vel illo malo corrigendo in coetu *Christianorum*, sermonem habet, non atam de Judaicis erroribus cogitandum. Hoc modo partium studio ducti jure videremur, quasi omne quod perversum et vitiosum primis hisce temporibus fuerit, ad *Judaizantes* referre velimus. Plura certe reprehensione digna aderant, quae ex longe aliis causis repetenda sunt. Sed occurrit tamen aliquid in *priore* ad *Thessalonicenses*, quod ex Judaicis opinionibus profectum esse, quis suspicetur. Scilicet opinio illa de adventu Christi mox locum habiituro (39). Cui ansam dare potuit crassa illa delineatio apparitionis Messiae, qualem *Judaei* sibi fingere solebant (40). Sed hujus rei ju-

(39) 1 *Thessal.* IV, 13 sqq. V, 1—3. quem locum expositum lege apud Doctorem J. J. Burgerhoudt in Dissert. de coetu Christi. *Thessal.* octo saeculis p. 145 sqq. cui videbatur, hunc errorem circa Christi adventum ex pravis *Judaicorum* de Messia opinionibus, repetendum esse. Leg. vir doct. p. 142 sqq.

(40) Cf. Auctor (videtur fuisse L. F. Leuwein) libri e Germ. lingua redditus cui titulus: *Ontwerp eener volledige geschiedenis van de godsdienstigevoelens der oeritte Christen-erwe*, T. I. p. 486. qui e *Judaismo* repetit: sed, quamvis docuit ille

judicium aliis relinquimus, nobis enim persuasum est, multa huicce sententiae sive conjecturae opponi posse. Potius coetum *Philippi* congregatum adeamus, ibique quid rei sit, consideremus.

In hancce Ecclesiam identidem doctores quosdam *Judaismi* magno studio ductos, irrepsisse ex eo perquam sit probabile, quod Paulus magno orationis fervore in ejusmodi invehatur homines. „*Attendite*” inquit „*et evitate, Philippenses!*” „*canes illos; attendite malos operarios, attendite concisionem* (κατακμήν) (41),” qua voce summam suam indignationem exprimit in falsos illos doctores, circumcisionis necessitatem multis verbis *Ethnico-Christianis* commendantes. Hos enim intelligi exinde patet, quod mox addit, hos respiciens „*Nos vero sumus circumcisi veri nominis, qui animo nostro Deum colamus, gloriamusque nostram a Christo repetamus, non vero a signo quodam corpori impresso* (42).” Ex vehementiori animi affectu, quem hoc loco ostendit Paulus, non immerito aliquis conjiceret, Ju-

vis multa egregie monerit, nimis tamen videtur eas in omnibus erroribus pristini aevi ex *Judaismo* repetendis.

(41) *Philipp.* III, 2. Si quidem illud *ἀνάγει*, et *ἀναγεί* h₂4₂ cum cl. Palmio in nota ad h. l. ad alios refringunt doctores coetum *Philippensium* conturbantes, illud *ἀναγεί* ad *Judaizantes* pertinere, nemo facile negabit. De hujus vocabuli notione et usu legantur, quae monuit Doct. J. Hoog, (immatura est mortis ecclesiae suisque ereptus), in *Disertat. De coetibus Christianorum Philippensis conditione primaeva* etc. p. 147—151.

(42) *Philipp.* III, 3.

Judaizantium horum conamina effectum minime caruisse, et mores *Christianorum Philippensium* depravasse. Videntur lapsu temporis magis magisque vires sumsisse falsi illi doctores, ita ut Paulus quam maxime necessarium putaret, adhortatione sua iteratâ iis obviam ire. Teneamus, hanc ad *Philippenses* Epistolam scriptam esse ultimò vitæ Pauli tempore, cum jam *Romae* versabatur, in vincula conjectus (43). Unde hanc facimus conclusionem: Pauli indefessâ curâ averti non potuisse, ne in dies maium a Judaizantibus creatum ingrueret. Expectandus igitur alius eventus, qui quasi uno ictu omnia hæc mala et damna prosterneret. Qualis hic fuerit, deinceps videbimus.

Ceterum turbatores illos Ecclesiæ *Philippensis* nobis fingere debemus, tanquam homines pessimis moribus, voluptati libidinibusque deditos, rebus terrestribus tantummodo studentes. Ejusmodi enim est pictura, quam indignanter *Apostolus* de hisce fecit (44). Et convenit omnino cum conditione perditissima, in qua tunc temporis

(43) De tempore, quo scripta sit Epistola, legatur Hoog l. c. p. 39 sqq., qui accurate omnem hanc questionem exposuit. Quod nos scripsimus supra, non facile quis in dubium vocabit, quamvis de anno exacto non constaret.

(44) *Philipp.* III, 18—20. de quo cf. Hoog, p. 142—146, qui locum Paulinum I, 10. etiam ad Judaizantes trahit, sed nobis hic locus nimis est vagus et indefinitus, quem ut ad hoc commode referri posse videatur. Fortasse III, qui ibid. 15 sqq. *de Judaizantibus* Christi doctrinam annunciaré dicuntur, intelligendi sunt Judaizantes, quibus hæc inueta nota bene conveniret. Sed nihil hic affirmamus.

ris gens Judaica versabatur. Studio suo externae religionis observationis, rituumque etiam minutissimorum, compensare hi homines voluerunt internam perniciem et pestem, quibus omne, quod bonum rectumque esset, relinquere infectum solerent.

§. 24. *De Corinthiaco coetu a Judaeo-Christianis turbato.*

Coetus *Corinthiaci* conditio certiora et evidentiora nobis suppeditabit indicia turbarum a Judaeis excitatarum. Hujus urbis Ecclesia tristem imaginem rixarum et factionum nobis exhibet, et satis superque demonstrat, primos *Christianos* minime a magnis vitis et pravis moribus immunes fuisse, quales solent depingi a recentioribus scriptoribus, qui, de perfecto illo statu primaeavorum Christi sectatorum varia comminantes et somniantes, merito taedium et fastidium aequis rerum judicibus creant.

Ecclesia autem *Corinthiaca* luculentissimum nobis exhibet exemplum, quanta mala ex controversiâ inter *Judaeo-Christianos* et *Ethnico-Christianos* agitata, originem suam traxerint. Describit hunc coetum *Apostolus*, diversis sectis, quae singulae suis auctoribus, ut habebantur, superbiebant, dilaceratum (45). Scilicet fuerunt inter *Corinthia-*

cor,

(45) 1 *Cor.* I, 12. III, 4, 5. Illorum opinionem, quae Paulus hic non vera sectarum nomina scripsisse statuitur, et nomina Cephæ aliorumque solummodo exempli gratia apposuisse, satis superque refutavit cl. Pott ad priorem ad *Corinthios*. *Epist. Pref.* p. 79 sqq.

cor, qui a Cepha seu Petro, alii, qui a Paulo nomen sibi auserant. Alii ab Apollo, alii a Christo nomen suum derivabant. Ceteris missis explanationibus, nobis hoc tenendum videtur, duas potissimum partes hic cerni; alteram nempe Petrinorum, quibus ex nonnullorum sententia *el roũ Xp̃stroũ* adjungi possunt, si intelligendi sint illi, qui auctoritatem Jacobi, fratris Christi, sequebantur (46). Sed, ut dicamus quod res est, nobis potius videntur illi *roũ Xp̃stroũ* partem quandam neutram confecisse, qui ab omni sectarum studio se abstinere velle, dicebant (47). Praeter factionem *Petrinam*, *Judaismo* magis deditam *Corinthi* fuit altera *Paulinorum*, quibus accessisse videntur *Apolloni*, fortasse solummodo doctrinae exponendae ratione a caeteris diversi (48). Hanc

sc-

(46) Ingeniosa sane est conjectura, nec mirum eam plurimis placuisse viris doctis, uti Storckio, Hugio (l. c. P. II. p. 360 sq.) aliis, quos recenset Pott l. c. p. 27 sq., qui p. 28 — 27 alias etiam recensuit explanationes multo minus se commendantes. Haud alienum ab hac opinione se praestitit cl. v. d. Peim in *nota ad 1 Cor. I, 12*.

(47) Ea sententia placuit Etchhornio et Pottio l. c. p. 31. Fortasse tacite hos Christi tantum se discipulos dicentes probavit ipse *Apostolos 1 Cor. III, 22, 23*.

(48) Apollon seu Apollonius *Alexandrinus Judaeus* ob doctrinae suae copiam, et eloquentiam laudatur *Actor. XVIII, 24 sqq.* (ubi de significatione vocis *ἀγών* omnino leg. Kuinoel. Exemplis ab eo allatis addi possunt loca Hierodoti, Lib. V, 36 et 249 ubi Hecataeus *ἀγώνες* dicitur). Si quidem ad orbem ejus patriam stretchimus, doctrinaeque rationem huic urbi propriam, facile discrimen inter Apollonium et Paulum obtinere potuiss, censendum est. Itaque viros tamen sibi invicem non repugnasse, neque *Apolloniorum* factionem nu-

mer-

sectam causam tuitam esse *Ethnico-Christianorum*, quis in dubium vocabit?

Haec opinionum diversitas non tamen eam vim habuit, ut diversis in locis congregarentur (49); eo vero tetendit, ut rixae et altercationis plenae essent *Christianorum* conventus. Nullus ordo in sacra concione servabatur, quisque pro lubitu sermonem habebat, vel preces fundebat, vel hymnos canebat, obstrepentibus aliis et nemine audiente; mulieres adeo loquacitate sua conturbationem et tumultum insigniter augebant (50). Sed videamus potius de utraque factione *Petrina* et *Paulina*, quomodo sese invicem tractare soleret.

Num Petrus ipse *Corinthi* affuerit nec ne, adhuc ambigitur (51). Sed quidquid hujus rei est,

metrosam adeo fuisse, conici licet ex 1 Cor. XVI, 12, ubi Apollus tacito affectus esse *Corinthiorum* satis perspicue depingitur. Cf. Pott l. c. p. 23, 24.

(49) Apparet hoc ex 1 Cor. XI, 18. Nihil quidem in inscriptione hujus Epistolae Cap. I, 2, illud *in eorum ecclesia* nisi ut ad *ecclesiam* ad varias scholas seu loca congregationis referre videtur. Forsitan *Petrini* Synagoga *Indanorum* frequentare solebant. Prior tamen excitatus locus nimis videtur definitus, quam ut acribus singulis suis adiacentibus conventus. Vid. Pott 1. c. p. 55.

(50) Lege vividissimam harum rerum descriptionem a Paulo delincentem 1 Cor. XII—XIV. Pominas videntur imprimis quaestunculis suis concionem obtulisse ibid. XIV, 34, 35.

(51) Petrum *Corinthi* affuisse aperte affirmat Dionysius *Corinthiacus* Episcopus (A. C. 170), de quo cf. Eusebius, *Hist. Eccl.* Lib. IV, c. 23. In Epistola ad *Romanam* Ecclesiam scripta, cujus fragmentum extat apud eundem Lib. II, c. 25, p. 54. *quidam* (s. *quorundam* ut videtur Valesio) *etiam* *Pauli* (*Roma*).

est, pars illa coetus *Corinthiaci*, nomine ejus imprimis delectabatur, quippe quod pondus adeo et auctoritatem studio suo legis Mosaicæ addere videretur. Aliunde (52), forte ex *Palæstina*, *Corinthum* venerant, homines illi Judaicæ stirpe prognati (53), qui, ut solemne iis erat, adversarios sese gesserant Pauli ejusque amicorum. Hujus *Apostoli* auctoritatem quantum fieri posset, imminuere conati sunt, neque Epistolâ audâ, quam ad *Corinthios* scripserat, ad silentium reduxit importunos illos adversarios. Non destiterunt a calumniis suis in eum spargendis; inconstantiam et variam mentem ei objicientes, et obscuritatem in docendi ejus ratione (54). Neque immerito Ju-

ment) *διὰ τὴν τοιαύτην νοήσιν, τὴν ἀπὸ Πέτρου καὶ Παύλου φωνῶν ὑπερβόητον ἰσχυρίαν ὡς καὶ ἀποδείξαι ἐνεπαύθησαν* καὶ γὰρ ἡμεῖς καὶ οἱ τὴν ἱερτικὴν ἀποδείξιν ἐννοούμενοι ἰσχυρῶς ἀντιθέμεθα. A. V. L. Solet quidem hæc traditio falsa haberi, uti sentit etiam Pott l. c. p. 20 sqq., et possunt quidem causæ excogitari multis speciosis, unde hæc narratio originem traxerit; sed nihil est in Dionysii verbis, quod fabulam oleat, neque historici aliquid suppediat, unde probari posset, rem per se accidere non potuisse. Quod bene demonstravit Mynster in *Disput. über den ersten Aufenthalt des Apost. Petrus in Rom.*, inserta ipsius *Kleinen Theol. Schrift.*, p. 153, 154. Denique si probari posset conjectura Michællis, *Eins. T. II.* p. 1022, *Corinthios* sectarum principes hos maxime sibi elegisse, qui baptizaverant ipsos, forte ex eo argumentum derivari posset, Petrum revera *Corinthum* visitasse. Cf. 1 *Cor.* I, 14 — 17.

(52) 2 *Cor.* XI, 4.

(53) Hos, quos Paulus 2 *Cor.* XI, 13. *ἰσχυροὺς καὶ ἰσχυροὺς*, ἡγεῖται *ἰσχυρῶς* vocaverat infra vs. 22. dicit *ἡγεῖται*, *ἰσχυρῶς*, prosepium Abrahami. Cf. Hug l. c. p. 161.

(54) 1 *Cor.* I, 15. II — IV, 1 — 7. XI, 7 sqq. XII, 15 — 17. Cf. Hug l. c. p. 370 sqq.

Judaizantium studiis attribuitur turpissimum illud flagitium, quo aliquis e coetu *Corinthiorum*, omnium incurerat reprehensionem et indignationem, matrimonio ineundo cum noverca sua (55). Alia tamen indicia non exstant, Judaizantes doctrinæ suæ aut moribus offendisse reliquos; et videntur etiam numero *Christianis* et Gentilibus fuisse inferiores. Hi e contrario multa habebant, quæ justæ querelæ materiem his præberent.

Hæc autem opportunitate, non abs re erit monere, *Ethnico-Christianos* subinde quoque nimium dedisse odio, quo in *Judeos* ferebantur; adeoque satis imprudenter sibi induluisse quædam, a quibus *Judæo-Christiani* ex moribus suis summo opere abhorrerent. Ex his, quæ contra tales homines in Epistolis ad *Corinthios* scripsit Paulus, apparet etiam, quam prædenter ab *hierosolymitanis* decreto suo additæ sint conditiones quædam, quibus mutue augendæ concordia gratiâ, adstringerentur Gentiles. Ut sit, modum servare in rebus non optime sciunt homines; liber-

(55) 1 Cor. V, 1 sqq. 2 Cor. II, 6-11. Hoc flagitium vix aliter potest explicari, quam ex opinione *Judeorum*, quæ hic, qui proselytorum in numerum receptus fuerit, novus plane homo habebatur, unde pristinus sanguinis necessitudo talis viri non amplius exstare dicebatur. Hanc opinionem Christianæ disciplinæ professioni applicare poterunt. Vidd. Michaëlis l. c. p. 1065-1067. (qui p. 1023 sq. ex 2 Cor. V, 26, 27. X, 6, 8. coniecere voluit hunc hominem consanguineum Jesu fuisse). Mugl. l. c. p. 364. et cl. y. d. Palm in *Annot.* ad 1 Cor. V, 1. Loca exterorum, unde elucet, apud externos tale consuetum illud fuisse, excipiat Pott ad eundem locum p. 196 sq.

veritas saepius in licentiam et proterviam mutatur.
 Quid mirum, *Christianos* et *Gentilibus*, *videntes*
 conscientiae scrupulos, quibus se vexare solebant
Judaizantes, genio suo indulsisse ansamque dedisse
 accusationibus minime fundamento carentibus,
 quibus ab alter sententibus peterentur? *Christiani*
 nonnulli, qui antea *Judaei* fuerant, inconsiderato in
Judaica instituta odio ducti, eo processerant, ut
 circumcisionis ritum arte quadam celare conarentur (56). Alii epulis sacrifi-
 cialibus adesse haud sunt veriti, neque erubue-
 runt promiscuae omnibus cibis vesci; non attenden-
 tes, num victimis destinati fuissent (57). Hoc
 modo graviter offendeabant *Judaeo-Christianos*.
 Hosce homines increpavit Paulus, non hanc ob
 causam, quod malum quid per se perpetrarent,
 sed quod hac imprudentia fratribus suis offensio-
 nis materiam praeberent. Elucet ex hisce admo-
 nitionibus, tum summa prudentia Pauli, tum
 mentis ejus sublimis et magnitudo, in rebus
adversariis minime subsistentis, hisve prethum quod-
 dam proprium adscribentis. Pauli dicta optimum
 exhibent commentarium in praecepta Decreto Apo-
 stolico comprehensa, ad normam doctrinae puris-
 simae et Christiano homine omnino dignae exactum
 (58). Ex Pauli mente, *Christiano* homini nihil

CA-

(56) 1 Cor. VII, 18. Hoc sacrificium jam antiquum fuisse
 apud *Judaeos* *hinnuqum*, docet locus 1 *Maccab.* I, 25. Leg.
 Post ad locum Paulinum citat.

(57) 1 Cor. X, 20—23. VII tot. coll. Rom. XIV, 20—23.

(58) Cf. Nitsch l. sup. c. p. 404 sqq.

carius, nihil antiquius esse debebat, quam amoris et concordiae inter omnes augmentum. Siquidem controversia agebatur circa causas, summam rei non attingentes, eam non urgeri voluit, sed opinionibus eorum, qui infirmiores essent, quaedam esse cedenda. *Apostolum* tamen nullo modo probare voluisse accommodationem servilem erroribus aliorum circa momentosiores versantibus doctrinas, ipse suo exemplo luculentissime ostendit. Hoc consilio ductus praeceptum etiam dedit de foemina velandis in conventu sacro; contrarium enim offendere debebat *Judaeo-Christianis*, quibus in more fuerat, ut operto et velato capite mulieres in Synagoga admitterent (59). Num etiam studium coelibatus, quem nonnulli *Corinthiorum* nimio extollebant honore, ex odio *Judaismi* ortum sit, admodum dubium nobis videtur, et cogitari possunt multae causae, ex quibus hic error jam mature in *Christianorum* animos introductus esse videtur (60). Neque satis tutum et certum videtur ex eo, quod *Paulus* datâ operâ corpora resurrectionem post mortem demonstret, efficere, *Sadducæorum* opiniones *Corinthis* fautores naetas esse (61). Hoc tamen constat, in Ecclesia *Co-*

(59) 1 Cor. XI, 5, 6 et 10, quem versum explicatum legas apud cl. van Heugel in *Annot. supr.* excip. p. 175—183.

(60) 1 Cor. VII, 1 sqq. De opinionibus primorum *Christianorum* circa coelibatum legi potest quod scripsit Doct. J. Borelius in *Dissert. de primor. homin. Christian. vitâ privata*, p. 54 sqq. et imprimis Neander l. c. P. II. p. 471—488.

(61) *Micheâlis* l. c. p. 1035. 1 Cor. XV. errorem *Sadducæorum* e *Paulo* refelli existimat; hoc duntaxat affirmari poterit,

rinthiaca omnino conspicuum fuisse, quanta malis illa et bellum inter utramque partem *Christianorum* societati attulerit: cum, ut solet esse, et hic inrà et extrà peccetur, et hoc modo germanae Christi doctrinae florem suum et splendorem plus minusve detrahant ipsi *Christiani* (6a).

§. 25. *De coetibus Asiae Minoris, ad quas Paulus in Epistolis respexit.*

Vidimus, opiniones *Judaeo-Christianorum*, quibus Paulus in Epistolis suis se opposuit, eo omnes spectavisse, ut legis Mosaicæ observatio omnibus omnino Christi sectatoribus imponeretur. Unus idemque fuit eorum habitus, et ut ita dicam character *Pharisaismo* plenus. Jam nunc eo pervenimus, ut alia harum opinionum ratio nobis obversetur. Ejusmodi generis sunt errores, quos, in Epistolis suis ad *Ephesos*, *Colossenses* et ad *Timotheum* datis, oppugnat *Apostolus*. Quales hi fuerint errores, difficilius est dictu ob penuriam monumentorum istius temporis, ita ut in loco satis obscuro versemur, quem variae sententiae etiam obscuriorem reddiderunt, et verum non nisi conjecturâ assequi possumus. Ut ordine rem agamus, primum quaedam mone-

bi-

mentionem Cephæ et Jacobi ibid. vi. 5 et 7. non absque ratione a Paulo facti, respectu habito hectorum suae Epistolae. (6a) Ecclesiam *Corinthiacam* diu tumultu agitantem esse, liquet ex Clementis *Romani* ad hunc coetum scripta Epistola. c. 1. a. 44—45. p. 144 sq. 171—174. Cotel.

bimus de coetibus *Asiae Minoris*, quae hic in censum veniant; dein opiniones falsas, quibus se opposuit Paulus, contemplabimur; quarum fontem et originem tertio loco indagare conabimur.

Secundo suo itinere, et maxime tertia sua peregrinatione, Paulus diu commoratus est *Ephesi* (63), quae fuit urbs *Asiae Minoris* istis temporibus florentissima multisque frequentata peregrinis, mercaturae et religionis causâ illuc confluentibus (64). Primum pro more suo in *Judaeorum* Synagogam se contulerat; tribus vero mensibus elapsis, hujus gentis contradictionum et obstinatae mentia pertaesus, cum Christi sectatoribus ab iis secessit, et sedem fixit in scholâ cujusdam Tyranni, ut videtur, Graeci doctoris (65). Hic doctrinam suam exponens tot nactus est fautores, ut fama *Apostoli* ejusque factorum ad circumjacentes pervolaret regiones. Tandem populari tumultu exorto, *Ephesum* reliquit (66). Quamvis successu satis prospero hic

usus

(63) *Actus*, XVIII, 19 — ad. XIX, 1 sqq. Acciderant haec intra annum 85 et 96 a C. N. Vid. Bausage *Annali*, p. 658 sqq.

(64) Strabo, L. XIV. c. 1. p. 177. *Ephesum* emporium vocat omnium maximum, quae in *Asia* intra *Taurum* reperiuntur. Ad culebratam et florem hujus urbis augendam, quam maxime inserviebat templum illud nobilissimum Dianae sacrum. Quantum prodesset sacer quidam locus, quo religionis causa commovere solent populi, ad incrementum mercaturae, antiquarum imprimis nationum docuit historia. Cf. Michaëlis, *Asiae Regi*, T. I. p. 195.

(65) *Actus*, XIX, 9, 10.

(66) *Actus*, XIX, 29 sqq.

usus fuerat Paulus, metum a se amovere non potuit, ne post abitum ejus in Ecclesiam surreperent falsi doctores, qui externo habitu inter-nata mentis pravitate, verae Christi doctrinae exitium afferrent (67). Quod mentis suae lapsuatum praesagium cum presbyteris *Ephesinis* communicavit, ultimum tristeque vale, iis dicens.

Cum coetu *Ephesino* aliae duae ecclesiae *Asiae Minoris* conjungi debent, situ et indole sua necessitudine quadam ei affines, ubi cum ipse affuerit Paulus pro certo affirmari nequit; coetus *Colossensis* scilicet et *Laodiceus*. Ad hos *Apostolus* Epistolas scripsit, quarum unam *Colossensibus* inscriptam adhuc legimus (68). Haec Epistola magnam habet similitudinem cum alio scripto Pauli, quod nomen *Ephesiarum* in fronte gerit. Num recte, aliis dijudicandum relinquimus. Quidquid statuitur, coetum *Ephesinum* spectari etiam in hac Epistola, satis tuto sumere possumus (69).
Quod

(67) *Act.* XX, 29—31. Neque enim excogitari potest, cur Paulus tam vi admonerit Presbyteros *Ephesinos*, nisi jam tunc temporis vestigia ibi deprehenderit quorundam errorum, verae doctrinae contrariorum.

(68) De urbe *Colossarum* et de tempore, quo ad hanc urbem Ecclesiam scripsit Paulus. vid. Hugl. c. p. 409, 410.

(69) Scilicet si sententiam sequimur horum virorum doctorum, qui putant hanc Epistolam Encyclicam esse, inter Ecclesias, quibus destinata fuerat, certissime *Ephesianam* referri posse, nemo dubitabit. Undenam autem vulgaris oris fulmen in scripto? Fuisse litteras encyclicas admodum probabile nobis videtur; argumenta hic repetere nolumus, quae post alios exposuerunt Hugl. c. p. 404—408 et Koppe in *P. of. ad interp.* Epist.

quos auctor harum *Epistolarum* respexit, unde aliquis non sine ratione statuit, conditionem coetuum *Asiae Minoris*, quod ad doctrinae Christianae depravationem attinet, unam fere eandemque fuisse. Sed quid hoc ad nostri argumenti tractationem jam faciat, quæret forsitan aliquis. Nimirum, ut conjecturae nostrae auctoritatem nanciscamur, illud, quod ex *Epistolis* Paulinis ad *Ephesios*, *Colossenses*, et *Timotheum* de opinio-

In *Epist.* ad *Timotheum* etc. viz. enim definit potest in illis quid politicus color, quid rei ipsius expositio sit dicenda. Sed hoc tenemus, vltia, quibus illae Ecclesiae laborasse dicuntur, ejundem fuisse generis. Cf. interea loca *Apocal.* II, 2, 6, 14, 15, 20, III, 4, 9. Fortasse hoc loco aliquis nos de secta *Nicolaitarum* dicimus esse, existimat. Sed quid de his statendum sit, nescire nos ingenuè fateamur. Qui hujus rei, variis tenebris obscure, expositionem doctam variarumque sententiarum enarrationem legere cupit, adeat *Buddeum* l. c. p. 365—407. qui sectam quandam hujus nominis revera extitisse putat; hujus opinionis antecessorem habuit *Mosheim* in *Biblioth. Bremens.* class. I. fasc. 4. p. 38a sqq. *Contrariam* sententiam, quæ Ecclesiae *Patres* omnia, quæ de *Nicolaitis* tradiderunt, ex male intellecto loco *Apocalypsis* derivasse dicuntur, commendat lege ab *Elchhornio* in *Comment. in Apocal.* Vol. I. p. 75—81. Medium quasi viam ingreditur *Neander* l. c. p. II. p. 774 sqq. In legendis hæc scriptis, ubi de derivatione nominis a *Nicolaso Diacono* agitur, conjectura nobis in mentem venit, hujus denominationis causam querendam esse in odio quorundam *Judæo-Christianorum*, qui, nomine sancto *Nicolaitarum*, atro carbone notatorum, *Nicolaum* illum *Dionem Prostelyum Antiochenum* striperunt, ut hæresiarchæ munus sustineret. Nomen enim *Antiochiæ*, ubi primum *Ethnico-Christiani* Judaizantium consuevit obstitisse, satis invidiosum esse debuit ipsis. Hoc deinde alii exornarunt, ita ut fabula inde mitteretur, qualis exstat apud *Clement. Alex. Strom.* Lib. III. p. 532. et *Euseb. Hist. Eccl.* L. III. c. 29.

nionibus falsis repetemus, in universum referri posse ad varias Ecclesias *Asiae Minoris*, quae in *Ionia*, *Lydia*, et *Phrygia* reperiuntur.

§. 26. *De opinionibus per Asiam Minorem dissipatis, quas Paulus improbat.*

Videamus jam, quanam sint opiniones, contra quas se opposuit Paulus, in scriptis supra memoratis. In Epistola, quae ad *Ephesios* inscribitur, magna sermonis vi et elegantia lectoribus suis Paulus demonstravit, quomodo Christus ejusque disciplina parietem quasi et sepimentum, quo gentes a gentibus antea intercludebantur, disjecerit, et pacem et concordiam inter omnes instauraverit. Legis Mosaicae observatio necessario efficere debuit, ut Judaica gens a ceteris separaretur gentibus. Haec obsoleta, nihil erat, quod gentiles etiam a bonis, *Messias* regno propriis, percipiendis retineret. Ad eundem gradum per Christum elatae sunt gentes; civium Dei et familiarum nomine insigniri debent, quo honore ante Christi tempora tantummodo gaudebant *Judaei* (73). Ex hoc Pauli ratiocinio luculentissime apparet, *Ephesi* vel aliis in coetibus affuisse *Judaeco-Christianos* nimis abjecte sentientes de juribus Gentilium, jam ad Christi castra perductorum.

Colossenses autem monet Paulus, ne fucum fieri sibi paterentur ab inanibus philosophiae cuius-

(73) *Ephesi*, II, 8 — 22.

jusdam sic dictae placitis, quae traditionibus humanis et primis rudimentis innitebantur. Per rudimenta illa (*στοιχεῖα τοῦ νόμου*) intelligi videtur observatio rituum Mosaicorum (74). Proxima saltem sequens oratio Pauli satis docet, cum respexisse nimium illud studium, quo Judaizantes *Christianos* legi Mosaicæ obstringere voluerunt, et observationem illis inculcare praeceptorum, circa cibos et festa solemnia *Judaicorum* versantium (75). Sequitur mox admonitio, ne aliquis ipsos circumveniret et deciperet *ἐν ταπεινοφροσύνῃ καὶ ἡλικίᾳ τοῦ ἀγγέλου*, quibus verbis obscurioribus innuere videtur *Apostolus*, cultum quemdam Angelis concessum, neglectâ religione, quam verus *Christianus* Deo soli et Servatori debebat.

Ad dilectum suum scribens *Timotheum*, subinde Paulus mentionem fecit doctorum quorundam falsorum, qui *Ephesinam* Ecclesiam, cuius cura *Timotheo* demandata fuerat, turbare et infestare jam coeperant. Describuntur illi, fabulis et genealogiis infinitis se delectantes, inanibus verborum certaminibus aniam dantes, nomen et auctoritatem legum peritorum sibi arrogantes, cum tamen ipsi nescirent, quid dicerent, quid affirmarent (76). Porro *Apostolus* fateatur discipulo suo

in-

(74) *Coloss.* II, 8. coll. *Gal.* IV, 3 et 9. Ex his, quae Paulus scripsit *Coloss.* II, 11 — 14. contra Judaizantes eum pugnare, liquet.

(75) *Coloss.* II, 11, 21, 22.

(76) 1 *Timoth.* I, 3 — 7. coll. *Tit.* III, 9. unde efficitur, etiam in insulam *Cretam* ejusmodi errores se dissipasse. Quid

in-

instare tempus, quo orirentur doctores quidam, perditissimis moribus, sed externa honestatis specie pravitatem suam occultantes, qui religionis magnam partem ponerent in abstinentiâ a quibusdam cibis, coelibatum praedicantes, et summis laudibus corporis continentiam (*γυμνασίων συμπατικῶν*) extollientes (77). Monet igitur Timotheum, ut evitet profanas illas et vanas disputationes et altercationes *τῆς ψευδοδύμου γνώσεως* (78). Ejusmodi doctores in alterâ aut ad Timotheum Epistolâ atro notat carbone, eorumque imaginem, ut hominum variis sceleribus obrutorum, delineat (79). Mentionem etiam facit Hymenaei cujusdam et Philetî, qui resurrectionem mortuorum jam locum obtinuisse nugati fuerant, explicatione forte quadam allegoricâ hujus dogmatis adhibitâ (80).

§. 27. *De peculiari genere Judaeo-Christiani-
ismi, Ecclesias Asiae Minoris infestante.*

Haec maxime sunt, quae ex hisce Pauli Epistolâs de erroribus Ecclesias *Asiae Minoris* infestantibus haurire possumus. Sed nunc oritur
quae-

intelligi debeat per *γενελογίαν ἀνδρῶν* difficilis dicam est. Legg. quae monuit Heinrichs in nota ad 1 Tim. I, 4, et Buddeus l. c. p. 582—591.

(77) 1 Tim. IV, 1—3, 7 et 8.

(78) 1 Tim. VI, 20, 21.

(79) 1 Tim. I, 11, 1—p. coll. Tit. I, 10 sqq.

(80) 1 Tim. II, 17, 18, coll. 1 Tim. I, 20. Vid. Buddeus l. c. p. 598 sqq. ubi copiose de daebus illis haereticis agit.

quaestio difficillima, quo nomine hae opiniones insigniendae sint. Huic quaestioni tertio loco qualemcumque responsionem dare conabimur. Hoc in antecessum monemus, non adeo certum esse et indubitatum, omnia illa, quae mox congesimus, ad eosdem pertinere homines. Ut solet accidere tempore quodam, cum novae quaedam opiniones fautores nanciscantur, nihil mirum, has opiniones novis aliis invicem ortum dedisse, quae magis aut minus inter se discrepantes eodem in loco reperiantur. Hinc sequitur, temeritatis culpa absolvi non posse, qui uno nomine omnes has opiniones comprehendere conetur, ita ut, quae minus ei convenire videntur, interpretatione quadam huic doctrinarum corpori adaptet.

Re bene perpensa, hoc primum tenemus, in hisce locis Paulinis sermonem esse de *Judaizantibus* quibusdam doctoribus. Ejusmodi homines certe in mente habuit *Apostolus* in Epistola ad *Ephesios*, dicens de dignitate aequali, qua *Ethnico-Christiani* censendi essent. Huc referri etiam debent, quae ad *Colossenses* scribit de iis, qui traditionibus innixi praeceptorum cibariorum et festalium observationem *Christianis* imponere velent (81). Haec omnia *Pharisaicum*, uti cum in praecedentibus contemplati sumus, satis superque probant. Deinde tamen alia addit, quae minus hujus sectae indoli convenire videntur, exempli gratia, quae de *θηραια τῶν ἀγγέλων* monet, quibus *Essenorum* vestigia inesse non sine ratione quis

(81) *Ephes.* II, 8—22. *Coloss.* II, 8, 11.

quis suspicaretur (82). Quae de illis doctoribus in *priore* ad Timotheum habet Epistola, coelibatum extollentibus et corporis exercitationem et abstinentiam praedicantibus, egregie cum huius sectae placitis conveniunt (83). Nil mirum itaque, omnia, quae hisce loca Paulus dixit, nonnullos, contra *Essenos* dicta esse, existimasse (84). Sed ne calculum huic sententiae adjiciamus, maxime effecit observatio, studium illud, quo doctrinam suam propagarent, eique in urbibus majoribus fautores acquirerent, minime quadrare in homines illos, qui vitam solitariam agere solebant, et quam maxime a commercio aliorum

(82) *Coloss.* II, 18. Solebant enim *Esseni* novitos suos iurejurando adstringere, ut servarent nomina Angelorum. Vid. Josephus *de Bell. Jud.* I, II, c. 12. p. 786. G. Neque improbabili est conjectura, eos religione quadam persecutos esse Angelos, quos *poetras* inter hominem et Deum summum habuerint. Ceterum de placitis huius sectae leg. Pridesux I. c. T. II, p. 498 sqq. ubi loca classica de *Essenis* agenda Josephi et Philonis, descripta sunt et explicata. Clericus, *Hist. Eccl.* p. 16—20. Neander I. c. P. I, p. 57 sqq.

(83) Praeterea severa illa observatio institutorum Monachorum et Sabbathi impemissis, satis convenit sectae *Essenorum*. Vid. Josephus I. c. p. 787 B, C.

(84) Hoc multis probare studebat Michaëlis L. c. p. 1030—1035, qui p. 1036, causam quaerit in Apollō doctore *Alexandrino*, cui *Essenismi* fautores in Ecclesiam admitti essent. Quod tamen jure reject Helrichs in *Prot. ad I Epist. ad Timoth.* p. 12 in nota. Ille tamen in universum probat suo suffragio Michaëlis sententiam, cautioe addita „Paulum „Invenit esse in tales homines, qui externam *Essenicam* vitam sanctimoniam mentiti, revera scelerissimi erant et flagitiosissimi homines.”

rum se abstinere. Neque historia satis firmis probat argumentis, hoc hominum genus per *Asiam Minorem* ita propagatum fuisse, ut magnum detrimentum ab iis expectandum esset (85).

Aliam viam itaque alii ingressi sunt, et attendentes ad mentionem τῶν ψευδοῦντων γυνόντων (86) a Paulo factam, de seetis illis *Gnosticorum* cogitarunt, quae maxime seculo secundo Ecclesiam Christianam commoverunt. Si quis existimet, quasdam sectas, quales deinde apparuerunt, *Apostolorum* jam aevo Christianam doctrinam depravasse, facile quis ei contradicet. At vero si quis praefracte neget, pristino illo seculo vestigia hujus *Gnosticismi* exstisse, veremur, ne quid cupide magis quam vere asserere conetur. Etenim cum *Gnostici* doctores sua placita non adeo exogitaverint, quam quidem ex philosophia qua-

(85) Plura argumenta contra Michaelis sententiam debite Auctor libri *Uebersicht der Gnostikergelehrten* ecc. supra citati T. I. p. 476—479.

(86) 1 Tim. VI, 20. Hinc omnia, quae contra falsos doctores disputat Paulus, *Gnosticos* spectare nonnulli putarunt: ut Hammondus, qui ubique fere vestigia horum doctrinae exculpsit. Ex hac interpretatione *γενεσιγενῶν*, de quibus agit Paulus 1 Tim. I, 4. de *Gnosticorum* *Academiis* explicari solet. Sed ut fieri solet, nimis saepe fuerit viri docti, in quaerendis et explicandis similitudinibus, quae inter *Gnosticos* recentiores, et illos, quos Paulus increpat, exstiterint. Locus tamen Paulinus ubi *ψευδοῦντων γυνόντων* mentio exstat, ejusmodi est, ut nulli dubitemus accedere celeberrimo Palmio ad b. l. scribentis. „Ex hoc loco apparere, jam tum affuisse semina *Gnosticismi*, quidquid contradixerint alii, dicendo ea obtegere conantes: et hos, qui errores ejusmodi fovebant, nomen sibi arrogasse τῶν γυνόντων per excellentiam sic dicere.“

dam (87), cujus praecipua jam aderant capita, concinnaverint, nescimus, cur non hujus philosophandi ratio patronos invenire potuerit jam aevo *Apostolorum*. Joannem autem *Apostolum* subinde in scriptis suis respexisse opiniones, quales deinde in systematis quasi formam redegerint *Gnostici*, nondum negare auderemus (88). Quidni et Paulus tales doctores ob oculos habuerit? Sed ne diutius in hac quaestione variis disputationibus nobilitata, moremur, nostram sententiam, quatenus ad argumentum nostrum faciat, peritiorum judicium disquisitioni subjecimus (*9).

Vi.

(87) *Gnosticae* doctrinae, uti cuique in oculis incurrit, cum opinionibus jam antiquius per *Asiam superiorem* dissemulatis, usquam habuerunt similitudinem: neque casus aut fortunae coeae adscribenda conveniunt, quam reperimus inter veterum *Persarum* doctrinam religionis, et Dualismum vario modo expressum a *Gnosticis*, clarissimum vero in lucem protractum a *Manichaeismo*. Neque tamen vestigia difficile eruvuntur, unde necessitudo appareat, qua juncti etiam sunt *Gnosticismus*, *Platonismus*, et *Judaismus* quidam, *Alexandriae* et in *Asiae* parte quadam obvia. Cf. Nasdars l. c. P. II. p. 63a sqq.

(88) Multum dictum est et pugnatum de consilio, quo Joannes scripserit; qua de re legatur Kuinoelius in *Prot. in Evang. Joan.* p. 43—60. ubi variis hoc de argumento scripta recensentur, et sententiarum instituitur examen. Nobis autem quam maxime placuit cl. Palmii sententia, qua statuitur Joannes omnino respexisse varios errores suo tempore obvios *Gnosticismi*, *Docetismo* alioque simillimos, illaque se opposuisse. Hac ratione egregie variae sententiae, saepius nimio studio defensae vel oppugnatæ, in concordiam redigi possunt. Vid. quod movit vir summus in *Praefatione interpretationi Evang. Joan. praemissa*, passimque lo *annotat.* ad Cap. I.

(89) Postquam hanc meam sententiam jam licetis mandaverum, legere mihi contigit *Commentationem* eruditissimam ab

Her m.

Videtur in *Aid Minori* orta esse quaedam secta Judaizantium, (de nomine, quo insigniatur, pugnare nolumus), quae cum studio legis et religionis Mosaeicae, philosophiae quamdam rationem iungebat, intricatis disquisitionibus imprimis absolutam (90). Quae artibus quibusdam magicis operam dabat, et mysticismi cujusdam colorem et speciem contraxerat. Ejusmodi homines affuisse *Ephesi*, ex stirpe Judaica prognatos, qui magicis artibus se tradiderant, ipse enarrat *Lucas* (91), qui addit, Christianae doctrinae efficaciam factum esse, ut nonnulli vanorum pertaesi artificiorum, libros, qui de magia agebant, collegerint et igni tradiderint. Exinde jure conficimus, *Ephesinos* satis fuisse proclives, ad tractandas has disciplinas inanes, quae splendido laborum colore imprudentibus fucum facerent, et merito Paulum

Herm. Agathone Niemeyer (Augusti Hermannii filio) conscriptum de *Ducis Hilar* 1823. ubi eandem propositam vidi opinionem et probatam, de duplici Judaizantium genere, quorum errores impugnet Paulus in *Epist. ad Coloss.* *Ephes.* et *Timoth.* p. 22—26. quae omnino legantur.

(90) Nemini mirum accidit, necessitudinem intercessisse inter Gnosticismum et Judaizantium, primo obnotu, toto caelo sibi oppositos. Scilicet, si modo attendat ad rationem doctrinae, quae apud *Judaeos Alexandrinos* obtinuit, qualem cognoscere licet ex scriptis Philonis, facile demonstrari potest, *Gnosticismi* vestigia et hic jam reperiuntur minime obscura. Vidd. Neander, *Genetische Entwicklung der Gnostischen Systeme*, p. 3—27. et H. A. Niemeyer, p. 15—20.

(91) *Actor*. XIX, 13 sqq. *Ephesini* artes Magicas imprimis amabant. Cf. Philostratus in *vita Apollion*. Tyan. L. IV. c. 5. et Plutarch. *Symp. quæst.* L. VII. quærit. 5. quem locum descripsit Hog h. c. p. 429.

Q

lum monuisse discipulum suum, ut hisce erroribus obicem poneret. Mystica illa philosophia, *Judaeorum* scriptis adhibita, miras inde interpretationes protrahere debuit; vera cum fabulis anilibus commiscens et somniis ingenii humani se tradens, immersit se obscuris ambagibus verborum, unde extricari tandem se ipsa non potuerit (92). Haec ipsa philosophia indole suâ et naturâ ansam dedit corporis humani contemptui et rerum externarum sensus afficientium fugae. Unde continentia quaedam (*ἀσκησις* vocant) nimis extolli solebat laudibus. Quae omnia quam nociva fuerint germanae Christi doctrinae, quisque, nobis tacentibus, videbit (93).

§. 28. *De Judaeo-Christianismo Romae dissipato.*

Jam tempus est, ut cursui nostro per singulas terras ubi antiquissimae fuerunt Ecclesiae, turbis et litibus Judaizantium exagitatae, finem imponamus. Nihil nobis restat, quam ut oculos conijciamus in plagam Occidentalem, ubi *Romana*
Ec-

(92) Quam absurdus commentus de litteris et verbis sacrae scripturae somniasi sint *Catholici*, non uno nomine cum Gnosticis componendi, vid. apud Basnage, *Histoire des Juifs*, Vol. III. p. 311 — 338. Uterius comparandi Paulina dicta in hac Epistola cum magna illa philosophia, quae eo tempore multos nactus est fautores, citum nobis fecit Huglius, qui multis hoc demonstravit, et totius hujus doctrinae rationem explicuit, testimoniorum auctoritate adductâ, l. c. p. 421 — 432.

(93) Cf. Reinhard, *System. der Christ. Moral*, T. IV. p. 389 sqq. Edit. 5. Stuttgart.

Ecclesia eadem nobis suppeditabit vestigia *Judaismi* cum *Ethnico-Christianis* litigantis. Inaspiciamus hoc consilio Epistolam Pauli nobilissimam ad hunc datam coetum, et hoc cum fecimus, redibimus ad Ecclesiam *Hierosolymitanam* unde orationis curriculum identidem nos abduxit.

In urbem *Romam* notitia doctrinae Christianae per *Judaeos* primum pervenisse videtur, qui popularibus suis nonnullis persuaserunt, ut in numerum Christi sectatorum se conferrent. *Judaei*, qui magno satis numero *Romam* habitabant, inter liberos hujus urbis clives fautores nacti fuerant; imprimis mulieribus horum sacra placebant (94). Sponte sua sic Christi disciplina e Gentilibus fautores acquisivit. Sed, ut plebique primis factum est temporibus, *Judaei* et *Christiani* eodem numero habebantur. Unde accidit, cum Imperator Claudius, frequentibus *Judaeorum* tumultibus permotus, hos ex urbe migrare jussisset, ut Christi sectatores Judaica stirpe prognati ejusdem calamitatis fierent participes (95). *Ethnico-Christiani*, qui immunes fue-

rant

(94) Vid. Juvenal. Sat. XIV. vs. 96 seqq. Ovid. *Art. Am.* L. I. vs. 76, 818. Joseph. *Antiq.* Lib. XVIII. c. 5. narrat historiam meconne *Romanos* nobilis a *Judaeo* quodam misere deceptae. Veterator ille, studium legis mentitus, ad Judaicam religionem eum perduxerat, et societate facta cum tribus aliis ejusdem farinae hominibus, ei persuaserat, ut pretiose dona ad templum *Hierosolymitanum* mittenda ipsi daret; haec vero omnia in usum suum retinuerunt. Re tamen divulgata, omnes *Judaei* a Tiberio *Roma* pelluntur.

(95) Patet hoc exemplo Aquilae *Act.* XVIII, 2, qui jam

rant Imperatoris edicti, partim observatione verae suae religionis indolis permoti, partim odio ducti, quo erga *Judaeos* ferebantur, gentem superbientem suis privilegiis, Inque turbas et tumultus prouocantem, magis magisque se a fratribus separare coeperant. Deinde, postquam Romam redire contigerat *Judaeis*, eo pervenit utriusque partis, quae Ecclesiam *Romanam* efficiebat, mentis aversio, ut Paulus, antequam ipse *Romam* adiret (96), necesse duceret, hac de re Epistolam scribere, qua ad mutuam concordiam *Christianos* incitaret.

Idem status fuit hujus coetus, quem vidimus adfuisse in aliis Ecclesiis, maxime vero in coetu *Galatarum* (97). Judaizantes opiniones sibi peculiare de observatione legis deque juribus suae gen-

Christi disciplinam amplexus esse videtur, antequam *Corinthum* veniret. Cf. Hug l. c. p. 392. Claudil edictum, quo *Judaei* tumultuantes *Romae* pelluntur, memorat Suetonius atiam in *Claud.* c. 25, loco celebratissimo. Quo anno hoc factum sit, non addit, neque satis accurate definiri potest. Vidd. yarisae sententiae apud Basnage *Annali*, p. 649. Si quidem sumatur eodem anno accidisse, quo, referente Tacito *Annali*, L. XII. c. 52, mathematicos ex *Italia* migrare iussit Claudius, habebimus hujus Imperii annum 12. Neque multum huic sententiae refragabimur, si eventuum seriem in *Aetorum* libro consideremus. Annus aerae vulgaris redibit 52 vel 53.

(96) Iter *Romanam* facere apud animum construxerat Paulus. Vid. *Aetor.* XIX, 21, et *Rom.* XV, 23—28. Ex quorum locorum comparatione, satis certo tempus Epistolae scriptae definiri potest. Scilicet anno *Neroniani* regni 8^o, C. N. 60, cum Paulus adhuc *Corinthi* versaretur. Plura debet Hug l. c. p. 395 399.

(97) Vid. supra dicta §. 6, 21, 22.

genti propriis, propagare contenderant. Sed etiam fuerunt, quales jamprehendimus in *Corinthiorum* societate (98), inter *Ethnico-Christianos*, qui inconsiderate offensionis materiem fratribus suis praeberent, et invidiosius sentirent de *Judeis*, quos a Deo plane rejectos esse statuebant.

Necessarium igitur fuit, ut Paulus utramque partem meliora doceret, et averteret ab opinionibus suis hic illic nimio studio defensis. Demonstrat autem Paulus, nullum discrimen coram Deo adesse inter Gentes et *Judeos*, hos aequae atque illos praemiis aut poenis dignos censi secundum vitae suae rationem (99). Circumcisionem, quae adeo superbiebant *Judaei*, nihil prorsus esse, nisi accedat morum emendatio, hanc si Gentes prosequantur, meliores omnino esse *Judeis* inani ritui innitentibus nihil ipsis profecturo nisi virtutis fiant studiosi (100). Deinde exemplo Abrahami contra Judaizantes eadem ratione utitur, atque in Epistola ad *Galatas*, et doctrinam suam, tantummodo homines salutis fieri posse participes per fidem Christo habitam, Mosaicæ legis observatione exclusâ, multis verbis adornat et commendat; orationis impetu abreptus, et rei ipsius dignitate et sublimitate divinâ adeo permotus, vir eximius neque cuidam mortalium aequiparandus, excurrit in descriptionem bonorum, quae per Christi-

(98) Vid. supra §. 22.

(99) Rom. II, 9 sqq.

(100) Rom. II, 25—29. III, 1 sqq.

Christum humano generi concessit favor divina (101). Hic exsultat ipsius oratio, fervet et ardet, et eloquentiae minime vulgaris sibi crexit monumentum. Jam hinc rediens luget sortem popularium suorum miserrimam, et desiderium suum ardentissimum, ut ipsi ad saniores redeant mentem, profitetur (102). Sed acquiescit in Dei voluntate, summo amore et benevolentia omnibus salutis opportunitatem offerentis (103). Monet deinde *Ethnico-Christianos*, ne nimium abjecte de Judaeo populo sentiant, necessitudinem, qua hi cum illis junguntur, illustrat comparatione oleastri olivae insiti, et apem denique se fovere ostendit, fore, ut olim *Judaeorum* miserrima conditio, in meliorem et laetiores convertatur (104). In posteriori Epistolae parte hortatur *Romanos*, ne unus alterum damnet et negotia faceretur, si in rebus minoris momenti dissentiret. Mutui amoris et concordiae augmentum multum praestare dicit observationi rerum ἀδιαφθέρων, in quibus hic vel illic, ob opinionum suarum mediocritatem aliquid poneret pretii (105).

Hacc

(101) *Rom.* IV — VIII.

(102) *Rom.* IX, 1 — 3. X, 1. De indole Pauli egregie ejusmodi in locis expressa leg. Niemeyer, *Charakterkunde*, T. V. p. 368 sqq.

(103) *Rom.* IX, 6 sqq.

(104) *Rom.* XI.

(105) *Rom.* XIV, 1 sqq. De modo prudentis et sapientis pleno, quo hic utitur Paulus, egregie egit Chrysostomus, *Homil.* 25. in *Ep. ad Rom.* ἀδελφὸς τοῦτο ἐ ποιεῖς Παῦλος μὴ μόνον ἀναγκάσει θανάτου εἰ καὶ ἀναγκάσει, καὶ θάνατος οὐκ εἶναι τοῦ θανάτου ἀνάγκη ἀναγκάσει, καὶ οὐκ ἔστιν ἄλλος θάνατος ἀναγκάσει

Hæc sunt argumenta, quæ Epistola circa *Judaismi* propugnatores continet, neque ejusmodi sunt, ut diutius in iis exponendis versemur. Eodem enim fere redeunt, atque illa, quæ Paulum in aliis suis scriptis tractaverat. Argumento nobis sunt, unde colligere possimus, quam late propagata fuerint semina *Judaismi*. Quantum scimus, primis temporibus nulla fuit Ecclesia sive in *Asia* sive in *Europa*, quam non saltem pro parte infaustum illud studium legis Judaicæ turbavit et infectit. Paulus, ubicunque veniret, lucem sibi et certamen videbat præparatum cum *Judaizantibus* neque tamen mentis ipsius vigor et alacritas frangebatur, ita ut segnius pro *Ethnico-Christianis* pugnaret. Ardor ejus cum ingruente crescebat periculo. Impavidus ancipiti bello obvium procedebat, monendo, hortando, minando, docendo, bonæ causæ augmento et flori instans. Tandem succubuit scelerato clivum suorum furori. Virum divinum, quem *Judæi*, *Christianorum* nomen mentiti, per omnem vitæ cursum vexaverant et exercuerant indignissimo modo, *Judæi Hierosolymitani* feratim in modum corripunt, et morti cruentæ tradere conantur. Vix horum perditorum hominum rabiei ereptus, a

Re-

παρεστῆκεν, καὶ ἐπὶ τοῦ καυτοῦ τοῦ παρασκευαζομένου τοῦ πυρὸς ἐπαυθῆναι ἐπέσπευκε, καὶ τὴν καύσαν ζυγαρὴν ἐκδέσσειεν κ. κ. κ. Ἐκ τούτου ἀνέστη οὐλοῦν, καὶ οὗτοι λαοὶ τὸν ἐνσταλμένον τοῦ πυρὸς ποτὶ τοὺς οὐρανούς αὐτοῦ ἐπέσπευον. Dignissimus est, qui legatur in acutè ipsius explicatione totius loci, quam edidit nuper vir celeb. van Voorst in J. Chrysostomi, *Selects*, Vol. I. p. 452—475.

Romanis in vincula conjicitur, *Romam* mittitur, ubi post aliquot annos capitali poena affectus vitam gloriâ aeternâ splendenter gloriosâ morte finivit (105).

Sic cecidit firmissimum religionis Christianae propugnaculum, illustrissimum ejus ornamentum. Sed superstites ipsius laboris fructus veram et germa-

(105) Quo anno mortem subierit Paulus, examinavit Mynster in Dissert. *de Ultimis annis muneris Apostolici a Paulo gestis*, inserta ipsius *Kleine Theol. Schriften*, p. 236 sq. et statuit hoc obtinuisse Anno 67, Neroniani regni 13. Hoc si sumatur, verba Clementis *Rom. in Ep. ad Corinth. c. 5. p. 149*. Cotel. Paulum martyrium subisse *in vâs hypocaustus*, commode referri possunt ad praefectos, qui dum Nero ipse hoc anno in *Gracid* versaretur, urbi praerant. Sed forte alii magis placebit conjectura, qua statuitur *hypocaustus* illos fuisse praefectos, qui post Neronis mortem, ante Galbae adventum *Romam*, rebus praefecerant. In usum adhiberi potest temporis notatio ab Eusebio in *Chron. ad ann. 62*, ultimum Neronis annum, quem sequitur Clericus l. c. p. 417. ad Neronem tamen ipsum referens moris sententiam in Paulam pronunciatam. Hoc tenemus, si mors Pauli ad tempus maturius referatur, Clementis verba testis minime spernendi, magnam creare molestiam vix tollendam. Cf. Basnagii explicatio satis contenta, quam proposuit in *Annali. T. I. p. 739*. Mynster l. c. p. 191 sqq. contendit, Paulum bis *Romae* fuisse captivum, quae opinio ab Eusebio *Hist. Eccles. L. II. c. 25*. jam accepta, multis viris doctis placuit, uti L. Caspello l. c. p. 89 sqq. Michaëli, *Einl. T. II. p. 1117*. Hug l. c. T. II. p. 128. Bertholdt T. V. p. 2745 sqq. et alii. Negant vero alii, uti Mosheimius in *Comment ad i. Tim. II. 2—p.* Helaricha in *Proil. ad II Ep. ad Tim. p. 124* sqq. Wagenaar l. c. p. 324 sqq. Haselaar l. c. p. 163 sqq. Hodie, plerumque, quod ad hanc questionem, mos obtinuit apud viros doctos, Paulum *semel* modo in carcerem conjiciendi.

manam divinae doctrinae naturam servarunt ab interitu. Vigent ipsius Ingenii Illustrissima documenta literis consignata, non uno seculo profuturis. Quod dum hisce in terris versabatur, ipse adspicere non potuit, post mortem ejus aliud conspexit aevum et eventum felicissimo comprobatum est, quod ipse de veri convictus efficaciam triumphoque illustri, augurari sustinuerat: *ὁ μὲν τοι σπερδὲς θεμελίος τοῦ θεοῦ ἱστῆται!*

§. 29. *De coetu Hierosolymitano ab Apostolis deserto, Jacobi curae mandato.*

Cum Paulus ultimâ vice *Hierosolymam* visitabat, *Christianos* ibi minime mutatos deprehendit ab eo, quod antea fuerant, legis *Mossicae* studiosos. Quamvis satis comiter a *Jacobo* et presbyteris Ecclesiae recipiebatur, occultare hi ipsi non potuerunt, quam male audiret ipsius nomen *Hierosolymis*, ubi legis *Judaeorum* desertor, et gentilium patronus dicebatur. Consilium ei dederunt, ut se accommodaret opinionibus *Judaeo-Christianorum*; fecit Paulus, sed quam infelici successu, aciunt omnes (107). Hac autem opportunitate, ad argumentum nostrum pertinere duximus, quaedam in medium asferre, de conditione *Hierosolymitani* coetus, ultimo tempore, quo haec urbs incolumis stetit, et de praeside hujus Ecclesiae

(107) Vid. *Actar.* XXI, 17 seq.

siae Jacobo, medium quasi locum inter *Paulinos* et *Judaizantes* occupante.

Mitior illa res contemplandi ratio, quam *Apostolis* in conventu solemniter congregatis, placuisse vidimus, non multos fautores nacta esse videtur in ipsa Ecclesia *Ierosolymitand.* Nec mirum nobis accidit; etenim *Judaeo-Christiani*, qui eam efficiebant, vix ullum commercium habuerunt cum fratribus suis e Gentibus. In ipsa sede *Mosaici* cultus habitabant, neque Paulum vel similem ei apud se habebant, qui praedicatorum opinionum vim infringere posset: vigeat apud illos *Judaeo-Christianismus* toto suo ambitu, neque externarum rerum efficaciam labefactatus. Identidem, ut fit, opiniones illae firmabantur, et quod de successu religionis suae inter gentes audiebant, non valebat ad persuasionem, cui se emancipaverant, evertendam. Hisce omnibus, quae ex ipsius rei naturâ, et eorum conditione peculiari sequebantur, hoc imprimis accessit, quod *Apostoli Ierosolymam* reliquerint et in alias regiones se contulerint. Videntur hi viri per annos aliquot in urbe mansisse, neque longe ab ejus circuitu discessisse. Si audiamus traditionem, quae jam antiquitus apud *Christianos* invaluit, per annos duodecim manserunt *Ierosolymis*, Jesu mandato obtemperantes (108). Per se haec tradi-

(108) Clemens Alex. Strom. L. VI. dicit, Petrum haec verba Jesu ad Apostolos retulisse: *habe piam aemulam domum vestram in Jerusalem, ubi estis et ubi servatis legem et prophetas, ubi estis et ubi servatis legem et prophetas, ubi estis et ubi servatis legem et prophetas.* *Matth. 23. 37. ubi dicitur: ubi estis et ubi servatis legem et prophetas.*

ditio nihil absurdi continet; sed si eam accipere velimus, necesse est, ut statuamus, non omnes *Apostolos* simul abisse, vel quosdam subinde rediisse. Etenim in conventu *Hierosolymitano* Petrum et Joannem affuisse vidimus (109). Quidquid hac de re statuimus, hoc affirmare possumus, eo tempore, quo Paulus *Hierosolymis* in vincula coniectus est, neminem *Apostolorum* ibi amplius fuisse, nisi Jacobum, qui num proprie *Apostolus* dici possit, mox inquiremus. *Apostoli* igitur, muneris sui, quo a magistro divino ornati fuerant, memores, alias peragrant regiones, Euangelii annunciandi causâ. Quid fecerint, ubinam locorum pervenerint, quomodo vitam clausierint, incertum est, nisi ea, quæ de Joannis fati et Petri morte agunt, et fortè pauca alia excipere mavis (110). Hoc altum historiae

si-

quo ad idem, sed ex alijs, ubi indicatur. Fabricio in *Cod. Apoc.* N. T. p. 331* verosimile videtur, Clementem hoc habuisse ex antiquiore quodam Petri. Similia narrat Euseb. *Hist. Eccl.* L. V. c. 18. p. 189 sqq. ex Apollonio scriptore aculi a exentis. Cf. Planck l. c. p. 189 sqq. Quod dicit Paulus *Gal.* 1, 18. de multum *Apostolorum* vidisse *Hierosolymis*, nisi Petrum et Jacobum, haud minus favet huic traditioni, si nempe quis al. litteram eam sumere velit.

(109) Vid. supra §. 16.

(110) Qui ejusmodi fabulas legere cupit, evolvat opus Pseudo-Abdias, cui titulus, *Historia Apostolica*, in 10 libros digestum, editum a Fabricio in *Cod. Apoc.* N. T. p. 402. sqq. In discernendo vero, quod ejusmodi fabulis inesse videtur, multum operæ adhibuit M. H. Mohlenberg in *Dissert. de virg. et factis Eccles. Christi, in India Orientali, Hefanus* 1822. p. 24 sqq. 45 sqq.

silentium campum latissimum aperuit seriori aevo, in quo ingenium fabulis indulgens, iisque saepe quam maxime insulsis, exerceret, risumque moveret peritioribus rerum iudiciis. Ineptis hisce loco suo relictis, ex iis, quae certiores sunt, rerum statum nobis proponere conemur.

Cum autem *Apostoli* non amplius *Hierosolymitano* aderant coetui, *Judaizantium* studium in dies accrescere debuit. Nam eorum protectione ex urbe, ultima remota fuerunt repagula, quae insanum hunc animum imperum retinere potuerint. *Christiani* sorti suae relictis magis magisque aese confirmarunt in opinionibus suis, et qui meliora sentiebant, horum mentem immutare hand valuerunt: neque adeo ipse *Jacobus*, quamvis eum mentem suam egregie circa quaestionem toties agitatam expressisse audivimus, in conventu illo solenni.

Jacobus ille, cujus sentiendi modum supra nomine insignivimus *Petrinae* rationis, principem locum in *Hierosolymitano* ecclesia obtinuisse videtur. Vulgo nomine *fratris Domini* appellatur (111). Quod num de fratre proprie sic dicto, an de consanguineo accipi debeat, multum disputatum est ab antiquo, et adhuc disputatur. Eadem obscuritate laborat alia quaestio, num *Jacobus* ille idem habendus ac *Jacobus Alphaei* filius, cujus nomen in catalogo duode-

cim

(111) *Gal. I.* 19. *Josephus Antiq. Jud. L. XX. c. 3.* p. 698. B. *Hegesippus* apud *Euseb. Hist. Eccl. L. II. c. 23.* p. 50.

cim *Apostolorum* exstat, an vero ab eo diversus sit (112)? Neque spatium, nec mens nobis est, hanc in arenam descendere, in qua viri summi frustra saepe virium suarum experimentum fecerunt. Satiis duximus hujus pugnae et certaminis spectatores agere, quam temere nobis hic vel illi vexillo adjungendis, plus vulnorum quam palmarum ex acie nobis comparare. Hoc tantum di-

(112) Qui putant, Jacobum germanum fuisse Jesu fratrem, provocare solent ad loca *Matth.* XIII, 55, 56. *Joan.* VII, 1—10. *Matth.* XII, 46—50, neque negari potest, hisce locis magnam laesse probabilitatem huic sententiae faveatorem, et loca Josephi et Hegesippi mox citata pondus huic opinioni adjuvant mihi spernendum. Imprimis locus *Act.* I, 14, minus faveat illi, qui fratres Jesu eodem habent, quorum nomina inter *Apostolos* numerantur. Sed qui Jacobum eundem habent atque *Alphaeidem*, adeoque *Ἀλφαι* latiori accipiunt nozione, suae opinioni praesidium petere possunt ex locis nonnullis *Act.* ubi eodem numero Jacobus cum aliis *Apostolis* recensetur. Multum hoc facit locus *Gal.* I, 19, ubi dicitur inter *Apostolos* a Paulo nominatur: et mirum certe est, tria nomina Jacobi, Simonis et Judae tum exstare in catalogo *Apostolorum*, tum dari fratribus Jesu, si quidem illi diversi habendi sint. Cf. *Act.* I, 13, et *Matth.* XIII, 55, quamvis haec oppositio solutione carere non videtur. Prior sententia magnam peritiam nectit est Herderum in libro *Briefe zweener Brüder Jesu in unserm Canon*, A. 1775, quem secuti sunt Niemeyer, *Charakter*, T. V. p. 587 seq. et Herz, *Lehre, Thesen und Schicksale unserer Herrn*, P. II, p. 85. Posteriori plerisque viroorum doctorum placuit, quorum nomina lege apud Pott, qui in *Edit. a. Epist. Jacobi* haec accessit p. 80, 81, et copiose argumenta ab utraque parte allata disposuit et accurate examinavit. Eandem sententiam auctoritatis suae pondere confirmantem audivimus virum celeb. VAS VOORT in *Dissert. Introductioem ad Interpret. Epist. Jacobi complacentibus*, Sect. II, §. 1.

dicendum putavimus, si quidem Alphaci filius nosterque Jacobus unus sint idemque, sponte sequi, eum *Apostolum* nuncupari posse. Cui vero distinguendi videntur, hic nobis facile condonabit, si *Apostoli* nomine eum salutamus; nam si hujus vocis notionem non nimis urgeamus, nomen hoc quoque possit dari ei, qui tantâ auctoritate, *Apostolorum* simili, inter *Iherosolymitanos* florebat.

Quamvis bene tenendum censuimus, recentioris aevi hierarchiam minime esse referendam ad prima *Christianorum* tempora, tamen quam maxime probabile, nisi certum aestimamus, Jacobum primum locum in Ecclesiâ *Iherosolymitanâ* obtinuisse. Hoc nomine in *Actis Apostolorum* proponitur. Nam Petrus ex carcere liberatus, Jacobo nominatim nuncium hujus eventus afferri jubet; Jacobus in conventu Apostolico sententiam suam dixit, tanquam talis vir, cujus suffragium multum valeret. Cum Paulus presbyteros *Iherosolymitanos* visitat, reperit ipsos in aedibus Jacobi. *Judaizantes* porro illi, qui *Antiochiam* venerant, legatorum Jacobi nomen prae se ferunt. Paulus ipse eum aequè ac Petrum, et Joannem *εὐδαιμον* appellatione ornat (113). Unde efficiamus, Jacobum ob merita sua, et sanguinis vinculum, quo cum Christo ipso jungebatur, *Christianis Iherosolymitanis* imprimis

ca-

(113) *Act.* XII, 27. XV, 13 seqq. XXI, 18. *Gal.* I, 19; II, 9, 11.

carum fuisse, eorumque gratiâ et favore gavisum esse. Primo tempore auctoritatem, quam inde habebat, divisam tenuisse cum aliis *Apostolis*, imprimis Petro: postquam vero hi omnes urbe excesserant, tacito quasi consensu Jacobo primas partes in Ecclesiâ delatas fuisse. Nihil mirum itaque, recentioris ætatem, ex loquendi suâ ratione, Jacobum *Episcopum Hierosolymorum* dixisse (114).

§. 30. *De Jacobo mitiori Judæo-Christiano favent.*

Jacobus Ecclesiæ *Hierosolymitanæ* sedi, adeo et matri *Judæo-Christianorum* præfectus, horum causæ satis profuisse videtur. Quamvis nolumus eum in horum numerum referre, qui Judæicæ legis observationem *Ethnico-Christianis* obtrudere vellent, sentiendi ejus ratio tamen ejusmodi fuit, ut *Judæo-Christianis* multum fa-
ret

(114) Euseb. *H. E. L. II. c. t. p. 30.* narrat, Jacobo Episcopatum Ecclesiæ *Hierosolymitanæ* traditum esse, citato loco ex Clem. Alex. *Hypotyp. L. VI.* Hegesippus apud Euseb. l. sup. c. Episcopatum eum tenuisse dicit, *perâ vñ dæmonium*, quem Hieronymus in *Catal. script. Ecclesiastic.* T. I. p. 170. Edit. Francof. A. 1604. perperam reddidit *post Apostolos*; merito eum hanc ob causam carpente Rufino, Jacobum adeo a Christo jam creatum esse Episcopum, narrat Chrysostomus, *Homil. 38. in Epist. I. ad Corinth.* Auctorem fuisse traditionem asserit ex Pseudo Clem: *Recognit. L. I. c. 43. p. 407. Coelester*, ubi Jacobus dicitur *Ordinatus a Domino in Episcopum*, quocum conveniunt *Constitut. Apost. L. VIII. c. 35.*

ret, et quod ad ipsos attineret, quaestionem solveret ajendo. Ipse enim suo exemplo praebat, Judaici cultus observator perpetuus.

Hoc ni fecisset, tanto favore apud totum populum *Judaicum* non gavisus fuisset, quem ei obtigisse tradit Hegesippus, neque honorifico cognomine *Justi* eum donavissent cives *Hierosolymorum* (115). Deinde cum picturam hujus viri, quam

(115) Hegesippus apud Euseb. l. c. *ἀλλ' οὐ γὰρ τὸν ἡγεσιπποῦ τῆς συναγωγῆς αὐτοῦ, ἀλλὰ τῆς ἀλφειῆς καὶ τῆς ἡρακλεῖας ἐστὶν ἡλικίας* *ἡγεσιπποῦ τοῦ λαοῦ καὶ συναγωγῆς, ἀπὸ τοῦ ἀποστόλου Παύλου ἀπὸ αὐτοῦ*. Obscuritate laborat vox illa *ἡλικίας*, quam ipse Hegesippus non bene intellexisse videntur: nam quomodo simul *ἡγεσιπποῦ τοῦ λαοῦ* et *ἡλικίας* notare poterit, non assequor nisi illud *ἡλικίας* pro ulteriori explicatione praecedentis habere velis. *ἡλικίας* a Scaligero componitur cum *ἡλικ*, ἡ *ἡλικ* sed, uti bene monet Basnage, *Annal.* T. I. p. 430. non solvit Hegesippi interpretationem. At vero recte a Scaligero in meliorem explicationem duemur, dicente ortam esse vocem a *ἡλικ* *ἡλικ* quod melius responderet Graecis *ἡλικ* *τοῦ λαοῦ*. Fugere etiam, qui pro *ἡλικίας* legendum esse putarent *ἡλικίαν*, uti Nic. Fullerus (vid. *Vsien. in notis ad Euseb.* p. 35. B. C. et Fabric. *Cod. Apoc.* p. 600 sq.) comparans cum Hebr. *הִלְכָּה* *ἡλικ* sed vulgaram lectionem non esse sollicitandam, tum docet constans lectio *ἡλικ* *ἡλικ* etiam apud alios, uti Epiphani. *Haeres.* 78, tum interpretatio ejus, quae vulgo huic voci additur. *ἡλικ* autem proprie de colle dicitur, deinde vero in nomen proprium abiit, significans *collem in parte Orientali montis Sionis monumento circumdatum*. Cf. a *Chron.* XXVII, 3. XXXIII, 14. *Nehem.* III, 27. Unde facile cognomen Jacobi apud populum oriri potuit: β *autem* et *ω* inter se permutari posse, quisque novit. Quod Hegesippus addit *ἀπὸ αὐτοῦ* illustrari potest ex his, quae deinde addit *καὶ ἡρακλεῖας τῆς γυναικὸς, τῆς τοῦ ἡρακλῆος γυναικὸς* *ἡρακλεῖας τῆς ἡρακλῆος* a. v. h. p. 51. D. ubi

quam ille scriptor satis antiquus reliquit, contemplamur, quamquam hujus delineationis colores hic illic minus probos et vero consentaneos esse, facile concedimus (116), Jacobum vix Christi cultorem, sed potius *Judaeum* videri possumus, *Essenismi* placitis addictum (117). Hujus sectae opinionum vestigia in Epistola, quam ab eo exaratam adhuc legimus, nonnulli viri docti sibi reperisse videntur (118). Num bene sic statuerint, dubium nobis est; sed hoc tenemus, comparatis inter se, quae traditio historica de Jacobo tradit, et quae lectio hujus Epistolae unicuique facile suppeditabit, Jacobum fuisse germanum *Judaeo-Christianum*, optimae quidem notae, quippe qui medium tenebat inter rationem

Ja-

respectu ad locum *Jes. III, 10*, de cuius loci *Græcæ* lectione cf. Fabric. l. c. p. 605. in *notæ*.

(116) Accerrime in hunc locum invehit est Scaliger in *notæ ad Chron. Hieron.* cuius argumenta repetiit et adstruxit Clericus l. c. p. 414—419. ubi tamen nimis contradictionis vestigia facile reperies.

(117) Vel si mavis, depingit eum Hegesippus ut *Naazææ* vero adstrictum et quidem per omnem vitæ cursum. Quod porro de Jacobo dicte hic scriptor, ei soli licitum fuisse in sancta templi penetralia introgredi, admodum dubiae fidei est. Alii hanc fabulam adhuc augere conati sunt, ut Epiphanius *Haeres. 20*, qui sacerdotem fuisse Jacobum, et *ad Apoc.* quod legitur in loco Hegesippi apud Euseb. l. c. mutavit in *ad 2^{am} Apoc.* Hieronymus etiam in *Catal. Script. Eccles. l. c.* habet *sancta sanctorum*.

(118) Hæc comparationi operum dedit, præeunte Augustino, Pottius in *Proleg. ad Ep. Jac.* p. 104 sqq., ubi loca ex hac Epistola componit cum illis, quae Josephus et Philo de *Essenorum* placitis tradiderunt: neque omnia convenientia denegari potest.

S

Judaizantem et Paulinam; sed qui eodem tempore inscius quasi et involuntarius rei Christianae damnum asferre potuisset, nisi divinâ providentiâ malum fuisset averruncatum.

Paulo cum infensum fuisse, et hanc ob causam προλεπτικῶς Epistolam scripsisse, minime statuimus. Hujusmodi consilium neququam a viro expectandum erat, qui ipse causam egerat *Ethnico-Christianorum*, et Paulum ipsum fraterno amore recipere consueverat. At vero plane ei suffragatum esse in proponendâ Mosaicæ religionis dignitate et pretio et in vindicandâ libertate *Ethnico-Christianorum*, nobis persuadere non potuimus. Ultro quidem damus, Jacobum in Epistolâ suâ contra abusum, cui nonnulli ex *Ethnico-Christianis* se tradiderant in adhibendâ doctrinâ Paulinâ, verba facere eumque impugnare, sed hoc tamen tenemus, quemadmodum scripsit Jacobus non scribere solere hominem, cui primum est ac præcipuum aliis parcere famae. Non casu fortuito factum est, Jacobum iisdem sæpe verbis uti, eandem argumentandi viam sequi contra *Pseudo-Paulinos*, quam ipse Paulus tenuerat *Judaizantibus* contradicens (119). Uterque quidem scriptor verum vidisse statuimus, sed, ut fit, varia esse potest via, qua ad illud tendimus.

(119) Cf. *Jac.* II, 27 seq. cum *Rom.* IV, 1. et *Gai.* II, 6 seq. *Jac.* I, 34 cum *Rom.* V, 1. *Jac.* IV, 4. cum *Rom.* VIII, 7. *Jac.* IV, 12. cum *Rom.* XIV, 4. Neque convenientiam inter loca *Jac.* II, 25. et incerti auctoris ad *Hebr.* XI, 31. negare possumus. Leg. Hug l. c. p. 513 seqq.

mus, et differre debet utriusque expositio secundum variam contemplandi rationem, quae unicuique propria est.

Attentione dignum est, totum Jacobi Epistolae argumentum versari in praeceptis morum inculcandis; nihil fere ab eo dici de meritis Christi, deque gloria ejus coelesti, qua post abitum ejus e terrâ ornatus est, quales descriptiones quavis fere paginâ in Pauli occurrunt scriptis, neque ab Epistolis *Petrinis* absunt (120). Stili etiam *Jacobi* color, magis quam aliorum, *Hebraicam* dicendi rationem exprimit; imaginibus delectatur et floribus Orientalem plagam spirantibus (121). Ille illie se evehit ad veterum vatium sublimitatem et majestatem (122). Omnium maxime, si Joannem excipias, dicendi genus ipsius ad Jesu loquendi modum accedit; neque in fratre Domini imitationis cujusdam vestigia obscuranda aut neganda, quae ad divini sui exemplaris fastigium, sed inaequali gradu, sese extollere conatus est.

Denique nihil rei ipsius naturae magis consentaneum, quam ut praefectus coetus *Judaeo-Christianorum* ad fratres suos extra *Palaestinam* disper-

SCS

(120) Quod ad doctrinam a Petro propositam de Jesu ejusque meritis attinet, leg. Doct. G. Rultenschild in Dissert. in locum 1 *Pet.* I, 3 — 12. p. 103 sqq.

(121) Vidd. loca *Jac.* I, 10, 11, 15, 23, 24. III, 3 — 6, 31, 12. IV, 14. V, 7 cct.

(122) Insuet. omnium hic locus gravissimus *Jac.* V, 1 sqq. ubi antiquum vatem audire potes.

sos Epistolam ulteret (125) Horum salus maxime ei cordi esse debuit, ne forte abusu doctrinae *Paulinae* in devia abriperetur, *Judaica* stirpe prognatis indigna. Hos cum spectet, multo facilius sunt ferenda, quae, si *Ethnico Christianis* proposita fuissent, invidiosiora in Pauli fuissent auctoritatem inque malam partem accipi potuissent.

Ex lectione tamen Jacobi Epistolae, quantumvis per se egregiae, locoque, quem occupat, dignissimae, simul nobis cogitatio aubita, quam bene consultum fuerit rei Christianae, primis temporibus virum exstidisse, qualem se praestitit Paulus. Ille fecit indefesso suo labore, quod Jacobus *Judaeo-Christianis* favens nunquam facere potuisset: nam ejusmodi sentiendi rationi, qualla fuit *Judaizantium*, *Paulina* opponi debebat; non vero mitior quaedam, nimium eorum desideriis concedens. Gravi autem malo vehementius adhibendum est remedium; igne ferroque est utendum, ubi vulnera vitam minantur. Talis fuit conditio *Christianorum* a *Judaizantium* opinionibus infestata, tale requirebatur auxilium, ut veneno in dies crescenti obviam iretur. Hoc si

te-

(125) Constat ex Jacobi Epistolae inscriptione, *καὶ Ἀδελφοὶ καὶ οἱ ἐν Ἱερουσάλημ*, eum scripsisse ad *Judaeo-Christianos* extra *Palaestinam* degentes. Distinguitur *Ἱερουσάλημ* in *Arlotticum* et *Græcicum*, hanc *Alexandriam*, illam *Babylonem* metropolin habentem. Vid. Hug. l. c. p. 512, 513. Num peculiares Ecclesiae quaedam ob oculos habuerit, vix definiri potest. Vid. Pott l. c. p. 117 126.

tenemus, nemo iudicium nostrum de pretio scripti Jacobi iniquius censebit; et quamvis dolemus circa hanc Epistolam viro, qualis fuit Lutherus, tam triste excidisse iudicium, facile tamen ei hoc condonabimus, reputantes, egregio illi Sacrorum Instauratori idem impositum fuisse, quod Paulus sustinuerat, scilicet ut eidem pestiferæ sentiendi rationi inter *Christianos* se opposueret, qualem impugnasse vidimus suâ ætate jam ipsum *Apostolum*.

CAPUT QUARTUM.

DE JUDÆO-CHRISTIANISMO AB ALTA
SEDE SUA DETURBATO ET LETHALI
AFFECTO VULNERE.

§. 31. *De vi et efficacia, quam exserere
Judæo-Christianismus in rem Christia-
nam necessario debuit.*

Vidimus jam, qualem ortum habuerit *Judæo-Christianismus*, quomodo cum contrariâ ei sententiâ luctam et controversiam exercuerit, quousque in Christi societate pervenerit, ut vim suam et efficaciam in eam exsereret. Hujus opinionis historiam per ævum *Apostolorum*, quantum fieri potuit, persequi conati sumus, neque aliud nobis restat, quam ut, antedicta in summam redigentes, describamus, quid necessario e cominibus fautorum hujus sententiæ in Christi disciplinam redundare debuerit, et quidnam præcipue ansam dederit, ut *Judæo-Christianismi* vires, maximâ parte saltem frangerentur et efficaciam suâ privarentur.

Ne-

Nemini certe dubium videbitur, *Judaeo-Christianismum* in rem Christianam magnam vim exserere potuisse. Quid autem effecerit, praecedens nostra disputatio, historicis demonstravit argumentis; et res ipsa docet, non aliter eventum obtinere potuisse, quam quidem locum habuit. Primum enim hoc maxime observatu dignum est, *Judaeo-Christianos* magnâ auctoritate gavisos esse in omnem Ecclesiam, ob antiquitatem et honorem coetus *Hierosolymitani*. Haec fuit, uti supra jam diximus, mater omnium Ecclesiarum, quae identidem per alias terras condebantur. Omnium aetatum experientia docuit, quantam vim exserere soleat in hominum animos, nominis cujusdam antiqua nobilitas, et gloria. Quemadmodum seriori aevo celebratum *Romae* nomen, quamvis hoc magis ex monumentorum ruinis, pristinique aevi memoriâ alte sonabat, multum contulit ad hujus urbis Episcopi honorem et imperium augendum, sic *Hierosolymorum* celebritas et venerabilis hujus urbis sanctimonia in civium partem redundavit, qui Christi castris sese adjunxerant. Suspiciebant cultus paterni sedem, quotquot *Judaeorum* nomine appellabantur, neque veneratio ista ex *Christianorum* animis subito evanescere potuit, quibus haec urbs tot tantasque ob causas cara esse debuit; et sacra vitae fata ei gesta optimi *Servatoris* audire non poterant, nisi cum illis *Hierosolymorum* mentio jungeretur. Illic cruentam subierat mortem, illic postea in vitam redierat, illic fundamenta fuerant jacta societatis Christi.

Christianae, auspiciis Deo et Christo, *Apostolorum* operâ et indefesso labore.

Horum deinde virorum auctoritatem *Judaeo-Christiani* in usum suum convertere poterant. Nulla enim Ecclesia tam diu horum vocem audiverat, quam *Iherosolymitana*. Cum autem de doctrinâ quadam quaestio ageretur, quid magis rei consentaneum habendum esset, quam suffragia colligere horum *Christianorum*, qui ipsos *Apostolos* tam diu docentes audiverant. Exemplum hujus rei illustrissimum conventus ille *Iherosolymitanus* exhibuit. Et hoc ejusmodi erat, ut datâ opportunitate, Judaizantes ad illud possent provocare, et hujus auctoritatis pondere aliter sentientes ad assentium redigere. Quantâ auctoritate autem Ecclesia quaedam Apostolica gaudere potuit, serioris aevi docuit historia. Seculo secundo cum de quadam re disputatio orta fuerat, sententia cujusdam Ecclesiae, quam *Apostolus* quidam condiderat, magno pondere praedita erat. Hoc nomine coetus *Romanus* jam ab *Irenaeo* celebrabatur (1). Quidni statuamus, eodem modo egisse *Judaeo-Christianos*, et ecclesiae suae

Apo-

(1) In loco celebratissimo Lib. III. c. 3. „Ad hanc ecclesiam propter potiorum principatuum necesse est, omnem convenire ecclesiam etc.” de quo loco leg. Neander l. c. P. I. p. 318 sq. Irenaeo imprimis adnotatum fuisse, in refutandis haereticis, provocare ad traditionem Ecclesiae Apostolicae vel ad doctores, qui *Apostolos* audiverant, luculenter apparet ex fragmento Eplatae ejusdem ad Florinum scriptae, quod servavit Eusebius, *Hist. Eccl.* L. V. c. 20.

Apostolicae jactavisse auctoritatem, quando aliquis difficiliter ab opinione sibi propria discedere vellet.

Denique huc accedebat arctissimus nexus et necessitudinis vinculum, quo *Judaismus* cum Christi jungebatur doctrinâ. Discrimen magnum, quod revera inter utrumque aderat, facillime potuit obscurari et e conspectu amoveri a calidiore quodam doctore, ut imprudentibus fucum faceret. Talibus scrupulum injicere potuerunt, ne forte nimium detrahendo de laude Mosaeicae religionis, invidiosius ageret in ipsam Christi disciplinam, illi quasi superatractam et insitam. Ab alterâ parte etiam interdum sic peccarunt, ut incaute agendo ansam darent cavillatoribus dicentibus, *Christianos* e Gentilibus pristinam superstitionem et pravos mores miscere velle cum Christi institutione. Huicce agendi rationi plane oppositus erat *Judaismus*, unius Dei doctrinam, morumque integritatem praedicans. Quanto facilius hujus fautores strenui in partes suas trahere debuerunt *Christianos*, quibus nihil magis fugiendum videbatur, quam Gentilium vita et mores dissoluti. Scripta Sacra *Judaorum* legi et adhiberi solebant a primis Christi sectatoribus. Hisce modo operam dederunt, cum nondum exstabat corpus scriptorum ab *Apostolis* horumque discipulis exaratorum, quo, fontis instar et normas, uti poterant. Ex frequenti illo usu scriptorum *Judaorum* plura in doctrinam Christianam pervenerunt, quae non attendentes ad temporum hominumque discrimen in novam disciplinam importarunt.

T

Quae

Quae cum ita sint, sponte sequitur, *Judaeo-Christianismi* eam fuisse naturam et rationem, ut magnam omnino efficaciam exserere debuerit. Quibusnam in rebus haec efficacia constiterit, jam enucleatius videbimus.

§. 3a. *De iis, quae effecti Judaeo-Christianismus in doctrinam Christianam.*

Primum et praecipuum, quod hic in censum venit, ipsa est *doctrina Christiana*. Nota ejus characteristicae haec dici potest, eam omnes omnino homines spectare, sine discrimine aetatis aut gentis. Quid vero in Judaica cernimus religione? Hic regnat ubique, ut ita dicam, *Particularismus* quidam, uni modo genti primas partes in religione sua concedens; quas sentiendi ratio quam contraria sit indoli Christi doctrinae, vix dici potest.

Hujus rationis vestigia satia superque apparuerunt in *Judaeo-Christianis*, et hoc nomine horum conamina magnam noxam doctrinae Christi germinante attulerunt. Duo enim conjungere tendunt, quae revera inter se pignatitia dici possunt. Adstringentes cultores Christi institutis, quae aliis hominibus vana aut molesta videbantur, cohibuerunt, ne hi accederent societati, indole quidem doctrinae suae unicuique se commendanti, additamentorum vero mole Gentiles absterrent.

Porro Judaicae religionis natura non apta fuit hisce temporibus, cum Christi disciplina primum sectatores suos nancisceretur. Quod in do-

ctri-

etrinā a Jesu *Apostolicus* propositā, sublimitate suā nativā et puritate se commendabat, a crassis imaginibus, quibus *Judaei* istā aetate delectabantur, obscurabatur et quasi ab altā suā sede in terrarum umbram et squalorem detrahebatur. *Judaico-Christiani* divinas Evangelii doctrinas, non attendentes ad imaginem, qua proponebantur, et rem ipsam, quam depingere debebant, per ineptam suam rationem verā earum naturā spoliaverunt. Quod volumus, exemplo illustremus, ex ipsā Christianae doctrinae historā deprompto.

Chiliasarum somnia, quae tandiu fautores invenerunt in Ecclesiā, ex *Judaico* fonte derivanda esse, nemini facile dubium videbitur (2). Veterum prophetarum lectio, qui gentis Judaicae futuram felicitatem variis imaginibus depingere solebant (3), lineamenta ipsis suppeditare debebant, quibus gaudia regni istius millenarii proponere solebant. Ratio autem *Paulina* minime ejusmodi somniis favebat, hiis enim *Apostolus* in descriptionibus suis regni Christi, futuraeque beatitudinis sic versari solebat, ut ipsius Servatoris mentem quam accuratissime exprimeret, his verbis conceptam: *ὅτι ἰσχυροὶ ἡ βασιλεία τοῦ θεοῦ μετὰ παρατηρήσεως* — *ἡ βασιλεία τοῦ θεοῦ ἐν τῇ ἡμῶν ἰστίᾳ* (4).

Pri-

(2) Cf. Schmidt l. c. T. I. p. 166, 222.

(3) Loca quaedam ex V. T. jam notavimus supra §. 8.

(4) *Loc. XVII*, 30, 31. Doctrinam Pauli, regnum Christi vovale describentem ex variis locis ipsius scriptorum, delineavit Gieseler in *Archiv.* l. c. p. 315 sq. Idem vir ac-

Primis temporibus *Chiliasmus* maxime suos fautores apud *Judaeo-Christianos* invenisse videtur. Neque nos hoc gratis sumere, exinde apparet, quod eandem opinionem etiam deprehendimus apud *Ethiopes* (5), tempore Hieronymi. Haec autem secta, in qua antiquae Ecclesiae *Hierosolymitanae*

tissimas, reliquos *Apostolos Chiliasmus* magis fuisse existimat p. 317. Quo referendum etiam putat, quod de cocli terraeque insurrectione habet Petrus in 2 Epist. III, 10 aq. ubi mox addita mentio Pauli, 15, 16. ad verum hujus dogmatis proponendi rationem indicandam, interservire ei videtur.

(5) De *Ethiops et Nazareis*, ut dicuntur, data opera nunc non igitur. Perincent potius ad tempora tempora, et sensus duximus, ne haec nova disputatio nalis in motum crederet, hujus argumenti uberiores tractationem in aliud rejiceret tempus. Quae subinde jam nunc de his monemus, peculiari consilio struenda, scilicet ut sic efficacia, quae *Judaeo-Christianos* adscribenda est jam primis temporibus, clarius in luce ponatur. Ceterum hic edscribere lubet nomina scriptorum recentiorum, quorum scripta de *Ethiops et Nazareis* gentis, perustrare nobis condigit. Clericus *Hist. Eccles.* p. 476 aq. 535 aq. Bezae *Annal.* T. II. p. 7—9. Buddeus l. c. p. 480—550. (ubi perspicua et copiosa enumeratio veterum variarum de hoc argumento sententiarum) Mosheimius, *Comment. de rebus Christi. ante Constant. M.* p. 172 aq. Schröckh, *Kirchengeschichte* T. II. p. 315—320. Anonymus (Leurwein) in libro *Ursprung der Goddienstverehrung* cet. T. I. p. 98—101. Gibbon, *History of the decline etc.* T. II. p. 273—278, (qui egregia pro more suo exhibet monita), J. E. C. Schmidt l. c. T. I. p. 229—235. Neander *Geschichte der Christ. Relig. etc.* P. II. p. 603—627. et in *Genet. Entwicklung der Christ. Syst.* p. 361 aq. cui imprimis multa me debere fateor. Data opera argumentum tractavit, omnesque alios post se reliquit Gieseler in *Archiv.* supra cit. l. p. 507 aq. Non sine fructu legi possunt Michaëlle, *Einleit.* §. 132. T. II. p. 854 aq. et H. Olshausen, *Die Echtheit der 4. Evangelische Evangel.* Regiom. 1832. p. 38—90.

nae, aliorumque coetuum *Judaeo-Christianorum* cernimus reliquias, etiam hac in re originem suam Judaicam manifestam reddebat. Hieronymus autem pluribus locis, cum contra *Chilistas* disputat, *Judaeos* et *Judaizantes* illos excitat, qui effata prophetarum de futuro aureo seculo ad litteram interpretabantur (6). Mentionem etiam subinde facit *Judaeorum* et *nostrorum Semijudaeorum*, qui auream atque gemmatam de coelo expectant *Hierusalem* (7) et discrete ejusmodi sententiae fautores nominat *Ebionistas* (8). Et omnino auctoritas Hieronymi, qui tamdiu in *Palaeestina* versatus est, hac in re magni ponderis est habenda (9).

Chi-

(6) Hieronym. *Comment. in Esaiam*, Cap. XI. T. V. p. 43. ad *Es.* XXXV. p. 120.

(7) Hieron. *ibid.* in Cap. LX. p. 190.

(8) Hieron. *ibid.* in Cap. LXVI. p. 47. „*Judaei et Judaici erroris haeredes Habbionidae, qui pro humilitate semper nomen pauperum susceperunt, omnesque mille annorum decem stellas praesolantes, equos et quadrigas et rhodas etc.* (Quorum mentio fit in loco Jessajano) sic intelligunt, ut scripta sunt.” Vid. et prooemium lib. XVIII. in *Esaiam* p. 253, 254. Quid vero expectaverint in regno millenario hi homines, indicat Hieronymus variis locis, quos excitavit Gieseler l. c. p. 204, 205.

(9) Gieseler l. c. p. 191. locum Irenaei L. c. 26. „*Quas autem istae propheticae curiositates exponere nituntur de Chilismo Ebionaeorum explicari posse existimat, quia Irenaeus mox addit, „nil et Hierosolymam adorant, quasi domus sit Dei.” Sed adeoquid dubium nobis videtur. Concedimus quidem, illud curiosius non nimis durum fuisse, sed cum ipso Irenaeus *Chilista* fuerit, dubitamus adhuc vehementer, num hoc vocabulo usus fuisset, si de *Chilismo Ebionaeorum* cogi-*

Chiliasmus autem etiam inter ceteros *Christianos* diuturno viguit tempore. Seculo secundo inter ejus patronos nomina satis celebria occurrunt Papiæ, Justin Martyris, Irenæi. *Montanistarum* sentiendi rationi multum debuit hæc opinio; quid mirum itaque, Tertullianum idem somniasse somnium. Sed doctores *Alexandrini*, quibus imprimis multa debet doctrinae Christianæ ulterior elaboratio (10), *Chiliasmo* prae ceteris interitum creaverunt, ita ut post seculum quartum medium inter Ecclesiae doctores contraria sententia defendi soleret (11). Sed nostri argumenti ratio non sinit, ulterius in hunc campum devagari. Monita sufficiunt ad probandum, quod diximus, *Judæo-Christianismum* magnam vim exseruisse in doctrinam Christianam, ita quidem, ut tandem post longum temporis in-

ter-

tasset. Magis nobis placere possit explicatio horum verborum satis obscurorum, quam proposuit Neander, *Genet. Entwicklung* etc. p. 390 sq. Vult enim, Irenæum locutum esse de nimis curâ, qua *Ebionæi* notas veri prophetæ inquirere et definire solebant. Hanc tamen suam explicationem minus sibi deinde placere ipse confessus est vir clarissimus *Geschichte der Chr. Rel.* P. II. p. 615 sq.

(10) Scholæ *Alexandrinæ* proprium erat et peculiare, quod a Neandro dicitur, „Eine Idealistische Richtung, und geistigere wissenschaftliche Auffassungsart der Christliche Glaubenslehre.“ Quam definitionem Latinis verbis clare interpretari non possumus.

(11) Brevem historiam *Chiliasm* lege apud Gibbon l. c. T. II. p. 296 sqq. et Neandrum, *Geschichte der Christ. rel.* P. III. p. 1080 — 1096. Cf. et Schmidt l. c. p. 222 sq. 224 sqq. 292 sq.

vator in hominum prodiit frequentiam. Probant hanc sententiam ipsae *Apostolorum* orationes, in quibus coram populo de Jesu vitā agunt. Causam exinde facile invenimus, cur *Ebionaei* isti adhaeserint opinioni, Jesum fuisse filium Josephi et Mariae (13). Hoc nomine ipse Christus a popularibus suis salutabatur (14). Neque cogitandi ratio, quam sequebantur *Ebionaei*, ejusmodi erat, ut ipsis videretur, se hoc statuendo injuriosius agere in religionis auctoritatem, cujus sectatores se esse profitebantur (15). Neque tamen omnes *Judaeo-Christiani* hanc foverunt sententiam. De *Nazaraeis*, qui dicebantur seculo quarto, satis certum esse videtur, ip-

508

(13) Vidd. Tertull. de *carne Christi* c. 14. de *virg. vel. c. 6* de *praescriptis haeret.* c. 23. Origenes, *Homil.* 17. in *Lucam*. Euseb. H. E. L. III. c. 27. p. 70. Cf. Gieseler l. c. p. 290 sq. Inde partim studio ductus Alexander *Alexandriae* Episcopus, Arium Ebionis erroribus favere, scribit in *Epist.* apud Theodoretum, *Hist. Eccles.* L. I. c. 4. p. 15. Edit. *Mogunt.* 1699.

(14) *Juan.* VI. 42.

(15) *Judeaei* enim, qui *Messiam* expectabant ex stirpe *Davidica* ortum, magis erat pretii, postquam Christiani facti erant, demonstrare, Christum Davidis esse abnepotem. Necessario itaque sequebatur, eum verum fuisse hominem. Quod semper ois oculos habentes, sponte sua minus de divinitate Christi cogitarent. Experientia suten praedictae rei Christianae secus docuit, facile homines in duas rapti potuisse sentiendi rationes sibi invicem oppositas, *Ebionitismum* et *Docetismum*. J. E. L. Schmidt l. c. p. 195 sq. conjecturam proposuit, *Ebionaeos* Josephi filium pronuntiasse Christum, quia Maria ex tribu *Levitic* ortu habebatur. Vidd. loca citata a Fabricio, *Cod. Apoc.* N. T. p. 19 in notis.

sos supranaturales Christi natales assumis-
se (16). Hoc maxime elucet ex loco quodam
in Evangelio ipsorum nomine dicto, ubi Spiritus
Sanctus mater dicitur Christi (7). Ne
quis tamen inde efficiat, hos *Christianos* eodem
plane modo de Christi naturâ sensisse, atque
Athanasianos, res et ratio vetant (18).

Sed ne ulterius in hoc argumentum excurramus
in-

(16) Diserte hoc affirmat Euseb. l. c. ubi de parte quâdam
Elionacorum agit, Christum dicente ex Spiritu S. et *Mariâ*
natum esse, negante vero ipsis quem ajunt præexistentiam.
Imprimis hoc fecit Origênis locus contra Celsum L. V.
ὅπου φησιν εἶναι τὸν Ἐλιοναὶ, ὅτις ἐν τῷ φησὶν ἡμετέρων εἰς αὐτὸν ἐκείν
τὸν Ἰησοῦν, ὃς αὐτὸν ἀνθρώπου καὶ ἀλλ' οὐκ ἀνθρώπου ἀποφασίζουσι.
Alteram illam partem *Elionacorum* eodem esse, qui seculo 4.^o
Nazarenorum dicebantur nomine, ex locorum comparatione usi-
tis evidens est. Epiphanius autem *Haeresi* XXIX, 7. prohi-
tetur se noscitur an *Nazaren* Christum habuerint natum homi-
nem, an natum ex Spiritu S. sed bene monuit Gieseler
l. c. p. 590. hoc accipiendum esse, respectu habito judicandi
rationis Epiphaniî circa hæreticos. Vid. etiam Hiecony-
mi, *Epist.* 89 ad August.

(17) In Evangelio secundum *Hebraeos* Servator dicens
introducitur, ὁ ἀνὴρ ἰσχυρὸς καὶ ἐν μέσῳ τοῦ λαοῦ ὡς ἄνθρωπος ἐν μέ-
σῳ, τὸν ἡρώδης μὲν καὶ ἀνέκρινεν καὶ οὐκ εὗρεν ἐν μέσῳ τοῦ λαοῦ.
Quem locum servavit Origenes. Vide Fabricius l. c.
p. 361^o usque, cujus eruditam lege annotationem. Evangelium illud
nab^o Ἐβραίων *Nazarenorum* ἵλιαν, docetur ab Hieonymo in
Comment. ad Esai. XL, 11. et ad *Michae* VIII, 6.

(18) Fuerunt viri docti, Gentius, Spencernus; Vos-
sius, Huetius, qui *Nazaren* omnia erroris culpæ circa
Christi naturam eximere voluerunt, quam sententiam Imperius
minus est Lequien in *annot. ad Joann. Damasc.* T. I. p. 89.
85. et singulari discernit de *Nazari. et eorum fide, Operibus*
Damasceni, addita. Sed frustra, ut demonstravit Moshe-
mius *Comment. de reb. Chr. anti Constant.* M. p. 389 usque.

instituti nostri non fert ratio. Allata exempla satis superque ostendunt, qualem vim *Judaeo-Christianismus* in doctrinam Christi et exserere debuerit et revera exseruit. Possumus jam dicta novis augere argumentis, sed non facile putamus, aliquem nostrae argumentationi multa esse contradicendum, imprimis si ea, quae de Paulo ejusque doctrinae adversariis antea disputavimus, in memoriam revocare velit.

§. 33. *De his, quae effecit Judaeo-Christianismus in externam rei Christianae conditionem.*

Quid effecerit *Judaeo-Christianismus* in externam rei Christianae conditionem, jam nunc paucis dicemus. Quod ad societatis Christianae regiminis formam attinet, diximus supra (19), prima ejus lineamenta a Synagoga *Judaeorum* mutatos esse *Christianos Hierosolymitanos*. Ecclesiae, quae deinceps congregabantur, hoc exemplum sequebantur, hic vel illic ad mores suos et instituta civitatis, quam incolabant, plus minusve immutatum. Sed illud non adeo est, quod *Judaeo-Christianismi* efficacitatem, proprio sensu maxime dictam, ostendat. Formam quandam regiminis sequi debebant *Christiani*, et per se *Judaeorum* institutum commodè in usum suum convertere potuerunt.

At

(19) §. 2. p. 14.

At vero est aliud quid, cujus origo a *Judeo-Christians* repetenda videtur, et quod majoris ponderis dici meretur, siquidem ejus contemplantur sequelas. Scilicet opinio, quae identidem inter *Christianos* invaluit, doctores et rectores Ecclesiae separatam quandam ordinem efficere, et privilegiis suis prae reliquis *Christians* esse ornandos. Ejusmodi sentiendi ratio identidem latius exposita et propagata ansam dedit hierarchiae, quae ipsu temporis in veram abiit tyrannidem. Hujus opinionis origo quaeri debet in veterum *Hebraeorum* hierarchiâ, ex cujus principis ordo *Sacerdotum* et *Levitarum* curam gerere debuit religioni et ritibus sacris, et hanc ob causam auctoritate gaudebat prae reliquo populo, qui sacerdotum ministerio utebatur, quasi medio quodam, Deum inter et homines eum adorantes, interposito. Ex germanâ *Christianorum* disciplinae indole, nihil ejusmodi apud Christi sectatores locum obtinere potuit: omnes enim fuerunt *Βασιλεως Ιερειου* (20), unumque coelestem habebant summum sacerdotem, omnibusque sine discrimine aditus patebat ei; *τῷ θεῷ πάντες τῷ ἁγίῳ* (21).

At vero loquendi usus, qualem *Christiani* reperierunt in scriptis Veteris Testamenti, ab ipsis solebat adhiberi, cum de coetuum suorum gubernatoribus loquerentur. Quod primis temporibus

nî-

(20) 1 Pet. II, 9. Hanc opinionem ex ipsa Christi doctrina indole repetendam palcra exposuit Neander l. c. P. I. P. 277 sqq.

(21) *Hebr.* IV, 16.

nihil erat nisi verborum et phrasium usus (22), identidem hanc vim habuit, ut ipsam rem introducere inciperet. Tandem eo pervenit, ut discrimen statueretur inter *Clericos*, uti vocabantur, et reliquam turbam *Christianorum*. *Episcopi* et *Presbyteri* in vicem *Sacerdotum* et *Leuitarum* successerunt, et jura quaedam et privilegia sibi arrogarunt nomine abutentes Judaici instituti. Accesserunt quidem seriori aevo, cum *Christianorum* societas cum republica jungebatur, aliae causae, ex pravo ambitionis studio honorumque immodica cupiditate repetendae (23), sed antiquissima aetate vestigia *Judaeo-Christianismi* minime negari possunt. Imprudentior enim usus dicendi rationis *Ilebraeorum* librorum, divino quasi splendore circumdabat *Clericos*, et in loco collocavit excelso, qui minime ipsis concedendus fuisset, si ad veram suae disciplinae naturam attendissent *Christiani* antiquiores (24).

Clarius adhuc elucet efficacia *Judaeo-Christiani-*

(22) Ejusmodi loquendi usus vestigia jam exstant apud Clementem in *Epist.* ad *Corinth.* c. 40, 41. Quam facile ex talibus phrasibus res ipsa potest confici, exemplo suo ostendit Cotelierius ad h. l. ex Clementis dictis efficiens, quod sit minime inest, antiquitas *Christianorum* successione *Judaeorum* sacerdotibus.

(23) Vid. hoc de argumento cf. N. C. Kist (cujus monita utilissima circa historiam Ecclesiasticam multum mihi profuisse, grato profiteor animo) in *Dissert. de Commentat. quam Constantino M. auctore societas subit Christiana*, p. 66—74.

(24) Qui plura hoc de argumento legere cupiat, evolvat Neanderum l. c. p. 298—299.

sianismi in rituum festorumque observatione, qualis primis rei Christianae temporibus obtinuit. Nec Jesus neque *Apostoli* hac de re leges aut praecepta dederunt. In promptu erat cultus *Judaeorum*, qui recens conditis Ecclesiis exemplar exhiberet. Celebrari solebant festa solemnia *Judaeorum*, sed ne nimis jejuna eorum observatio videretur, *Christiani* conjungebant cum festis illis memoriam quandam eventuum ex historia Christi vel *Apostolorum* repetitorum. Temporis ratio imprimis huic studio apta erat. Quid magis rei congruum, quam cum *Judaeorum* festo *Paschatis*, Jesu patientia et emortui inque vitam revocati memoriam connectere? Quid facilius, quam cum festo *Pentecostali* splendidam suae religionis inaugurationem celebrare (25)? Neque hoc longius quaesitum videri debuit hominibus, qui in Veteri Testamento studiose loca quaerere adhaerabant, ad *Christianorum* religionem alludentia, quibusque tam gratum erat et acceptum opus, similitudines et comparationes conficere inter veterem et novam oeconomiam. Huic causae adscribendum etiam videtur, cur tam aere festum natalium Jesu Christi celebrari inciperet, ortumque suum ex Occidente haberet (26). Etenim

(25) Vid. Neander l. c. p. II. p. 517 — 526.

(26) Festum *dei Iovis*, id est sollemnis inaugurationis Christi ad munus suum, quod ex Oriente in Occidentem venit, cujusque historia recte connexa est cum historia festi *Natalium* Christi, magis spem fuit sciendi: reversionem *Judeo-Christianorum*. Non nisi segre in Ecclesiis Orientales intro-

nim nullum *Judaeorum* exstabat festum, cui com-
mode hanc memoriam adaptare potuerunt. Quam
altis radicibus Judaici moris efficacia *Christianorum*
insita fuerit animis, ex celebri illa contro-
versâ apparet, quam seculo maxime secundo
exeunte de *Paschatis* celebratione egerunt (27).
Modus enim hoc festum celebrandi, qui locum
obtinuit apud coetûs *Asiae Minoris*, Judaicam
originem clare ostendit. Apud reliquos *Chri-*
stianos identidem alia hac de re cogitandi ratio ob-
tinuit. Memoria Christi e morte revocati *Ju-*
daeorum Paschatis notionem removerat; neque
mirum adeo, rem istam, primo intuitu tam exi-
gui ponderis, offensionem excitasse aliarum Ec-
clesiarum, uti *Alexandrinae* et *Romanae* Imprimis,
e qua ratio *Judaeo-Christianismo* contraria
plerosque fautores nacta erat. Forte cuidam mi-
rum videbitur, partibus *Romani Episcopi Ecclesias*
Palaestinenses etiam favisse; sed hic teneat, tunc
temporis hos coetûs post repetitam cladem *Ju-*
daeorum constitisse ex *Ethnico-Christianis*, cum
reliquae antiquorum *Judaeo-Christianorum* in-
fausto *Ebionaeorum* nomine appellatae, in obscu-
ro loco latebant, fragmentorum naufragii instar,
quae spectatoribus tristitiam movere solent, quan-
do

ductum est festum *Natalium* Christi. Hujus festi vestigia
ante saeculum 4. non exstant, nisi quis cum Neandro l. c.
p. 548 sq. locum quendam Clementis Alex. Strom. l. l.
huc trahere velit.

(27) Vid. Neander l. c. p. 519.

do misere per littora disiecta intuentur pristinae gloriae monumenta.

Judaeo-Christianismi efficacia imprimis inde confici potest, quod tamdiu apud *Christianos* omnes *Sabbathi* dies celebrari solet. Si quidem hoc factum esse legimus ab *Ebionaeis* (28), nihil mirum hoc nobis accidit: etenim haec *Judaeo-Christianorum* pars legum Mosalarum observationi dedita, praecipuum hoc insitutum legis certo minime negligere potuit. Apud ceteros *Christianos* antiquum institutum valuit tantum, ut *Sabbathi* solemnitatem cum celebratione *diei Domini* retinerent (29). Nullibi autem contra *Judaeos* disputantes scriptores Ecclesiastici, hujus diei observationem obsoletam fuisse diserte affirmant (30). Nec solum hic usus in Ecclesiis Orientalibus obtinuit, sed etiam in Occidentalibus coetibus, uti ex variis locis apud Tertullianum apparet (31). Tandem vero *Sabbathi* ce-

le-

(28) Euseb. *Hist. Eccl.* III, 27. Cf. Gieseler in *Archiv.*

p. 359.

(29) Cf. Schröckh l. c. T. II. p. 145. qui p. 316. *Sabbathi* observationem apud antiquos Christianos exinde derivat, quod hi faciliores essent erga *Judaizantes*. Leg. etiam Hermann l. c. n. 389 199.

(30) Justin. M. in *Dial.* c. Tryph. p. 194. *Sabbathum* coluisse *Christianos* nobis indicat, detestandum morem apud suos obtinentem die *Sabbathico* calidis uxoribus silemuit.

(31) Tertull. *adv. Jud.* c. 4. p. 281. Edit. Semi, unde nos intelligimus magis, *sabbatizare nos ab omni opere servili semper debere, et non tantum septimo quoque die, sed per omnes tempus.* Cf. id. contra *Psychicos*, c. 24, 25. p. 418. et alibi.

Hu-

lebratio locum suum cedere debuit diei primo hebdomadis, quod imprimis seculo quarto ineunte obtinuit: nec tamen adeo cito hoc accidit, ita ut etiam tempore Athanasii vestigia occurrant pristini honoris, quo *Christiani Sabbathum* prosequi solebant (32).

§. 34. *De clade Judaeorum reipublicae sub Vespasiano, primaria causa interitui: Judaeo-Christianismi.*

Cum itaque '*Judaeo-Christianismus* tantam vim et efficacitatem in rem *Christianam* exserere debuit, et revera exseruit, merito quaerimus, num in comparando emolumento et damno, quod inde profluxit, hoc illi praeponderaverit, an vero contrarium obtinuerit. Siquidem in memoriam revocamus, quae antea disputavimus, potius in hanc iremus sententiam, rei *Christianae* non multum emolumenti allaturum fuisse *Judaeo-Christianismum*, tali ratione se ostendentem, qua contra *Paulinam* rationem pugnantem eum sumus contemplati.

Fin-

Hujus moris vestigia expresserunt etiam Pseudo-Clem. *Constit. Apost.* L. VII. c. 23. *ὅτι ἐκβλήθησαν πληροὶ καὶ τοῦ νομοῦ ἰουδαίου, ἔτι καὶ πλεονάζοντες ἰσχυρὸν ἰσχυρῶς, ἡ δὲ ἐκκρίσθησαν.* Cf. L. V. c. 16, 20. L. VIII. c. 33.

(32) Athanasius, *Homil. de Semente Oper.* T. I. p. 1060. *Edit. Paris. 1677.* In ἁγία τοῦτο ἡμεῖς ἀποδείκνυμεν, οὐ μόνον τοῦτο ἀποδείκνυμεν, ἀλλὰ καὶ ἡμεῖς ἀποδείκνυμεν ἡμεῖς ἀποδείκνυμεν, οὐ μόνον τοῦτο ἀποδείκνυμεν, ἀλλὰ καὶ ἡμεῖς ἀποδείκνυμεν, οὐ μόνον τοῦτο ἀποδείκνυμεν, ἀλλὰ καὶ ἡμεῖς ἀποδείκνυμεν.

Fingamus rerum conditionem eodem modo mansisse, qualem vidimus fuisse, cum Paulus e vita discederet, *Judaeorumque* respublica salva adhuc staret et incolomis. Repetitis controversiæ inter duas partes, uti solet accidere, nihil valuerunt, nisi ut ab utraque parte animi dissentientium magia magisque exacerbarentur. In ejusmodi coetibus, ubi partem *Judæo-Christiani* efficiebant, necessario diu in obscuro latens ignis tandem in flammam erupisset, dissidioque et separationi, variorum damnorum mstri et nutrici, viam aperuisset.

Externa vi et auctoritate præditi *Judæo-Christiani* fortasse coetum condidissent separatim, qui aliter sentientes e medio suo rejiceret, indolemque ostenderet germanæ Christi doctrinæ contrariam. Quid mirum fulset, si Christi cultores, hoc nomine vix digni, *Judaeorum* celebritate freti et auctoritate, lapsu temporis in sectam abiissent, medium quasi inter Judaismum et Christianismum tenentes. Quod reliquiae istae veteris Ecclesiae *Hierosolymitanæ Ebionæorum* nomine insignitæ, propter numeri exiguitatem et miseram conditionem facere non potuerant, facillime effecisset societas quaedam, tam nominis antiquitate, quam externo *Judaeorum* splendore ornata, qualem deprehendimus Ecclesiam *Palæstinensem* fuisse. At vero summum periculum Deus O. M. avertit. Externarum rerum vicissitudinibus effectum est, ut luctus futuræ obex poneretur, lancesque vergerent in commodum *Ethnico-Christianismi*.

X

Cor-

Corruit *Judaeorum* respublica, et corruit *Judaeo-Christianismus*. Fatalis ille dies, qui urbi *Iherosolymis*, temploque *Jehovae* sacro exitium attulit, aequè exitiosus fuit Ecclesiae *Iherosolymitanæ* matri *Judaeo-Christianorum*. Clades interneeiva, quæ rempublicam Judaicam destruxit, populumque integrum libertate suâ et dignitate spoliavit, primaria causa est dicenda interitus *Judæo-Christianismi*, quæ de re jam paucis agendum nobis restat.

Vix ullus cogitari potest eventus tot tantisque sequelis insignis, quam ultima calamitas, quæ rempublicam *Judaeorum* prorsus labefactavit. Diu antea jam jacta fuerunt semina pestis, quæ tandem toti corpori interitum ereavit. Longe lateque per omnia membra serpserat; allata medicina vulnus reddiderat insannabile. Ipsi *Judæi* morum corruptione intestinisque turbis et bellis enervati, invictis *Romanorum* armis nil nisi desperatorum hominum furorem et rabiem opponere poterunt. Procuratorum suorum vexationibus et crudelitate exagitati, tandem ad arma currunt furētes. Per quatuor annos circiter belli atrox imago *Palæstinam* infestat, omniaque impetu suo rapit. Ingens *Judaeorum* numerus cadit, suorum et *Romanorum* armis confossus. Omni regione devastatâ, incolarumque frequentia nudata, belli furor in moenia sanctæ sedis volvitur. Tito *Vespasiano* exercitum *Romanum* ducente, obsidione cingitur *Iherosolyma*. Varia calamitatum genera, quæ unquam hominibus imminēt, miserissimum populum vexant; quibus hostium arma flam-

flammaeque furor parcunt, fames et lues lentâ morte aternunt. Urbs tandem capitur, templum incenditur, cives omnes unâ miscuntur clade. Sedes illa ab antiquo illustris Mosaicæ religionis solo sequatur et in perpetuum proles *Israëlis* e patriâ exsul per orbem terrarum oberrat, divinae justitiæ et veracitatis exemplar clarissimum (33).

§. 35. *De modo, quo clades Hierosolymorum exitium attulerit Judæo-Christianismo.*

Non longâ disputatione opus erit, ut demonstremus, quantum clades illa reipublicæ *Judicæ* inservierit, ad *Judæo-Christianismum* labefactandum.

Omnia autem, quæ in commodum *Judæo-Christianorum* trahi poterant, prorsus evanuerunt, *Hierosolymis* temploque vastatis. Nexus, qui hos cum ceteris civibus jungebat, non amplius exstabat, coetus *Hierosolymitanus* publicæ cladî involvebatur; nam minime probabile est, *Romanorum* arma peperciisse *Judæis*, qui Christi doctrinæ asaensum dederant. Quia dubitabit, quin plures Christi cultorum simul perierint, universâ abrepti calamitate.

Serior quidem ætas *Christianos Hierosolymis Pel-*

(33) Sufficit memorabilem illam cladem *Judæorum* verbulo attingere, cum uberiores hujus rei historiam sæpius tractantibus superque dederint illi. Vidd. quos excitat cl. L. Surin-
gar in Comment. insertâ Opp. Societ. Hag. Anni 1809, cui
titulus „Beoog van de waarheid en Goddelijkheid der Evan-
gelieleer uit de tegevoeten der Joodsche natie, na den dood en
verheerlijking van Jezus Christus, p. 31—44.

Pellam oppidum quoddam *Transjordanense*, migrantes pingit (34); et minime hanc traditionem, simplicitate sua se commendantem, in dubium vocamus (35). Sed omnes omnino Christi cultiores publicam effugias calamitatem, nullo modo contendere audemus. Nisi quis miraculum quoddam in subsidium vocet, vix cogitari potuit, quomodo tot homines, arctissimâ necessitudine cum popularibus suis conjuncti, subito ingruentem effugissent procellam.

Quidquid hujus rei est, *Judaeo-Christiani* illi, qui *Pellam* aufugerant, nil nisi debilem referebant imaginem antiquae Ecclesiae *Hierosolymitanæ*, neque priorem recuperare potuerunt splendorem, uti eventus satis demonstravit. Deinde externa gloria Mosaeica institutionis perierat. Hoc videntes nonnulli facillius avocabantur ab amore illo, quo circa *Judaeorum* ducebantur religionem. Non amplius studio se tradere potuerunt, pro-

(34) Euseb. H. E. L. III. c. 5. p. 59, 60. Ut haec fuga *Christianorum* magis honorifica esset, Epiphanius (in loco a Vales. ad Euseb. cit.) inducit Angelum, *Christiano*s ad fugam captendam hortantem. Per alias etiam *Romani* imperii provincias ipsos *Asiaticorum* fulsis, non immerito conjectit *Cleonicus* l. c. p. 474.

(35) Eusebius quidem nullam adduxit auctoritatem, sed traditionem hanc multum probat reditus *Judaeo-Christiano*rum *Hierosolymam*, tempore *Hadriani*. Probandi vim etiam habet, quod tempore *Hieronymi* et *Epiphani*s, *Nazareth* et *Ebhenari* sedem habuisse dicuntur in *Perad*, *Pellae* et *Cochabae* (forte *Chobae Genes. XIV. 15.*) in *Basantide*. Vidd. *Cleonicus* l. c. p. 476. nota 3. et *Gieseeler* in *Archiv.* l. c. p. 28a.

promovendae et asserendae rituum pompae, quae non amplius aderat. Hujus cladem lugentes facillime in cogitationem incidere potuerunt. Deum ipsum, cultum a se per Moysen institutum abrogatum velle, quippe qui templum suum diruivisset.

Ejusmodi observatio, quae ne apud *Judaeum* quidem visui carere potuit, imprimis mentem *Christianorum*, quamvis antea *Judaismo*, magis quam par erat, faverant, percellere debuit; siquidem in memoriam vocarent ipsius Servatoris vaticinia, cladem *Hierosolymas* et interitum oeconomiae Mosaicae significantia. Neque ipsos fugere potuit, quomodo Christus hisce in vaticiniis cultores suos a reliquis distinxerit, *Judaeos* horumque interitum arcte conjunxerit cum laeta et prospera propagatione doctrinae Evangelicae (36). Ut fieri solet, tunc imprimis ad vaticinia illa attendebant, cum tam egregie eventus ea probaverat, iisque bene perpensis, religio Mosaica, omni suo splendore destituta, minoris pretii ipsis videri debuit, postquam rebus ipsis edocui erant, Christi doctrinam nullo modo pendere ab ea.

Denique observari meretur, gentem *Judaicam* propter repetitas seditiones bellumque tandem acerrime gestum, odium imprimis in se traxisse *Romanorum*. Hi non desinebant attendere quosvis motus, quos populus ille excitare poterat. Unde necessario sequebatur, *Christianos*, si quidem

(36) *Matth.* XXIV, 9—14, 30—35. Cf. cl. Surlingac l. c. p. 281 sqq.

dem saluti suae consulere vellent, omne commercium, quantum fieri posset, intermisisse cum *Judaëis*, ne ejusdem calamitatis fierent consortes. Unde perquam fit probabile, Christi cultores fugisse omnia, quae ipsorum affinitatem cum *Judaismo* indicarent.

Lethali itaque vulnere affectus est *Judaëo-Christianismus*, neque deinde huic malo remedium invenire potuit. Externarum rerum efficacia sic effectum est, quod *Paulinae* factionis disputationibus et studiis effici non poterat: et republica *Judaëorum* occidente, occidit etiam *Judaëo-Christianismus*; neque seriora tempora hujus sentiendi rationis efficacitatem senserunt, quemadmodum aevum *Apostolorum* senserat, et identidem vestigia ejus disparuerunt.

Hic pedem figere possemus, cum eo pervenerit nostra disputatio, quo *Judaëo-Christianismus* ab altâ suâ sede deturbatum vidimus, Christique disciplinam ab imminente malo liberatam. Sed non abs re duximus, in exitu nostrae disputationis brevem adjungere conspectum factorum *Judaëae* gentis post primam cladem *Iherosolymorum* ad hoc usque tempus, quo in perpetuum *Palæstinæ* ejecti sunt. Ita finem faciemus emarrando eventui quodam, qui in Ecclesiâ *Palæstinensi* obtinuit, et per quem ultimus nexus inter *Judaëo-Christianos* et reliquos auferebatur.

§. 36. *De factis Judaeo-Christianorum post
cladem Hierosolymorum.*

Postquam *Hierosolyma* a Tito capta flammis-
que tradita fuerat, urbs solo aequata est, nec nisi
tres turres relictæ sunt, quæ inter rudera totius
urbis fastigium erigerent. Non tamen sic Intelli-
gi debet, quasi nemo amplius ibi habitaret; præ-
sidium *Romanum*, quod ibi relictum est, certe
aedificia quaedam sibi exstruxit; et saepius *Judæi*
in ruinas suæ metropoleos se contulerunt, ut
quereas suas ibi effunderent. Unde probabile
fit, identidem incolas quosdam iterum frequen-
tasse sedem desolatam (37). Reliquiae *Chri-
stianorum* tamen illuc non revertebantur, sed
Pellæ vel alibi congregabantur, nomine Ecclesiae
Hierosolymitanæ retento. Hi homines non statim
legis observationem missam fecerunt, sed ei ad-
haerentes Symeonem quemdam, Cleopæ fi-
lium, consanguineum Jesu Christi, praesidem
crearunt Ecclesiae, postquam Jacobus a *Judæis*
occisus fuerat (38). Symeon huic muneri
pae-

(37) Josephus *de bello Jud.* L. VII. c. 18. Cf. Mun-
ter, *Der Jüdische Krieg unter den Kaisern Trajan und Ha-*
drian, p. 39—41. qui p. 63. nonnullorum testimonia excitat,
qui tradunt, excidium urbis non ejusmodi fuisse, quemadmodum
a Josepho traditur. De urbis factis post Vespasianum datis
opera egerunt Witsius, *Miscell. Ager.* T. II. *Exercit.* X—
XII. Deyling, *Observ. Sacr.* P. V.

(38) Vid. Euseb. II, 23. ubi Josephi narrationem, sim-
plicitate suâ se commendantem, et Hegesippi traditionem, mul-
to magis exornatam, descriptas legitimus. Ex Josephi narra-
tio-

praefectus est, cum *Illerisolya* jam deleta erat (39). Hic senex aetate jam multum proventus, (annos 120 natus mortuus esse dicitur), regnante Trajano (40) violentam subit mortem, accusatus a *Judaeis*. Videtur morte affectus esse, quod ipse e regis stirpe ortum habebat, quippe qui consanguineus esset Christi. Hac re accusatores ejus uti potuerunt, ut suspicionem *Romanorum* excitarent. Hi enim timore turbulenti populi repleti, ne iterum bellum recens sopitum ex cinere erumperet, omnes illos, de quibus fama ferebat, ipsos e stirpe regis esse prognatos, suspectos habebant; metuebant enim, ne a *Judaeis* rebellantibus antesignani eligerentur adversus hostes suos. Ex hac causa explicari potest, quod de Domitiano narratur, consanguineos duos Jesu Christi arcescente. Quos cum audiverat, nihil in ipsis deprehenderat, quod novas res molendi studium innueret, adeoque viros in-

no-

tionem apparet, *Sadduceorum* odio factum esse, ut morti tradere-
ent Jacobus.

(39) Euseb. III, 11. dicit, post mortem Jacobi 8 annorum intervallo relicto, Symeonem si successorem datum esse ab Apostolis adhuc viventibus et consanguineis jam.

(40) Euseb. III, 32. Mors Symeonis vulgo refertur ad annum 116. ut a Clarico, *Hist. Eccl.* p. 555. sententiam secuto Dodwelli, Lloydii et Pagii ibid. citat. Glaseler in *Archiv.* p. 320. refert ad annum 108. Dicitur ab Hegesippo ap. Euseb. I. c. *consanguineis Christi esse natis*: quo dicto innuere videtur, sectas *Judaeorum* tunc temporis in *Palaestina* vigentes, quas septem fuisse docemur alio loco Hegesippi servato ab Eusabio. I. IV, 22.

nocuos illaesos in patriam remiserat (41). *Judaei* autem videntes, quantum homines e regia stirpe orti suspitionem moverent *Romanis*, Symeonem hoc nomine accusarunt, eorumque conatus successu minime caruit (42). Videmus ex hac historia, *Judaeo-Christianorum* statum minime securum fuisse, sed vexationibus Imperatoris Trajani expositum (43), non hanc ob causam, quod essent Christi cultores, sed quod ejusdem numeri haberentur atque reliqui *Judaei*: quamvis haec gens adhuc eodem animo infesto in popularea suos Christo addictos ferebatur, quo antea. Miserrima ejusmodi conditio fuit *Judaeo-Christianorum*; nam a *Romanis* vexabantur, quia *Judaei* habebantur, et a popularibus suis, quod *Christiani* essent. Neque mirandum fuisset, si conditiona suae pertaes, statim abjecissent omnia vincula, quae cum gente Judaea ipsos jungebant. Non statim fecerunt. Contrarium effi-

(41) Hegesippus ap. Euseb. III, 19, 30. Cf. Clericus p. 510 sq. Hinc narrationi fidem esse habendam, tum ejus simplicitas, suadet tum Hegesippi auctoritas, qui fuit auctor satis antiquus. Floruit enim tempore Antonini Pii. Sub Episcopo Aniceto Romam cum venisse tradit Euseb. II, 23, qui L. IV. c. 8. eum significasse tempus, quo innovuit, dicit. Vid. Clericus p. 665 sq.

(42) Hegesippus narrat ap. Euseb. III, 12. ipsos Symeonis accusatores a *Romanis* reos factos esse, tanquam e regia stirpe oriundos.

(43) Exstat quaedam relato Tiberisni de *Christianis Paenitentibus* servata a Joanne Malcia, de qua leg. Clericus l. c. p. 553. Gieseler, *Kirchengeschichte*, T. I. p. 93.

cimus inde, quod *Judaeum* quemdam, Justum appellatum, successorem constituerint Symeonis, „quo tempore adhuc” ut ait Eusebius „mag-
nus numerus *Judaeorum* Christo fidem habebat (44).” Imo ad Marcum usque, (de quo mox dicemus), omnes *Episcopi Hierosolymitani* *Judaei* erant (45). Unde *Judaeo-Christianorum* auctoritas et in reliquos, qui forte aderant, imperium, satis clare elucet. Novo itaque eventu opus erat, ut prorsus *Judaeo-Christianismus* interiret; quem eventum suppressit altera clades *Judaeorum* regnante Hadriano.

§. 37. *De clade Judaeorum regnantibus Trajano et Hadriano.*

Regnante jam Trajano motus *Judaeorum* et seditiones in bellum apertum jam exarserant anno Christi 115 in *Cyrenaid*, cum Imperator in *Armenid* bellum contra *Parthos* gerebat. Rebellionis contagium ex *Cyrenaid* in *Aegyptum* serpsit, ubi *Judaei* gravissimos cierunt motus, qui

(44) Euseb. III, 35.

(45) *Episcoporum Hierosolymitanorum* catalogum exhibet Euseb. IV, 5. quos omnes *Hebraeos* fuisse narrat. Ipse tamen confessus est, ignorare se temporis spatium, per quod quisque munere suo functus sit. Et omnino si cum hoc catalogo conferamus, quod de Jacobo et Symeone narraverat Eusebius, reliquis 13 *Episcopis* non residuum erit majus spatium temporis, quam 20 annorum circiter, quod satis a verosimilitudine abhorret. Jure dixit Clericus p. 604. „*Singularum tempora notare vult esset, non historici.*”

qui ad *Aethiopiam* usque se extendebant (46). Sequenti anno *Romani*, exercitu collecto, *Alexandriam* vix retinuerunt, ibique magnam stragem inter *Judaeos* ediderunt. Neque insula *Cyprus* a seditione immunis fuit. *Mesopotamia* etiam rebelantes vidit *Judaeos*, quos tandem post multos labores coercuit *Lusius Quietus*, Trajani dux optimus (47).

Hadrianus imperium capessens, primo regni anno, *Judaeorum* inquietam expertus est mentem, cum seditionem excitabant, mox vero sedatam; (48) sed malum tunc quidem procrastinatum, non vero sublatum est. *Hadrianus* in itinere suo, quo imperium suum peragravit, anno 130 in *Palaestinam* venerat. Curam summam adhibuit, ut repetitos *Judaeorum* compesceret motus. Hoc consilio hanc gentem magis magisque deprimere studuit. Circumcisionem ipsa vetuisse traditur Imperator (49). Restituit mox *Hierosolymam*, quae ad hunc usque diem in ruderibus

ja-

(46) Vid. Dio Cassius, L. LXVIII. c. 32.

(47) Cf. Munter l. c. p. 13 sqq. qui summâ industriâ omnia veterum collegit fragmenta, de hoc bello *Judaeorum* agentia. Cum bello *Judaeorum* contra Trajanum vir doctissimus conjungit martyrium Ignatii, p. 27, 28. nec sine veri specie, *Lusius Quietus* ob belli merita *Legatus* Augusti provinciae *Palaeestinae* factus est, vid. Euseb. L. IV, 2. ibique *Valerius*. De seditione *Judaeorum* *Cyrenenium* et *Aegyptiorum* cf. Clericus l. c. p. 544 sq.

(48) Spartianus in *Hadr.* c. 5. Euseb. in *Chron.* ad *Hadriani* annum I.

(49) Spartian. in *Hadr.* c. 14.

jacuerat. Mandavit, ut iterum incolae frequentaretur, colonia scilicet in urbem adducta, ita ut praesidio servata *Romano*, *Judaeorum* impetum, si forte patriam recuperare vellent, cohiberet (50). Instauratio ista *Hierosolymorum* signum quasi dedit bello, quod mox erupit anno 138, cum Hadrianus ex Oriente discesserat (51). *Judaeorum* animi tanto studio bellum aspirabant, ut facili operâ quemque virum ducem sibi constituerint. Hac opportunitate mox quidam prodit, qui nomine Barchochabae vocatur. Fortasse proprium ipsius nomen fuit Simeon (52). *Barchochabae* (בֶּרְכֹּכַב), filius *stellae*, dicebatur, respectu habito loci cujusdam e libro *Numerorum* (53). Quod nomen, post infaustum successum, populares deinde immutarunt in infamem appellationem *filii mendacii* (בֶּרְכִּיבָא).

Perditus ille homo facillime civibus suis persuasit, se esse *Messiam*, a Deo missum, ut liberaret *Israelitas*, novâque gloriâ ipsos afficeret. Ad apertum bellum ipso concitavit; quod tantâ

vi-

(50) Cf. Munter l. c. p. 37, 399. qui sectores antiquos exciavit.

(51) Dio Cassius LXL. c. 14. Cf. Munter l. c. p. 66 399.

(52) Tale nomen habuisse videtur, aliquid accipismus, quae de summis quibusdam a Barchochabâ recusat, ubi nomen Simeonis apparet, disseruit Munter p. 57—62. Vulgo hi summi ad Simonem *Maccabaeum* referebantur, sed falso, quia in eo Traiani apparet moneta, a *Judeis* mox recusa.

(53) Num. XXIV, 17.

virium intentione a *Judaels* gerebatur, ut *Romani* non nisi post magnam sanguinis effusi copiam ipsos vincerent.

Per quatuor fere annos bellum atrox gestum est. *Hierosolyma* a *Judaels* recuperata, mox a *Romanis* iterum capitur (54). Tandem *Judaels*, ad incitaa fere redacti, in urbem quandam, cui nomen *Bether* se conferunt, obsidione ibi cinguntur a *Romanis*. Urbs fame et hostium impetu capitur, ipseque dux belli *Barchochabab* perit (55). Hoc bello ingens numerus *Judaeorum* interfectus est (56), et *Palacstina* in desertum conversa est, oppidis vicisque undique flammis ferroque vastatis, *Judaels*, qui belli evitabant furorem, captivi venduntur. Ita reliquae hujus populi vires fractae sunt, neque amplius manus conserere ausi sunt cum *Romanis* (57).

Post

(54) De hac obsidione *Hierosolymorum* vix aliquid narrarunt auctores antiqui; sed revera hanc urbem Hadriani tempore obsessam et captam fuisse, discreta loca quaedam affirmant, uti Appian. in *Syriac.* c. 50. *Liber Samaritanus* Josuae, cujus argumentum edidit Fabric. in *Cod. Pseudep. V. T.* p. 887. Euseb. *Demonstr. Evang.* L. VI. c. 18. Hieron. in *Hebrae. c. a.* Paulus Diaconus ap. Muratori *Scriptit. Rer. Italicae* L. X. c. 61. alii, quos excitat Munter, p. 65.

(55) De obsidione *Betheris*, deque alia hujus urbis leg. Munter, p. 77 seqq.

(56) Numerus *Judaeorum*, qui in hoc bello perierunt, 980,000. fuisse traditur a Diono, L. lib. LKIX. c. 14.

(57) De hoc bello judaico mentionem etiam fecit Justinus M. in *Dial. cum Tryph.* p. 137 in fine p. 155. *Edit. Thirlh.* Idem innuere videtur edictum Hadriani, quo introitus in *Hierosolymam* *Judaels* vetabatur, *Ibid.* p. 169.

Post repressam seditionem *Judaeorum* Hadrianus *Hierusalymorum* perfecit inmutationem. Ipsum hujus urbis nomen mutavit ex *Colonia Aelia Capitolina* ab hoc inde tempore: audit (58). Omnis ejus habitus immutabatur; sacra gentilium celebrabatur in locis, olim veri Dei cultui sacris. Templum Jovis *Capitolini* solum occupavit, quod antea Salomonis fuerat templum. Imago suis in marmore sculpta est supra portā, qua *Bethlehemum* versus egrediebantur. Deorumque *Phoenicum* cultus etiam in circuitu *Aelias* celebrabatur: ita ut omnia evanescerent vestigia pristini hujus civitatis honoris (59). *Judaei* omnes edicto Imperatoris ab urbe prorsus excludebantur, et custodibus appositis cautum est, ne propius quam par erat, ad eam accederent (60). Hac ratione ab Hadriano perfectum est, quod inchoatum vidimus a Vespasiano; *Judaici*que omnia sunt adempta, quibus unquam freti libertatem sibi vindicare possent.

§. 3^o.

(58) Nomen *Aelias* diu remansit; tempore Eusebii hoc nomine appellabatur. Vid. ejus *Hist. Eccl.* II. c. 12. Episcopus *Hierusalymorum*, Episcopus *Aelias* dicitur in *Canan. 7. Concilii, Niceni*. Nomen *Hierusalymas* ita in oblivionem abiit, ut procurator *Palaestinae* Firmilianus rogarer, quoniam haec fuerit urbs? ap. Euseb. de *Martyr. Palaest.* c. 11. Idemdem a Constantini tempore invaluit, ut pristinum nomen haec urbs postliminio quasi recuperaret.

(59) Vid. Munter l. c. p. 85—97. et loca ibi citata.

(60) Justin. in *Dial.* l. c. Ariosto Pellaeus ap. Euseb. *H. E. L.* IV. c. 6. Tertullian. *adv. Jud.* c. 15. Hieronym. in *Eccl.* c. 6. Sulpic. Sev. L. II. c. 45.

§. 38. *De novo coetu Hierosolymitano, sub
Marco Episcopo Ethnico-Christianis.*

Jam paucis videamus, quidnam valuerit repetita haec stragea *Judaeorum* ad sortem *Judaeo-Christianorum* immutandam. Ipsi hoc bello satis superque edocti sunt, se nihil quam mala a civibus suis exspectare posse. *Christiani Palaestinienses* a *Barchochabâ* male habiti sunt et vexati, si recusarent se adungere armis *Judaeorum*, seditiosisque fieri consortes (61).

Hoc modo mentes *Judaeo-Christianorum* imprimis abalienabantur a populo, cujus partem et ipsi efficiebant, tantoque facilius flectebantur in favorem gentilium, qui soli ipsis defensores et vindices adesse poterant contra rabiem civium suorum. Ipso belli furore *Judaeo-Christiani*, in *Palaestina* degentes, varia mala perpeti debuerunt, quae coetibus ipsorum multum attulerunt noxae. Quid mirum adeo *Judaeo-Christianismi* studium prorsus evanuisse apud homines, qui quasi oculis suis viderant, *Judaicam* gentem calamitatibus omnibus quasi devotam fuisse, plerosque adeo omnia missa fecisse vincula, quae cum *Judaeis* ipsos jungebant. Neque opus est, ut tantum ratioctinio efficiamus, tale quid obtinuisse; historia

(61) Justin. in *Apolog.* I. p. 62. Edit. Bened. Euseb. IV, 6. Oros. *Hist.* L. VII. c. 12.

ria ipsa testatur, ejusmodi eventum tempore Hadriani affuisse.

Pella Hieroselymam nunc *Aeliae* dictam nomine redierat coetus. Non vero ipsis hoc licuisset ob Hadriani decretum, si quidem Judaicae gentis consortium retinere voluissent. Plerique itaque, qui ad hunc usque diem observationi legis Moisaicae addicti fuerant, cumque eâ Christi junxerant disciplinam, a pristina institutione discesserunt, inque partes *Ethnico-Christianorum* se contulerunt (62). Tum Episcopus coetus *Hieroselymitani* creatus Marcus quidam *Ethnico-Christianus*, cum decessores ipsius omnes *Judaei* fuissent. Hoc indicium diserte docet, quantâ curâ coetus *Christianorum*, in pristinam reversus sedem, omnia evitaret, quae nexum cum *Judaismo* indicarent. Prudenter sic egerunt, siquidem juribus uti vellent, quae Hadrianus novis colonis *Aeliae* suae concesserat: neque Imperator hicce *Christianis* infensus adeo fuit; ita ut bene rebus suis prospicerent *Palæstinenses*, si se conferrent quasi sub ejus tutelam (63).

Re-

(62) Sulp. Sev. Lib. II. c. 31. qui locus classicus hac in re dicendus est. Cf. Epiphani. *de Pond. et mens.* §. 15. Auctor libelli *Ontwerp der Godsdienstigevoelenz* etc. supra cit. p. 123. cum aliis rem sic proposuit, quasi *Judaeo-Christiani* a reliquis urbe *Hierosolymorum* pellicerentur, quippe minores numero. Minus accurate tamen.

(63) De hoc eventu memorabili egregie disseruit Mosheimus, *Comment. de reb. ante Constant.* p. 325 seqq. Cf. Gieseler l. c. p. 325. Qui omnino legendus in his, quae de

Theo-

Reliqui, qui nolebant Marcum agnoscere Episcopum, a vitis adhaerentes institutis, extra *Hierosolymorum* fines recedere coacti, jam in partes *Transjordanenses* secedunt, ibique eos reperit Hieronymus *Ebionaeorum* et *Nazarenorum* nomine insignitos. Sic vidimus matrem et nutricem *Judaeo-Christianorum*, coetum nimirum *Hierosolymitanum* in ditionem *Ethnico-Christianorum* pervenisse; et quidquid tandem *Judaismi* in posterum effecerit, in *Christianorum* disciplinam, arx et sedes adeo *Judaeo-Christianismi* sublata est; neque hoc amplius valuit, quod antea quidem. Ceterum Ecclesiae Christianae fata, maxime vero identidem exulta sentiendi ratio de doctrinâ Christi, tandem effecerunt lapsu temporis, mortemque attulerunt corpori, quod lethali jam laborabat vulnere.

Hujus rei ulterior inquisitio ad nostrum argumentum non amplius pertinet. Itaque hic finem facimus. Vidimus *Judaeo-Christianismum* ortum, auctum, Christianae disciplinae perniciem minantem impugnatum; tandem externarum rerum pondere labefactatum, repressum. Ab opere nostro discedimus Divinae providentiae moderamen admirantes, quae fati populorum, et vicissitudinibus usa, malum a Christi cultoribus ipsâque disciplinâ averruncavit, quod hominum conamina

Ip-

Thebuti quodam schismatico, *Judaeo-Christianismo* favendi, ex loco quodam Hegesippi ap. Euseb. IV, 22. monuit p. 320 1599.

Z

ipsis necessario afferre debere videbantur. Divina vero discipula victrix ex arenâ discessit, novoque circumdata splendore ex luctû prodiit: et curae Divinae pro hominum salute clarissimum exhibuit spectaculum.

T A N T U M.

THESES.

T H E S E S.

I.

Justinus Martyr *Euangelia*, quae in Codice librorum N. T. supersunt, cognovit, et effata, quae passim attulit, similia illis, quae in libris historicis de vitâ et doctrinâ Jesu reperiuntur, non ex Euangelio *Ebionitarum*, sed ex Euangelis Canonis repetiisse, censendus est: Ἀπομνημονεύματ'ον vero appellatione usus esse videtur, quod librum Xenophontis hoc titulo insignitum ob oculos habuerit.

I I.

Perperam nonnulli perhibent, *Apostolos* Jesu apud gentes veteres plane de *Diabolo* siluisse, cujus mentionem propterea apud *Judaeos* injece- rint, ut ad horum falsas se accommodarent opi- niones.

Z a

I I I.

I I I.

In numerum vexationum, quibus cultores Christi ab Imperatoribus *Romanis* vehementer infestati esse leguntur, eae tantum referendae sunt calumniae et injuriae et horrenda omnis generis mala, quae temporibus Decii et Diocletiani, publicâ auctoritate inferrentur sectatoribus Religionis Christianae, quam *Romani* securitati imperii adversam haberent, et quibus omnes omnino *Christiani* qua tales affligerentur.

I V.

Actionum consilia et principia per se egregia et probatissima dici possunt, nec tamen ea ipsa laudanda sunt, nisi in hisdem adhibendis et applicandis prudenter versetur, et omnino caveatur, ne illud, quod reapte bonum est, per loci vel temporis rationes, et omnino per rei adjuncta fiat incommodum. Hoc imprimis tenendum est, in judicando de formâ regiminis Ecclesiastici et rituum in cultu sacro usu. Quod hic utile est, ob reipublicae conditionem hominumque et morum rationem, alibi non sine noxâ adhiberi potest, quod uni temporis convenit, alteri saepe est incongruum. Haec observatio imprimis usu venit, ut lenius sentiamus de auctoritate *Clericorum* mediæ aevi, quae isti aetati quam maxime utilis fuit, et populis *Europae* multorum bonorum ferax fuit mater.

V.

Bella inter factiones *Gibellinorum* et *Guelforum* seculo 12 et 13 gesta multum contrulerunt, ad auctoritatem *Romani Episcopi* augendam. Feliciter ideo evenit, Bonifacii VIII temeritatem adversarium sibi excitasse regem *Franciae* Philippum Pulchrum, ipso illo tempore, quo Imperatores *Germaniae* ad obedientiam Sanctae sedi praestandam coacti fuerant.

V I.

Christianae de vitâ et moribus doctrinae praestantia et utilitas ex eo clarissime elucet, quod omnes facultates humanas in usum suum convertat, imo et affectiones animi inferioris ordinis, (τὰ κατώτερα), sic temperet et regat, ut ad perfectionem hominis moralem promovendam inserviant.

V I I.

In eandem saepe, quam aliis exprobrant, culpam incidunt, qui, dum in causâ religionis libertatis patronos se acriter sistunt, et in eos, qui pristinae cogitandi rationi religiose adhaerescunt, acerbius invehuntur, ardentissimum simul desiderium produunt, alios in suas partes trahendi, neque in aliis ferunt sentiendi libertatem, quam sibi insolenter arrogant.

V I I I.

V I I L.

Impietas (*avaritia*) et superstitio, quamvis naturâ suâ diversissimae videantur, saepe arctissimo nexu inter se junctae conspiciuntur.

I X.

In pueris religionis Christianae scientiâ imbuendis, (*Catechizare* vulgo audit), non ea solum aut praecipue probanda est methodus, quae dici solet *Socratica*.



326.111

D. v. HEYST,
DE
JUDAEO-
CHRISTIA-
NISMO,
SECULO I.

61

7

12

mc

000326441

